

# কাব্যজিজ্ঞাসা

অতনু- ৩৩-

# কাব্যজিজ্ঞাসা

অতুলচন্দ্র গুপ্ত



বিশ্বভারতী গ্রন্থনবিভাগ  
কলকাতা

প্রথম প্রকাশ আশ্বিন ১৩৩৫  
দ্বিতীয় সংস্করণ আষাঢ় ১৩৪৮  
পুনর্মুদ্রণ অগ্রহায়ণ ১৩৫১, অগ্রহায়ণ ১৩৫৫, বৈশাখ ১৩৬২, কার্তিক ১৩৬৪  
মাঘ ১৩৬৫, শ্রাবণ ১৩৬৮, জ্যৈষ্ঠ ১৩৭০, মাঘ ১৩৭৪  
তৃতীয় সংস্করণ মাঘ ১৩৮০  
পুনর্মুদ্রণ পৌষ ১৩৮৭, ফাল্গুন ১৩৯১, আশ্বিন ১৩৯৫, অগ্রহায়ণ ১৩৯৮  
কার্তিক ১৪০৭  
পরিমার্জিত সংস্করণ আষাঢ় ১৪০৯

© বিশ্বভারতী

ISBN-81-7522-267-0

প্রকাশক কল্যাণ মৈত্র  
বিশ্বভারতী । ৬ আচার্য জগদীশচন্দ্র বসু রোড । কলকাতা ১৭

মুদ্রক শ্রীচঞ্চল ঘোষ  
বর্ণাঙ্কর । ৩০/১এ কলেজ রো । কলকাতা ৯

দুনিয়ার পাঠক এক হও! ~ [www.amarboi.com](http://www.amarboi.com) ~

## ভূমিকা

১৩৩৩ সালের সবুজ পত্রে কাব্যজিজ্ঞাসা নামে আমার যে-কয়েকটি প্রবন্ধ-প্রকাশ হয়েছিল, এ বইখানি, উল্লেখযোগ্য কোনো পরিবর্তন না করে, সেই প্রবন্ধগুলির একত্র সংগ্রহ মাত্র।

এই গ্রন্থের প্রবন্ধগুলিতে সংস্কৃত আলংকারিকদের মতামত-অবলম্বনে কাব্য সম্বন্ধে কয়েকটি মূল প্রশ্নের আলোচনার চেষ্টা করেছি। বইখানি আলোচ্য বিষয়গুলি সম্পর্কে আলংকারিকদের মতবাদের সমষ্টি নয়। কারণ, প্রায় প্রতি বিষয়ে নানা আলংকারিকের নানা মত; কিন্তু এ গ্রন্থে কেবল সেই-সব মত ও কথা উদ্ধৃত ও আলোচনা করেছি, যা আমার নিজের মনে লেগেছে। বিরুদ্ধ মতের যেখানে উল্লেখ করেছি, সে কেবল গ্রাহ্য মতকে পরিস্ফুট করার জন্য।

বলা হয়তো বাহ্যিক যে, কাব্য সম্বন্ধে আলংকারিকদের যত-সব আলোচ্য বিষয় ছিল, তার সকলগুলি আমার গ্রন্থের আলোচ্য বিষয় নয়। আমাদের এ যুগের লোকের মনে কাব্য সম্বন্ধে যে-সব প্রধান জিজ্ঞাসা—এ গ্রন্থে কেবল তারই আলোচনা করেছি। আলংকারিকেরা এমন অনেক বিষয় আলোচনা করেছেন, যাতে আমাদের কোনো কৌতুহল নেই। কারণ, কালভেদে কেবল মীমাংসার পরিবর্তন ঘটে না, প্রশ্নেরও বদল হয়। কিন্তু কাব্যবস্তু এক বলে যে-সব জিজ্ঞাসা আমাদের মনে উঠেছে, তার অনেকগুলিই অনেক আলংকারিকের মনেও উঠেছিল, এবং কোনো কোনো আলংকারিক তাদের যে বিচার ও মীমাংসা করেছেন, তা বিশ্লেষণের নিপুণতায় ও অন্তর্দৃষ্টির গভীরতায় কাব্যতত্ত্বের প্রাচীন বা নবীন কোনো আলোচনার চেয়ে কম উপাদেয় নয়। সংস্কৃত আলংকারিকদের সেই বিচার ও মীমাংসার কিছু পরিচয় দিতে এই গ্রন্থে প্রয়াস করেছি। সেজন্য তাঁদের নানা স্থানে ছড়ানো মত ও কথাকে একসঙ্গে সাজিয়ে গাঁথতে হয়েছে, যার সুতোটি আমার। মাঝে মাঝে তাঁদের কথাকে প্রাচীন পরিচ্ছদ ছাড়িয়ে হালের পোশাকও পরাতে হয়েছে। কিন্তু জ্ঞানতঃ তাঁদের মত ও কথাকে বিকৃত করে আধুনিক মত ও কথার সঙ্গে মিলিয়ে দিতে চেষ্টা করি নি। যদি তাঁদের কথা ও মত পাঠকের কাছে খুব আধুনিক রকমের বলে মনে হয়, তার কারণ, আমরা আধুনিকেরা যে-প্রশ্নের যে-প্রণালীতে বিচার করছি, প্রাচীন আলংকারিকেরাও সেই প্রশ্নের ঠিক সেই প্রণালীতে বিচার করেছিলেন। তাঁদের পরিভাষা ও প্রকাশভঙ্গি ভিন্ন, কিন্তু তাঁদের বক্তব্য এক।

উল্টো রকমের সন্দেহের বিরুদ্ধে দু-একটি কথা বলা প্রয়োজন। এ গ্রন্থে আলংকারিকদের সংস্কৃত বচন ক্রমাগত তুলেছি, সংস্কৃত কবিদের কাব্য থেকে বহু উদাহরণ



নিয়েছি—বেশির ভাগ আলংকারিকদের দেওয়া, কতক আমার নিজের। এ থেকে যদি কেউ সন্দেহ করেন যে, এ গ্রন্থের আলোচিত কাব্যতত্ত্ব কেবলমাত্র সংস্কৃত কবিদের কাব্যের তত্ত্ব, এবং সংস্কৃত কাব্যসাহিত্যের বাইরে সে তত্ত্বের কোন প্রয়োগ নেই—তবে আশ্চর্য হওয়া হয়তো অনুচিত; যদিচ ইংরেজ কাব্যসমালোচকদের ইংরেজী বচন তুলে ইংরেজ কবিদের কাব্য থেকে উদাহরণ দিয়ে লিখলে এ সন্দেহ কারও হত না যে, মীমাংসাগুলি কেবল ইংরেজি কাব্যসাহিত্য সম্বন্ধেই সত্য, আর কোনো কাব্যসাহিত্য সম্বন্ধে নয়। সংস্কৃত আলংকারিকদের যে-সব কথা ও মতামতের আলোচনা করেছি, তা যদি সকল কাব্যসাহিত্যে সমান প্রযোজ্য না হত, তবে সেগুলি হত প্রত্নতাত্ত্বিকের আলোচ্য এবং আমাদের মতো ‘অ্যামেচিয়র্’এর বিভীষিকা। তাঁদের আলোচনা ও মীমাংসা বিশ্বজনীন, ও সকলকাব্যসাধারণ—এই বুদ্ধি ও বিশ্বাসেই তার পরিচয় দিতে উৎসাহিত হয়েছি। যদি সে পরিচয়ে পাঠকের অন্য রকম ধারণা হয়, সে ত্রুটি আমার, সংস্কৃত আলংকারিকদের বা কবিদের নয়। মানুষ বিশেষকে পরীক্ষা করেই সাধারণকে পায়, কারণ সাধারণ হচ্ছে যানানা বিশেষের মধ্যে সাধারণ। সেজন্য সকল বিশেষকে পরীক্ষার প্রয়োজন হয় না, এবং তা অসম্ভব। যার দৃষ্টি আছে সে একটি বিশেষকে পরীক্ষা করেই সাধারণকে ধরতে পারে। সংস্কৃত কবিদের কাব্যে যদি কাব্যতত্ত্ব থেকে থাকে, আর সংস্কৃত আলংকারিকদের যদি তত্ত্বদর্শিতার অভাব না থেকে থাকে, তবে বিশ্বসাহিত্যের খবর না রেখেও, আলংকারিকদের সকল কাব্যের মূলতত্ত্ব আবিষ্কারের মধ্যে সন্দেহের কিছু নেই। যেমন ইংরেজ সমালোচকেরা সংস্কৃত কাব্যসাহিত্যের কোনো খবর না রেখেও সকলকাব্যসাধারণ কাব্যতত্ত্ব নিয়ে আলোচনা করেন। অ্যারিস্টটল ‘পোয়েটিক্স’ লিখেছিলেন, কিন্তু গ্রীক কাব্যসাহিত্য ছাড়া আর কোনো কাব্যসাহিত্যের সঙ্গে তাঁর পরিচয় ছিল না। সবুজ পত্রে যখন এই গ্রন্থের প্রবন্ধগুলি প্রকাশ হয়, তখন দু-একজন পণ্ডিত লোক তাদের আলোচনার বিশ্বজনীনত্বে সন্দেহ করেছিলেন—তাই এ কথাগুলি বলতে হল।

এ গ্রন্থে দুজন আলংকারিকের লেখার উপরে প্রধানতঃ নির্ভর করেছি—আনন্দবর্ধন ও অভিনবগুপ্ত। এঁরা দুজনেই কাশ্মীরের অধিবাসী ছিলেন। আনন্দবর্ধন সম্ভবতঃ খ্রীষ্টীয় নবম শতকের মধ্যভাগের লোক। তিনি সুপ্রসিদ্ধ ধন্যালোক গ্রন্থের ‘বৃত্তি’ অংশের লেখক। ধন্যালোক গ্রন্থখানি অন্যান্য অনেক অলংকারের পুঁথির মতো কারিকা ও তার বৃত্তির সমষ্টি। এই কারিকা ও বৃত্তি সাধারণতঃ হয় এক লেখকের লেখা। লেখক কারিকায় বক্তব্য সংক্ষেপে বলে বৃত্তিতে তার আলোচনা করে তাকে বিশদ করেন। কিন্তু সহজেই প্রতীতি হয় যে, ধন্যালোকের কারিকার শ্লোক ও বৃত্তির আলোচনা এক লোকের লেখা নয়। এই

বৃত্তিতে আনন্দবর্ধন 'ধ্বনিবাদ'এর মতটিকে পূর্ণাঙ্গ ক'রে গড়ে তুলেছেন, কিন্তু কারিকার শ্লোকগুলিতে কোনো বিশেষ মত খুব শক্ত দানা বাঁধে নি। একটি পরম রসগ্রাহী মনের গভীর অনুভূতি এই কারিকাগুলিতে প্রকাশ হয়েছে। এর এক-একটি শ্লোক উজ্জ্বল দীপশিখার মতো পাঠকের মন আলোতে ভরে দেয়। আমার এই ক্ষুদ্র গ্রন্থেই পাঠক তার অনেক উদাহরণ পাবেন। কিন্তু এই সহৃদয় লেখকের নাম পর্যন্ত আমাদের অজ্ঞাত, এবং একাদশ খ্রীষ্টাব্দের শেষ ভাগ থেকে সংস্কৃত আলংকারিক-সমাজেও অজ্ঞাত ছিল মনে হয়; কারণ, অনেক আলংকারিক আনন্দবর্ধনকেই কারিকার লেখক বলে উল্লেখ করতে দ্বিধা করেন নি। সম্ভবতঃ বৃত্তিকার আনন্দবর্ধনের পাণ্ডিত্যের খ্যাতির নীচে এই রসজ্ঞ কারিকাকারের নাম চাপা পড়ে গেছে। কিন্তু ধ্বনিবাদের ইমারতের অনেক পাণ্ডিত্যের ইট আজ খসে পড়লেও, এই কারিকাগুলির জ্যোতি অনির্বাণ রয়েছে। এই অজ্ঞাতনামা রসিকশ্রেষ্ঠের স্মৃতির উদ্দেশ্যে শ্রদ্ধা ও প্রীতি নিবেদন করছি।

অভিনবগুপ্তের শেষ ভাগের লেখা থেকেই জানা যায় যে, তিনি খ্রীষ্টাব্দের দশম শতকের শেষ ভাগের ও একাদশ শতকের প্রথম ভাগের লোক। তিনি বহু শাস্ত্রে সুপণ্ডিত ছিলেন, এবং শৈবদর্শন সম্বন্ধে নানা পুঁথি লিখে খুব প্রসিদ্ধি লাভ করেন। কাব্যতত্ত্ব সম্বন্ধে তাঁর দুখানি প্রধান গ্রন্থ হচ্ছে ধ্বন্যালোকের লোচন নামে টীকা, এবং ভরতনাট্যশাস্ত্রের অভিনবভারতী নামে সুবিস্তৃত বিবৃতি বা ভাষ্য। আমার এই গ্রন্থে ধ্বন্যালোকের টীকা থেকেই অভিনবগুপ্তের মত ও লেখা তুলেছি। যে রসবাদ সংস্কৃত আলংকারিকদের কাব্যজিজ্ঞাসার চরম মীমাংসা, অভিনবগুপ্ত তার সর্বপ্রধান আচার্য। যে তত্ত্ব পূর্বে অক্ষুট, অসুব্যক্ত ও অপূর্ণাঙ্গ ছিল, আচার্য অভিনবগুপ্ত তাকে অনবদ্যসর্বাঙ্গ রূপ দিয়ে রসিকসমাজে পরিষ্কৃত ও প্রতিষ্ঠিত করেছেন। এ পুঁথিতে ধ্বন্যালোকলোচন থেকে তাঁর যে-সব রচনা উদ্ধৃত করেছি, তা থেকেই পাঠক অভিনবগুপ্তের চিন্তার তীক্ষ্ণতা, বিশ্লেষণক্ষমতার নৈপুণ্য ও রসদৃষ্টির গভীরতার পরিচয় পাবেন। তাঁর অপর গ্রন্থ অভিনবভারতী এতদিন দুস্প্রাপ্য ছিল। সম্প্রতি Gaekwad's Oriental Series-এ শ্রীযুক্ত মনবল্লী রামকৃষ্ণ কবি মহাশয় অভিনবভারতী সমেত ভরতনাট্যশাস্ত্র চার খণ্ডে প্রকাশ করেছেন। তার প্রথম খণ্ড প্রকাশ হয়েছে; এবং নাট্যশাস্ত্রের যে ষষ্ঠ অধ্যায়ে রসের পরিচয় ও বিচার আছে, অভিনবগুপ্তের ভাষ্য-সহ সেই 'রসাধ্যায়' এই খণ্ডেই ছাপা হয়েছে। কাব্যতত্ত্বজিজ্ঞাসুদের পক্ষে এটি আনন্দের সংবাদ। কিন্তু অভিনব-ভারতীর যে কয়খানি মূল পুঁথি কবি মহাশয় পেয়েছেন, তার একখানিও সম্পূর্ণ পুঁথি নয়, এবং সবগুলিই এত ভ্রমপূর্ণ যে, তা থেকে অনেক জায়গায় প্রকৃত পাঠ নির্ণয় অসম্ভব। কবি মহাশয় রহস্য করে বলেছেন যে স্বয়ং

অভিনবগুপ্ত স্বৰ্গ থেকে নেমে এলেও এ-সব পুঁশি থেকে তাঁর মূলপাঠ উদ্ধার করতে পারতেন না। সে যা হোক, আমাদের মতো অপণ্ডিত লোকের কাজ ওতেই অনেকটা চলে। কারণ অভিনবগুপ্তের মনের কথাটা মোটামুটি ও থেকে ধরা যায়।

এই ভূমিকায় আনন্দবর্ধন ও অভিনবগুপ্তের যে দেশকালের খবর দিয়েছি, তা সংগ্রহ করেছি শ্রীযুক্ত সুশীলকুমার দে-প্রণীত *Studies in the History of Sanskrit Peotics* গ্রন্থের প্রথম খণ্ড থেকে। সেজন্য তাঁর কাছে আমার ঋণ স্বীকার করছি। কৌতূহলী পাঠক সুশীলবাবুর গ্রন্থে ঐ দুই আলংকারিকের আরও কিছু পরিচয় পাবেন।

আমার এই ক্ষুদ্র পুঁথিখানি বাঙালি রসিক ও ভাবুক-সমাজে উপস্থিত করে প্রার্থনা করছি যে, আমাদের দেশের নবীন ও প্রাচীন রসজ্ঞদের মধ্যে চিন্তার যোগ স্থাপিত হোক।

আশ্বিন ১৩৩৫

দুনিয়ার পাঠক এক হও! ~ [www.amarboi.com](http://www.amarboi.com) অতুলচন্দ্র গুপ্ত

কাব্যজিহ্বাসা ..

কাব্যজিজ্ঞাসা গ্রন্থের বর্তমান মুদ্রণে সাহিত্যদর্পণ ও ধন্যালোক গ্রন্থ থেকে উদ্ধৃত কারিকা অংশের কিঞ্চিৎ পাঠ-সংশোধন করা হল। ধন্যালোক-এর ক্ষেত্রে এই সংশোধন শ্রীপট্টভিরাম শাস্ত্রী-সম্পাদিত গ্রন্থ অনুসারে কৃত। পাদটীকায় যে-সকল স্থলে সাহিত্যদর্পণ ও ধন্যালোক গ্রন্থের পরিচ্ছেদ, উদ্যোত, কারিকা, বৃত্তি উল্লিখিত ছিল না সেগুলি বর্তমান মুদ্রণে সংযোজিত হল। এই-সব সংশোধন এবং তথ্য সংকলন বিশ্বভারতীর সংস্কৃত, পালি এবং প্রাকৃতের বিভাগীয়-প্রধান অধ্যাপক ডক্টর বিশ্বনাথ বন্দ্যোপাধ্যায়ের সহায়তায় এবং গ্রন্থবিভাগের কর্মী শ্রীগগন দেব অক্লান্ত পরিশ্রমে সম্ভব হয়েছে।

মাঘ ১৩৮০

রবীন্দ্রভারতী বিশ্ববিদ্যালয়ের অধ্যাপক শ্রীসমীরণ চক্রবর্তী কয়েকটি মুদ্রণত্রমাদের প্রতি দৃষ্টি আকর্ষণ করেন। তাঁর সহায়তায় বর্তমান মুদ্রণে সেগুলি সংশোধিত হয়েছে।

ফাল্গুন ১৩৯১

আরামবাগ কলেজের অধ্যাপক শ্রীপ্রণবকুমার দত্ত কয়েকটি মুদ্রণত্রমাদের কথা জানিয়েছেন—  
তদনুযায়ী বর্তমান মুদ্রণে উল্লেখযোগ্য সংশোধন করা হল।

অগ্রহায়ণ ১৩৯৯ জিয়ার পাঠক এক হও! ~ www.amarboi.com ~

## ধ্বনি

ইহুদি ও খ্রীষ্টানের ধর্মপুঁথিতে বলে, বিধাতাপুরুষ তাঁর আকাজ্জকার বলে দ্যোঃ পৃথিবী, আলো অন্ধকার, সূর্য চন্দ্র সব সৃষ্টি করলেন, এবং সৃষ্টির পর দেখলেন যে সে-সৃষ্টি অতি চমৎকার। ঐ পুরাণেই বলে, সৃষ্টিকর্তা মানুষকে তৈরি করেছেন তাঁর প্রতিকরূপ ক'রে, আর নিজের নিশ্বাসবায়ুতে তার প্রাণ প্রতিষ্ঠা করেছেন। অর্থাৎ, মানুষ যেখানে স্রষ্টা তার সৃষ্টির রহস্য বিশ্বসৃষ্টিরহস্যেরই প্রতিচ্ছায়া; অথবা, যা একই কথা, নিজের সৃষ্টির স্বরূপ ছাড়া সৃষ্টিতত্ত্ব-আয়ত্তের আর কোনো চাবি মানুষের হাতে নেই। বাইবেলের বিধাতার মতো মানুষ অন্তরাত্মার আকাজ্জকার চালনায় যা সৃষ্টি করে তার চমৎকারিত্ব তার নিজেকেই বিস্মিত ক'রে দেয়। বাহিরের বিশ্বের স্বরূপ ও সৃষ্টিকৌশল আবিষ্কারে যেমন মানুষের বুদ্ধির বিরাম নেই, নিজের সৃষ্টির স্বরূপ ও কৌশলের জ্ঞানেও তার ঔৎসুক্যের সীমা নেই। কেননা সে-সৃষ্টিও মানুষের বুদ্ধির কাছে বাইরের মতোই রহস্যময়।

'রামায়ণে' কাব্যের জন্মকথার যে কাব্যোক্তিহাস আছে, তাতে মানুষের সৃষ্টির এই তত্ত্বই কাব্যসৃষ্টি সম্বন্ধে বলা হয়েছে। ক্রৌঞ্চধ্বন্দ্ব-বিয়োগের শোকে যখন বাল্লীকির মুখ থেকে "মা নিষাদ প্রতিষ্ঠাং" ইত্যাদি বাক্য আপনি উৎসারিত হল তখন—

তস্যেখং ক্রবতচ্চিত্তা বভুব হৃদি বীক্ষতঃ।

শোকাকর্তে নাস্য শকুনেঃ কিমিদং ব্যাহতং ময়া ॥

'বীক্ষণশীল মুনির হৃদয়ে চিন্তার উদয় হল, শকুনির শোকে শোকাকর্ত হয়ে এই যে আমি উচ্চারণ করলেম—এ কী!' তখন নিজের প্রজ্ঞা দিয়ে তিনি এর প্রকৃতি চিন্তা করতে লাগলেন—

চিন্তয়ন্ স মহাপ্রাজ্ঞশ্চকার মতিমান্ মতিম্।

এবং শিষ্যকে বললেন—

পাদবন্ধোহক্ষরসমস্তস্ত্রীলয়সমম্বিতঃ।

শোকাকর্তস্য প্রবৃত্তো মে শ্লোকো ভবতু নানাথা ॥

'এই বাক্য পাদবন্ধ, এর প্রতি পদে সমাক্ষর, ছন্দের তস্ত্রীলয়ে এ আন্দোলিত; আমি শোকাকর্ত হয়ে একে উচ্চারণ করেছি, এর নাম শ্লোক হোক।'

রামায়ণকার আদিকবির মুখ দিয়ে যে কৌতূহল প্রকাশ করেছেন, সেটি কাব্যরসিক মানবমনের সাধারণ কৌতূহল। মহাকাবিদের প্রতিভা এই-যে অপূর্ব দুনিয়ার পাঠক এক হও! ~ www.amarboi.com ~

মনোহর শব্দগ্রন্থনের সৃষ্টি করে, 'কিমিদম্'—এ কী বস্তু। এর স্বরূপ কী। তার উত্তরে যে আলোচনার উৎপত্তি, আমাদের দেশের প্রাচীনেরা তার নাম দিয়েছেন অলংকারশাস্ত্র। সে শাস্ত্রের প্রধান কথা কাব্যজিজ্ঞাসা। কাব্যের কাব্যত্ব কোথায়। কোন্ গুণে বাক্য ও সন্দর্ভ বাক্য হয়। আলংকারিকদের ভাষায়, কাব্যের আত্মা কী।

কাব্যের আত্মা যা-ই হোক, ওর শরীর হচ্ছে বাক্য—অর্থযুক্ত পদসমুচ্চয়। সুতরাং কাব্যদর্শনে যারা দেহাত্মবাদী, তাঁরা বলেন, ঐ বাক্য অর্থাৎ শব্দ ও অর্থ ছাড়া কাব্যের আর স্বতন্ত্র আত্মা নেই। বাক্যের শব্দ আর অর্থকে আটপৌরে না রেখে সাজসজ্জায় সাজিয়ে দিলেই বাক্য কাব্য হয়ে ওঠে। এই সাজসজ্জার নাম অলংকার। শব্দকে অলংকারে, যেমন অনুপ্রাসে, সাজিয়ে সুন্দর করা যায়, অর্থাৎ উপমা, রূপক, উৎপ্রেক্ষা নানা অলংকারে চারুত্ব দান করা যায়। কাব্য যে মানুষের উপাদেয়, সে এই অলংকারের জন্য। কাব্যং গ্রাহ্যমলংকারাৎ।<sup>১</sup> এ মতকে বালকোচিত ব'লে উড়িয়ে দেওয়া কিছু নয়। এই মত থেকেই কাব্যজিজ্ঞাসা শাস্ত্রের নাম হয়েছে অলংকারশাস্ত্র। এবং যেমন অধিকাংশ লোক মতে না হলেও জীবনে লোকায়ত মতের অনুবর্তী, দেহ ছাড়া যে মানুষের আর কিছু আছে তাদের জীবনযাত্রা তার কোনো প্রমাণ দেয় না, তেমনি, মুখের মতামত ছেড়ে যদি অন্তরের কথা ধরা যায়, তবে দেখা যাবে অধিকাংশ কাব্যপাঠক কাব্যরিচারে এই দেহাত্মবাদী। তাদের কাব্যের আত্মাদান শব্দ ও অর্থের অলংকারের আত্মাদান। এবং সেইজন্য অনেক লেখক, যাদের রচনা অলংকৃত বাক্য ছাড়া আর-কিছু নয়, তারা পৃথিবীর সব দেশে কবি পদবী লাভ করেছে।

অলংকারবাদীদের সমালোচনায় অন্য আলংকারিকেরা বলেছেন, কাব্য যে অলংকৃত বাক্য নয় তার প্রমাণ, শব্দ ও অর্থ দু-রকম অলংকারই আছে অথচ বাক্যটি কাব্য নয়, এর বহু উদাহরণ দেওয়া যায়; আবার সর্বসম্মতিতে যা অতি শ্রেষ্ঠ কাব্য, তার কোনো অলংকার নেই, এরও উদাহরণ আছে। অর্থাৎ সমালোচকদের ন্যায়ের ভাষায় কাব্যের ও-সংজ্ঞাটি অতিব্যাপ্তি ও অব্যাপ্তি দুই দোষেই দুষ্ট। যেমন 'সাহিত্যদর্পণ'-এর একজন টীকাকার উদাহরণ দিয়েছেন—

তরঙ্গনিকরেন্দ্রীততরুণীগণসংকুলা ।

সরিদ্ব বহতি কল্লোলবৃহব্যাহততীরভূঃ ॥

এ বাক্যের শব্দে ও অর্থে অনুপ্রাস ও রূপক অলংকার রয়েছে, কিন্তু একে কেউ কাব্য বলবে না। বাক্য অনলংকৃত অথচ শ্রেষ্ঠ কাব্য, এর উদাহরণে সাহিত্যদর্পণকার কুমারসম্ভবের অকালবসন্ত-বর্ণনা থেকে তুলেছেন—

মধু দ্বিরেফঃ কুসুমৈকপাত্রে পপৌ প্রিয়াং স্বামনুবর্তমানঃ ।

শৃঙ্গৈ চ স্পর্শনিমীলিতাক্ষীং মৃগীমকণ্ডুত কৃষ্ণসারঃ ॥

এর এখানে-ওখানে যে একটু অনুপ্রাসের আমেজ আছে, তরঙ্গ-নিকরোন্নীত-তরুণীগণের কাছে তা দাঁড়াতেই পারে না, আর এর অর্থ একেবারে নিরলংকার । অকালবসন্তের উদ্দীপনায় যৌবনরাগে রক্ত বনস্থলীতে রতিদ্বিতীয় মদনের সমাগমে তির্যক্শ্রাণীদের অনুরাগের লীলাটি মাত্র কালিদাস ভাষায় প্রকাশ করেছেন । তাকে কোনো অলংকারে সাজান নি । অথচ মনোহারিত্বে পাঠকের মনকে এ লুঠ করে নেয় । অলংকারবাদীরা বলবেন, এখানেও অলংকার রয়েছে—যার নাম স্বভাবোক্তি অলংকার । প্রতিপক্ষ উত্তরে বলবেন, ঐ নামেই প্রমাণ—অলংকার ছাড়াও কাব্য হয় । কারণ, যেখানে ক্রিয়া ও রূপের অকৃত্রিম বর্ণনাই কাব্য, সেখানে নেহাত মতের খাতিরে ছাড়া সেই বর্ণনাকেই আবার অলংকার বলা চলে না ।

অলংকারবাদকে একটু শুধরে নিয়ে আর-এক দল আলংকারিক বলেন, অলংকৃত বাক্য-মাত্রেরই যে কাব্য নয়, আর নিরলংকার বাক্যও কাব্য হতে পারে, তার কারণ কাব্যের আত্মা হচ্ছে 'রীতি' । রীতিরাত্মা কাব্যস্য ।<sup>২</sup> 'রীতি' হল পদরচনার বিশিষ্ট ভঙ্গি । বিশিষ্টা পদরচনা রীতিঃ ।<sup>৩</sup> অর্থাৎ কাব্যের আত্মা হল 'স্টাইল' । স্টাইলের গুণেই বাক্য বা সন্দর্ভ কাব্য হয়, আর তার অভাবে বক্তব্য বিষয়ের সমতা থাকলেও অন্য বাক্য কাব্য হয় না । স্বীকার করতে হবে, পৃথিবীর অনেক কবির কাব্য এই গুণেই লোকরঞ্জক হয়েছে । ভারতচন্দ্রের প্রধান আকর্ষণ তাঁর স্টাইল । ইউরোপের অনেক আধুনিক পদ্য ও গদ্য-লেখক এই স্টাইলের গুণে বা নবীনত্বে আর্টিস্ট বা কবি নাম পেয়েছেন । অলংকার হচ্ছে এই স্টাইল বা রীতির আনুষঙ্গিক বস্তু । অঙ্গে অলংকার পরলেই মানুষকে সুন্দর দেখায় না, যদি না তার অবয়বসংস্থান নির্দোষ হয় । স্টাইল হচ্ছে কাব্যের সেই অবয়বসংস্থান ।

রীতিবাদের দোষ দেখিয়ে অন্য আলংকারিকেরা বলেন, নির্দোষ অবয়বে ভূষণ যোগ করলেই সৌন্দর্য আসে না, শরীরেও নয় কাব্যেও নয় ।

প্রতীয়মানং পুনরন্যদেব বস্তুস্তি বাণীষু মহাকবীনাং ।

যত্ত্বপ্রসিদ্ধাবয়বাতিরিক্তং বিভাতি লাবণ্যমিবাঙ্গনাসু ॥<sup>৪</sup>

'রমণীদেহের লাবণ্য যেমন অবয়বসংস্থানের অতিরিক্ত অন্য জিনিস, তেমন মহাকবিদের বাণীতে এমন বস্তু আছে যা শব্দ, অর্থ, রচনা-ভঙ্গি, এ সবার অতিরিক্ত আরও কিছু ।' এই 'অতিরিক্তবস্তু'ই কাব্যের আত্মা ।



এ 'বস্তু' কী। উত্তরে বস্তুবাদী আলংকারিকেরা বলেন, এ জিনিসটি হচ্ছে কাব্যের বাচ্য বা বক্তব্য। "তরঙ্গনিকরোল্লীত" ইত্যাদি যে কাব্য নয় তার কারণ, ওর বাচ্য কিছুই নয়, ওর বক্তব্য বিষয় অকিঞ্চিৎকর। অন্য বাক্যের মতো কাব্যও পদসমুচ্চয় দিয়ে, শব্দের সঙ্গে শব্দ সাজিয়ে, কোনো বস্তু বা ভাবকে প্রকাশ করে। কাব্যের কাব্যত্ব নির্ভর করে ঐ বস্তু বা ভাবের বিশিষ্টতার উপর। সব বস্তু কি সব ভাব কাব্যের বিষয় নয়। বিশেষ বিশেষ প্রকারের বস্তু ও বিশেষ বিশেষ রকমের ভাবকে প্রকাশ করলেই তবে বাক্য কাব্য হয়। যেমন, ভাব কি বস্তুর মনোহারিত্ব, চমৎকারিত্ব বা অধিনভত্ব বাক্যকে কাব্য করে। অনেক বস্তু আছে যা স্বভাবতই মনোহারী—চন্দ্রচন্দনকোকিলালাপভ্রমরঝংকারাদয়ঃ। অনেক ভাব, যেমন—প্রেম, করুণা, বীর্য, মহত্ত্ব, মনকে সহজেই আকৃষ্ট করে। কবিরা এইসব বিশিষ্ট ভাব ও বস্তুকে কাব্যে প্রকাশ করেন; এবং তাঁদের বিশিষ্ট পদরচনাভঙ্গি, শব্দ ও অর্থে যথোচিত অলংকারের সমাবেশ, তাঁদের বাচ্য ভাব ও বস্তুকে অধিকতর মনোজ্ঞ করে তোলে। ভাব, বস্তু, রীতি ও অলংকার, এদের যথাযথ সমবায়ের কাব্যের সৃষ্টি। এ-সবার অতিরিক্ত কাব্যের আত্মা বলে আর ধর্মাত্তর নেই। যেমন বার্ষ্পত্যেরা বলেছেন—রক্ত, মাংস, মজ্জা ইত্যাদি উপাদানের সংমিশ্রণেই মানবদেহে চেতনার আবির্ভাব হয়; মন নামে কোনো স্বতন্ত্র বস্তু নেই।

যে-সব আলংকারিক বস্তুবাদীদের মতে মত দিতে পারেন নি, তাঁদেরও স্বীকার করতে হয়েছে, অধিকাংশ কবির কাব্য এই ভাব, বস্তু, রীতি ও অলংকারের গুণেই কাব্য। এমন-কি, মহাকাবীদের কাব্যপ্রবন্ধেরও অনেকাংশে এ ছাড়া আর কিছু নেই। তবে তাঁদের ভাব ও বস্তুর চমৎকারিত্ব হয়তো বেশি, তাঁদের রচনা ও প্রকাশভঙ্গি আরও বিচিত্র, তাঁদের অলংকার অধিকতর সংগত ও শোভন। কিন্তু তবুও যে এই আলংকারিকেরা কাব্যবিচারে এখানেই থামতে পারেন নি, তার কারণ, তাঁরা দেখেছেন, যা শ্রেষ্ঠ কাব্য তার প্রকৃতিই হচ্ছে বাচ্যকে ছাড়িয়ে যাওয়া। শব্দার্থমাঝে যেটুকু প্রকাশ হয়, সেই কথাবস্তু কাব্যের প্রধান কথা নয়। তা যদি হত, তবে যার শব্দার্থের জ্ঞান আছে, তারই কাব্যের আস্থাদান হত, কিন্তু তা হয় না।

শব্দার্থশাসনজ্ঞানমাত্রেরেণ ন বেদ্যতে।

বেদ্যতে স হি কাব্যার্থতত্ত্বজ্ঞেয়ং কেবলম্ ॥৫

'কাব্যের যা সার অর্থ, কেবল শব্দার্থের জ্ঞানে তার জ্ঞান হয় না, একমাত্র কাব্যার্থতত্ত্বজ্ঞেরাই সে অর্থ জানতে পারেন।'

যদি চ বাচ্যরূপ এবাসাবর্থঃ স্যাৎ তদ্বাচ্য-বাচক-স্বরূপপরিজ্ঞানাদেব তৎপ্রতীতিঃ স্যাৎ।

‘কাব্যার্থ যদি কেবল বাচ্যরূপ হত, তবে বাচ্যবাচকের স্বরূপজ্ঞানেই কাব্যার্থের প্রতীতি হত’।

অথ চ বাচ্যবচকরূপলক্ষণকৃতশ্রমাণাং কাব্যতত্ত্বার্থভাবনাবিমুখানাং

স্বরশ্রুত্যাঙ্গিলক্ষণমিবাশ্রয়ীতানাং গান্ধর্বলক্ষণবিদামগোচর এবাসাবর্থঃ ৷৬

‘অথচ দেখা যায়, কেবল বাচ্যবাচক-লক্ষণের জ্ঞানলাভেই যারা শ্রম করেছে, কিন্তু বাচ্যাতিরিক্ত কাব্যতত্ত্বের আন্ধাননে বিমুখ, প্রকৃত কাব্যার্থ তাদের অগোচর থাকে; যেমন গানের লক্ষণমাত্র যারা জানে তাদেরই সংগীতের সুর ও শ্রুতির অনুভূতি হয় না। অর্থাৎ শ্রেষ্ঠ কাব্য নিজেই বাচ্যার্থে পরিসমাণ্ড না হয়ে বিষয়ান্তরের ব্যঞ্জনা করে। আলংকারিকেরা কাব্যের এই বাচ্যাতিরিক্ত ধর্মাস্তরের অভি-ব্যঞ্জনার নাম দিয়েছেন ‘ধ্বনি’।

যত্রার্থঃ শব্দো বা তমর্থমুপসঙ্জনীকৃতস্বার্থো ।

ব্যঙ্ক্তঃ কাব্যবিশেষঃ স ধ্বনিরিত্তি সুরিভিঃ কথিতঃ ৷৭

‘সেখানে, কাব্যের অর্থ ও শব্দ নিজেদের প্রাধান্য পরিত্যাগ করে ব্যঞ্জিত অর্থকে প্রকাশ করে, পণ্ডিতেরা তাকেই ‘ধ্বনি’ বলেছেন। এই ব্যঞ্জিত অর্থের আলংকারিক পরিভাষা হল ‘ব্যঙ্গ্য’ বা ‘ব্যঙ্গ্যার্থ’। ধ্বনিবাদীরা বলেন, এই ধ্বনি বা ‘ব্যঙ্গ্য’ হচ্ছে কাব্যের আত্মা, তার সারতম বস্তু।

কিন্তু গোড়াতেই তাঁরা সাবধান করেছেন যে, কাব্যের ‘ধ্বনি’, উপমা ও অনুপ্রাস প্রভৃতি সে-সব অলংকার তার বাচ্যবাচকের—অর্থ ও শব্দের—চারুক্ম সম্পাদন করে, তাদের চেয়ে পৃথক জিনিস।

বাচ্যবাচকচারুক্মহেতুভ্যা উপমাদিভ্যোহনুপ্রাসাদিভ্যশ্চ বিভক্ত এব ৷৮

কারণ, শ্রেষ্ঠ কবিরা এমন সুকৌশলে, এ-সব অলংকারের প্রয়োগ করেন যে, আপাতদৃষ্টিতে মনে হয়, ঐ অলংকার বুঝি কবিতাকে বাচ্যার্থ ছাড়িয়ে ধ্বনিতে নিয়ে গেল। কিন্তু কাব্যরসিকেরা জানেন, শ্রেষ্ঠ কাব্যের আত্মা যে ‘ধ্বনি’ তা সেখানে নেই। কারণ, সেখানেও বাচ্যই প্রধান; ধ্বনির আভাস যেটুকু আছে, তা বাচ্যার্থের অনুষায়ী মাত্র। কিন্তু, শ্রেষ্ঠ কাব্যের যে ‘ধ্বনি’, তাই তার প্রধান বস্তু।

ব্যঙ্গ্যস্য যত্রাপ্রাধান্যং বাচ্যমাত্রানুষায়িনঃ ।

সমাসোক্ত্যাদয়স্তত্র বাচ্যালংকৃতয়ঃ স্কুটাঃ ৷

ব্যঙ্গ্যস্য প্রতিভামাত্রে বাচ্যার্থানুগমেহপি বা ।

ন ধ্বনির্যত্র বা তস্য প্রাধান্যং ন প্রতীয়তে ৷

তৎপরাবেব শব্দার্থো যত্র ব্যঙ্গ্যং প্রতি স্থিতৌ ।

ধ্বনেঃ স এব বিষয়ো মন্তব্যঃ সংকরোঙ্কিতঃ ৷৯

‘ব্যঙ্গ যেখানে অপ্রধান এবং বাচ্যার্থের অনুযায়ীমাত্র, যেমন সমাসোক্তিতে, সেখানে সেটি স্পষ্টই কেবল বাচ্যালংকার, ধ্বনি নয়। ব্যঙ্গ আভাসমাত্রে থাকলে, অথবা বাচ্যার্থের অনুগামী হলে তাকে ধ্বনি বলে না; কারণ, ধ্বনির প্রাধান্য সেখানে প্রতীয়মান নয়। যেখানে শব্দ ও অর্থ ব্যঙ্গ্যতেই প্রতিষ্ঠিত থাকে, সেই হচ্ছে ধ্বনির বিষয়; সুতরাং সংকরালংকার আর ধ্বনি এক নয়।’

এখানে যে দুটি অলংকারের বিশেষ করে নামোল্লেখ আছে, তার মধ্যে সমাসোক্তি অলংকারে বর্ণিত-বস্তুতে অন্য বস্তুর ব্যবহার আরোপ করে বর্ণনা করা হয়। কিন্তু, ঐ ভিন্ন বস্তু বা তার ব্যবহারের স্বতন্ত্র উল্লেখ থাকে না; বর্ণিত-বস্তুর কার্যবর্ণনা বা বিশেষণের মধ্যেই এমন ইঙ্গিত থাকে, যা তাদের সূচিত করে। এতে শব্দের প্রয়োগ খুব সংক্ষেপ হয় বলে এর নাম সমাসোক্তি। আনন্দবর্ধন খুব একটা জমকালো উদাহরণ তুলেছেন—

উপোঢ়রাগেণ বিলোলতারকং তথা গৃহীতং শশিনা নিশামুখম্।

যথা সমস্তং তিমিরাংশুকং তয়া পুরোহপি রাগাদ্ গলিতং ন লক্ষিতম্॥

‘উপগত সঙ্কারাগে আকাশে যখন তারকা অস্তিরদর্শন, সেই নিশার প্রারম্ভে যেমন চন্দ্রোদয় হল, অমনি পূর্বদিকের সমস্ত তিমিরযবনিকা কখন যে রশ্মিরাগে অপসৃত হল তা লক্ষ্যই হল না।’ এখানে রাত্রি ও চন্দ্রে, নায়িকা ও নায়কের ব্যবহার আরোপ করে বর্ণনা করা হয়েছে, এবং রচনায় শিল্পকৌশলের চাতুর্য যথেষ্ট। ওর প্রতি শব্দটি শ্লিষ্ট; রাত্রি ও চন্দ্রের কথাও বলছে, আবার নায়িকা ও নায়কের ব্যবহারও ইঙ্গিত করছে; উপোঢ়রাগেণ বিলোলতারকং—সঙ্কার অরুণিমা আকাশের তারা অস্তিরদর্শন, আবার উপচিত অনুরাগে চঞ্চল চক্ষুতারকা। গৃহীতং শশিনা নিশামুখম্—চন্দ্রোদয়ে আভাসিত রাত্রির প্রারম্ভ আবার মুখ অর্থে বদন, গৃহীত মানে ধৃত পরিচুষিত। সমস্ত তিমিরাংশুকং—এর ইঙ্গিত খুব স্পষ্ট; কিন্তু একটু কারিকুরি আছে। অংশুক মানে শুধু কাপড় নয়, সূক্ষ্ম বস্ত্র—যা নায়িকোচিত, এবং সঙ্কার অঙ্কারও গাঢ় নয়—পাতলা অঙ্কার। পুরঃ—অর্থ পূর্ব দিক, আবার সম্মুখে। রাগাদ্ গলিতং—আলোকরাগে অপসৃত, আবার অনুরাগের আবেশে স্থলিত। ন লক্ষিতং—রাত্রির প্রারম্ভে লক্ষিত হয় না, আবার অনুরাগের আবেশে অজ্ঞাতেই নীলাংশুক স্থলিত হল। কিন্তু এ-সব সত্ত্বেও আনন্দবর্ধন বলছেন—এখানে ধ্বনি নেই, কেননা এখানে বাচ্যই প্রধান, ব্যঙ্গ্যার্থ তার অনুগামী মাত্র—ইত্যাদৌ ব্যঙ্গ্যোয়ানুগতং বাচ্যমে প্রাধান্যেণ প্রতীয়তে। রাত্রি ও চন্দ্রে নায়িকানায়কের ব্যবহার সমারোপিত হয়েছে, এই বাক্যার্থ ছাড়িয়ে এ কবিতা আর বেশি দূর যায় নি—সমারোপিত-দুনিয়ার পাঠক এক হও! ~ www.amarboi.com ~

নায়িকানায়কব্যবহারয়োনিশাশিনোরব বাক্যার্থত্বাৎ । নায়ক-নায়িকা ব্যবহারের যে ব্যঞ্জনা, সেটি বাচ্যার্থেরই বৈচিত্র্য-সম্পাদক মাত্র ।

দ্বিতীয় অলংকারটি হচ্ছে সংকরালংকার । ওর নাম সংকর; কারণ, ওতে একাধিক অলংকার মিশ্রিত থাকে । যেমন এক অলংকারের প্রয়োগ হয়, কিন্তু সেটি আবার অন্য একটি অলংকারকে সূচিত করে । লোচনকার অভিনবগুণ্ড কুমারসম্ভবের একটা বিখ্যাত শ্লোক উদাহরণ দিয়েছেন—

প্রবাতনীলোৎপলনির্বিশেষমধীরবিশ্রেক্ষিতমায়তাক্ষ্যা ।

তয়া গৃহীতং নু মৃগাঙ্গনাভ্যন্ততো গৃহীতং নু মৃগাঙ্গনাভিঃ॥

‘বায়ুকম্পিত নীলপদ্মের মতো সেই আয়তলোচনার চঞ্চল দৃষ্টি, সে কি হরিণীদের কাছ থেকে গ্রহণ করেছে, না হরিণীরাই তার কাছে গ্রহণ করেছে, তা সংশয়ের কথা ।’ এখানে বক্তব্য হল—যৌবনারুঢ়া পার্বতীর দৃষ্টি হরিণীর দৃষ্টির মতো চঞ্চল । কিন্তু এই উপমাটি স্পষ্ট না বলে একটি সন্দেহ দিয়ে তাকে প্রকাশ করা হয়েছে । এরকম কবিকল্পিত সংশয়কে আলংকারিকেরা বলেন সন্দেহালংকার । সুতরাং এখানে বাচ্য হল সন্দেহালংকার, কিন্তু তার ব্যঞ্জনা হচ্ছে একটি উপমা । কিন্তু এ ব্যঞ্জনা ‘ধ্বনি’ নয় । কারণ, এ কবিতার যেটুকু মাধুর্য, তা ঐ ব্যঞ্জিত উপমার মধ্যে নেই, ব্যক্ত সন্দেহের মধ্যেই রয়েছে । উপমাটি বরং ঐ সন্দেহের অভ্যুত্থানে সহায়তা করে তার সঙ্গে একাঙ্গ হয়ে, সন্দেহই পর্যবসিত হয়েছে ।

অত্র মৃগাঙ্গনাবলোকনেন তদবলোকনস্যেপমা যদিপি ব্যঙ্গ্যা, তথাপি বাচ্যস্য সা সন্দেহলাংকারস্যাত্মথানকারিণীত্বেনানুগ্রাহকত্বাৎ গুণীভূতা । অনুগ্রাহ্যত্বে তর্হি সন্দেহে পর্যবসানম্ ১০

অর্থাৎ, অভিনবগুণ্ডের মতে মহাকবির এই বিখ্যাত কবিতাটি শ্রেষ্ঠ কাব্য নয়, বর্ণনাকৌশলে মনোহারী মাত্র ।

সমাসোক্তি ও সংকরালংকার যে ব্যঞ্জনা থাকে, সে ব্যঞ্জনা যে কাব্যের আত্মা ‘ধ্বনি’ নয়, এ বিচারের উদ্দেশ্য এই প্রমাণ করা যায় যে, বাক্যে যে-কোনো ব্যঞ্জনা থাকলেই তা কাব্য হয় না । বিশ্বনাথ অবশ্য সোজাসুজি বলেছেন, তা হলে প্রহেলিকাও কাব্য হত । কিন্তু এই-সব অলংকার প্রযুক্ত হলে, তাদের কৌশল ও মাধুর্য তাদের ব্যঞ্জনাকে ‘ধ্বনি’ বলে ভ্রম জন্মাতে পারে, এইজন্য এদের সম্বন্ধেই বিশেষ করে সাবধান করা প্রয়োজন । সমাসোক্তিতে যে ব্যঞ্জনা, তা হচ্ছে এক অলংকার দিয়ে অন্য বস্তুর ব্যঞ্জনা । সংকরালংকারের ব্যঞ্জনা এক অলংকার দিয়ে অন্য অলংকারের ব্যঞ্জনা । সুতরাং যেখানে শব্দার্থ কেবলমাত্র বস্তু বা অলংকারের ব্যঞ্জনা করে, সে ব্যঞ্জনা শ্রেষ্ঠ কাব্যের ‘ধ্বনি’ বা ব্যঞ্জনা নয় । যে ‘ধ্বনি’ কাব্যের

আত্মা, তার ব্যঞ্জনা কাব্যের বাচ্যার্থকে বস্তু ও অলংকারের অতীত এক ভিন্ন লোকে পৌঁছে দেয়।

কাব্য তার বাচ্যার্থকে ছাড়িয়ে যায়, মহাকবির কথা কথার অতীত লোকে পাঠককে নিয়ে যায়—এ-সব উক্তি যেমন একালের, তেমনি সেকালের বস্তুতাত্ত্বিক লোকের কাছে হেঁয়ালি বলেই মনে হয়েছে। প্রাচীন বস্তুতাত্ত্বিকেরা বলেছেন— কাব্যের বাচ্যও নয়, তার গুণ-অলংকারও নয়, অথচ ‘ধ্বনি’ ব’লে অপূর্ব এক বস্তু, এ আবার কী। ও-জিনিস হয় কাব্যের শোভা, তার গুণ ও অলংকারের মধ্যেই আছে, নয়তো ও কিছুই নয়, একটা প্রবাদ মাত্র; খুব সম্ভব শব্দ ও অর্থের অনন্ত বৈচিত্র্যের মধ্যে প্রসিদ্ধ আলংকারিকেরা বর্ণনা করেন নি এমন একটি বৈচিত্র্যকে একজন বলেছে ‘ধ্বনি’, আর অমনি একদল লোক অলীক সহৃদয়ত্বভাবনায় মুকুলিতচক্ষু হয়ে ‘ধ্বনি’ ‘ধ্বনি’ বলে নৃত্য আরম্ভ করেছে—

কিং চ বাগ্বিকল্পানামানন্ত্যাৎ সংভবত্যাপি বা কস্মিৎসিৎ কাব্যলক্ষণ-বিধায়িভিঃ  
প্রসিদ্ধৈরপ্রদর্শিতে প্রকারলেশে ধ্বনিধ্বনিরিত্তি তদলীকসহৃদয়ত্ব-ভাবনামুকুলিতলোচ-  
নৈনৃত্যতে ।.... তস্মাৎ প্রবাদমাত্রং ধ্বনিঃ ।<sup>১১</sup>

ধ্বনিবাদের মুখ্যাচার্য আনন্দবর্ধন তাঁর ধ্বন্যালোক গ্রন্থে মনোরথ নামে এক সমসাময়িক কবির বাক্য তুলেছেন, যা নিশ্চয়ই একালের বস্তুতাত্ত্বিকদের মনোরথ পূর্ণ করবে—

যস্মিন্স্থিত্তি ন বস্তু কিঞ্চন মনঃপ্রহ্লাদি সালংকৃতি।

ব্যুৎপন্নৈ রচিতং চ নৈব বচনৈর্বক্রোজ্জিশূন্যাং চ যৎ ।

কাব্যং তদ্ ধ্বনিনা সমন্বিতমিতি প্রীত্যা প্রশংসন্ জড়ো

নো বিদ্যোহভিদধাতি কিং সুমতিনা পৃষ্টঃ স্বরূপং ধ্বনেঃ॥

‘যে কবিতায় সুষমাময় মনোরম বস্তু কিছু নেই, চতুর বচনবিন্যাসে যা রচিত নয় এবং অর্থ যার অলংকারহীন, জড়বুদ্ধি লোকেরা গতানুগতিকের প্রীতিতে (অর্থাৎ ফ্যাশানের খাতিরে) তাকেই ধ্বনিযুক্ত কাব্য ব’লে প্রশংসা করে। কিন্তু বুদ্ধিমান লোকের কাছে ‘ধ্বনি’র স্বরূপ কেউ ব্যাখ্যা করেছে, এ তো জানা যায় না।’

এ সমালোচনায় ধ্বনিবাদীরা বিচলিত হন নি। তাঁরা স্বীকার করেছেন কাব্যের ‘ধ্বনি’, তার বাচ্যার্থের মতো এত স্পষ্ট জিনিস নয় যে, ব্যাকরণ ও অভিধানে বুৎপত্তি থাকলেই তার প্রতীতি হবে। কিন্তু তাঁরা বলেছেন, যার কিছুমাত্র কাব্যবোধ আছে, তাকেই হাতে-কলমে প্রমাণ ক’রে দেখানো যায় যে, কাব্যের আত্মা হচ্ছে ‘ধ্বনি’, বাচ্যাতিরিক্ত এক বিশেষ বস্তুর ব্যঞ্জনা। কারণ, বাচ্য বা বক্তব্য এক হলেও এই ‘ধ্বনি’র অভাবে এক বাক্য কাব্য নয়, আর ‘ধ্বনি’ আছে ব’লে অন্য বাক্য শ্রেষ্ঠ

কাব্য, এ সহজেই দেখানো যায়। ধ্বনিবাদীদের অনুসরণে দু-একটা উদাহরণ দেওয়া যাক।

‘বিবাহ প্রসঙ্গে বরের কথায় কুমারীরা লজ্জানতমুখী হলেও পুলকোদগমে তাদের অন্তরের স্পৃহা সূচিত হয়’—এই তথ্যটি নিম্নের শ্লোকে বলা হয়েছে—

কৃতে বরকথালোপে কুমার্যঃ পুলকোদগমৈঃ।

সূচয়ন্তি স্পৃহামন্তর্লজ্জয়াবনতাননাঃ॥

কোনো কাব্যরসিক এ শ্লোককে কাব্য বলবে না। ঠিক ঐ কথাই কালিদাস পার্বতীর সম্বন্ধে কুমারসম্ভবে বলেছেন, যেখানে নারদ মহাদেবের সঙ্গে বিবাহ প্রস্তাব নিয়ে হিমালয়ের কাছে এসেছেন—

এবংবাদিনি দেবর্ষৌ পার্শ্বে পিতুররোধমুখী।

লীলাকমলপত্রাণি গণয়ামাস পার্বতী॥

এর কাব্যত্ব সম্বন্ধে কেউ প্রশ্ন তুলবে না। কিন্তু কেন? কোথায় এর কাব্যত্ব? এর যা বাচ্যার্থ, তা তো পূর্বের শ্লোকের সঙ্গে এক। কোনো অলংকারের সুমমায় এ কাব্য নয়; কারণ কোনো অলংকারই এতে নেই। ধ্বনিবাদীরা বলেন, স্পষ্টই দেখা যাচ্ছে, এ কবিতার শব্দার্থ, লীলাকমলের পত্রগণনা—তার বাচ্যার্থে ছাড়িয়ে অর্থান্তরের—পূর্বরাগের লজ্জাকে ব্যঞ্জনা করছে; এবং সেইখানেই এর কাব্যত্ব।

অত্র হি লীলাকমলপত্রগণনামুপসর্জনীকৃতস্বরূপং ... অর্থান্তরং ব্যভিচারি-  
ভাবলক্ষণং প্রকাশয়তি।<sup>১২</sup>

নারীর সৌন্দর্যের উপমান যে জল স্থল আকাশের সর্বত্র খুঁজতে হয়, এ একটি অতিসাধারণ কবিপ্রসিদ্ধি। নিম্নের শ্লোকে সেই ভাবটি প্রকাশ করা হয়েছে।

শশিবদনাসিতসরসিজনয়না সিতকুন্দদশনপংক্তিরিয়ম্।

গগনজলস্থলসংভবদ্বাদ্যাকায়া কৃতা বিধিনা॥

‘আকাশের চন্দ্রের মতো মুখ, নীলপদ্মের মতো চক্ষু, শুভ্র কুন্দফুলের মতো দশনপংক্তি—গগনে জলে স্থলে হৃদয় যা-কিছু আছে, তার আকার দিয়ে বিধাতা তাকে নির্মাণ করেছেন।’ এ কবিতাকে কাব্য বলা চলে কি না, সে সংশয় স্বাভাবিক। কিন্তু ঐ কবিপ্রসিদ্ধিকেই আশ্রয় ক’রে কালিদাস যখন প্রবাসী যক্ষকে দিয়ে বলিয়েছেন—

শ্যামাস্বঙ্গং চকিতহরিণীশ্রেক্ষণে দৃষ্টিপাতং

গন্ডচ্ছায়াং শশিনি শিশিনাং বর্হভারেষু কেশান্।

উৎপশ্যামি প্রতনুম্ নদীবীচিসু দ্রবিলাসান্।

হস্তৈকস্মিন্ ক্লেচিদপি ন তে ভীরু সাদৃশ্যমস্তি॥

তখন তাতে কাব্যত্ব এল কোথা থেকে? ধ্বনিবাদীরা বলেন, অলংকারগুলি তাদের অলংকারত্বের সীমা ছাড়িয়ে প্রবাসীর বিরহব্যথাকে ব্যঞ্জনা করছে বলেই এ কবিতা শ্রেষ্ঠ কাব্য। এর বাচ্য কতকগুলি উপমা, কিন্তু এর ‘ধ্বনি’ প্রিয়াবিরহীর অন্তর-ব্যথা। এবং সেখানেই এর কাব্যত্ব।

মদনের দেহ ভঙ্গ হয়েছে, কিন্তু তার প্রভাব সমস্ত বিশ্বময়—এই ভাবে নিম্নের কবিতা দুটিতে বলা হয়েছে।

স একস্ত্রীণি জয়তি জগন্তি কুসুমায়ুধঃ।

হরতাপি তনুং যস্য শত্বনা ন হতং বলম্॥

‘সেই এক কুসুমায়ুধ তিন লোক জয় করে। শত্ব তার দেহ হরণ করেছেন, কিন্তু বল হরণ করতে পারেন নি।’

কর্পুর ইব দন্ধোহপি শক্তিমান্ যো জনে জনে।

নমোহস্তবাব্যবীর্ষায় তশ্চৈ কুসুমধনো॥

‘দন্ধ হলেও কর্পুরের মতো প্রতিজনকে তার গুণ জানাচ্ছে, অব্যব-বীর্ষ সেই কুসুমধনু মদনকে নমস্কার।’

অভিনবগুণ্ড বলেছেন (১।১৩)—এ কবিতা-দুটিতে বাচ্যাতিরিক্ত ব্যঞ্জনা না থাকায় এরা কাব্য নয়। প্রথম কবিতাটি এই ভাবমাত্র প্রকাশ করেই শেষ হয়েছে যে, মদনের শক্তির কারণ অচিন্ত্য—ইয়ং চাচিন্ত্যানিমিত্তেতি নাস্যাং ব্যঙ্গ্যস্য সদ্ভাবঃ। দ্বিতীয়টি কর্পুরের স্বভাবের সঙ্গে মদনের স্বভাবের তুলনাতেই পর্যবসিত হয়েছে—বস্তুস্বভাবমাত্রতে পর্যবসানমিতি তত্রাপি ন ব্যঙ্গ্যসদ্ভাবশঙ্কা। কিন্তু ঠিক এই কথাই রবীন্দ্রনাথের ‘মদনভঙ্গের পর’ কবিতায় কাব্য হয়ে উঠেছে—

পঞ্চশরে দন্ধ ক’রে করেছ এ কী সন্ন্যাসী!

বিশ্বময় দিয়েছ তারে ছড়িয়ে।

ব্যাকুলতর বেদনা তার বাতাসে ওঠে নিশ্বাসি,

অশ্রু তার আকাশে পড়ে গড়িয়ে।

অভিনবগুণ্ড নিশ্চয় বলতেন, তার কারণ এ কবিতার কথা তার বাচ্যকে ছাড়িয়ে, মানব-মনের যে চিরন্তন বিরহ, যা মিলনের মধ্যেও লুকিয়ে থাকে, তারই ব্যঞ্জনা করছে। এবং সেইখানেই এর কাব্যত্ব। অভিনবগুণ্ড অবশ্য ঠিক এ ভাষা ব্যবহার করতেন না, কিন্তু ঐ একই কথা তিনি তাঁর আলংকারিকের ভাষায় বলতেন যে, এ কবিতার কাব্যত্ব হচ্ছে এর ‘করণ বিপ্রলম্বের ধ্বনি’।

এই যে তিনটি উদাহরণেই দেখা গেল কাব্যের আত্মা হচ্ছে তার বাচ্য নয়, ‘ব্যঞ্জনা’, কথা নয়, ‘ধ্বনি’—এ ব্যঞ্জনা কিসের ব্যঞ্জনা, এ ধ্বনি কিসের ‘ধ্বনি’? দুনিয়ার পাঠক এক হও! ~ www.amarboi.com ~

ধ্বনিবাদীদের উত্তর—‘রস’-এর। তাঁরা দেখিয়েছেন, বাক্য যদি মাত্র কেবল বস্তু বা অলংকারের ব্যঞ্জনা করে, তবে তা কাব্য হয় না। রসের ব্যঞ্জনাই বাক্যকে কাব্য করে। কাব্যের ‘ধ্বনি’ হচ্ছে রসের ধ্বনি। তিনটি উদাহরণেই কবিতার বাচ্য রসের ব্যঞ্জনা করছে বলেই তা কাব্য। এই রসের যোগেই পরিচিত সাধারণ কথা নবীনত্ব লাভ ক’রে কাব্যে পরিণত হয়েছে।

দৃষ্টপূর্বা অপি হ্যর্থাঃ কাব্যে রসপরিগ্রহাৎ।

সর্বে নবা ইবাভাস্তি মধুমাঃ ইব দ্রুমাঃ।<sup>১৩</sup>

‘পূর্বপরিচিত অর্থও রসের যোগে কাব্যত্ব লাভ ক’রে বসন্তের নব-কিশলয়খচিত বৃক্ষের মতো নূতন ব’লে প্রতীয়মান হয়।’ অর্থাৎ কাব্যের আত্মা ‘ধ্বনি’ ব’লে যারা আরম্ভ করেছেন, কাব্যের আত্মা ‘রস’ ব’লে তাঁরা উপসংহার করেছেন। বাক্যং রসাত্মকং কাব্যম্।<sup>১৪</sup> কাব্য হচ্ছে সেই বাক্য, ‘রস’ যার আত্মা।

কোহয়ং রসঃ। এ ‘রস’ জিনিসটি আবার কী?

পাঠকেরা যদি ইতিমধ্যেই নিতান্ত বিরস না হয়ে থাকেন, তবে পরের প্রস্তাবে প্রাচীন আলংকারিকদের রসবিচারের পরিচয় পাবেন। লেখকের মতে কাব্য সম্বন্ধে তার চেয়ে খাঁটি কথা কোনো দেশে, কোনো কালে, আর কেউ বলে নি।



## রস

রবীন্দ্রনাথের 'কঙ্কাল' নামে গল্পের অশরীরী নায়িকাটি তার জীবিতকালের শরীরাবশেষ কঙ্কালটিকে নিয়ে বড়োই লজ্জায় পড়েছিল! অস্থিবিদ্যার্থী ছাত্রকে সে কী ক'রে বোঝাবে যে, ঐ কয়খানা দীর্ঘ গুহ্র অস্থিখণ্ডের উপর তার ছবিবশ বৎসরের যৌবন "এত লালিত্য, এত লাবণ্য, যৌবনের এত কঠিন কোমল নিটোল পরিপূর্ণতা" নিয়ে প্রস্তুত হয়ে উঠেছিল যে, সে-শরীর থেকে যে অস্থিবিদ্যা শেখা যেতে পারে তা অভিবড়ো শরীরবিদ্যাবিদেরও বিশ্বাস হত না। কাব্যের রসাত্মা যদি কাব্যরসের তত্ত্বালোচনা প্রত্যক্ষ করতেন, তবে তাঁকেও নিশ্চয় এমনি লজ্জা পেতে হত। কারণ, কাব্যের তত্ত্ববিচার কাব্যের কঙ্কাল নিয়েই নাড়াচাড়া। রসতত্ত্ব রস নয়, তত্ত্ব মাত্র। ধর্মপিপাসুর কাছে 'থিয়লজি' যে বস্তু, কাব্যরসিকের কাছে কাব্যের রসবিচারও সেই জিনিস। তবুও এ বিচারের দায় থেকে মানুষের নিষ্কৃতি নেই। যা মুখ্যতঃ বুদ্ধির বিষয় নয়, তাকেও বুদ্ধির কোঠায় এনে বুদ্ধির যন্ত্রপাতি যদি একবার মাপজোখ ক'রে না দেখলে, মানুষের মনের কিছুতেই ভৃষ্টি হয় না। সুতরাং ধর্মের সঙ্গে 'থিয়লজি' থাকবেই, কাব্যের সঙ্গে সঙ্গে আলংকারশাস্ত্র গড়ে উঠবেই। কেবল ও-শাস্ত্রের লক্ষ্য ও প্রকৃতি সম্বন্ধে ভুল ধারণা থাকলেই বিপদ।

কাব্যের রসবিচারে মানুষকে কাব্যরসের আনন্দ দেয় না। সে আনন্দ দরদী লোকের মন দিয়ে অনুভূতির জিনিস। আলংকারিকদের ভাষায় সে রস হচ্ছে 'সহৃদয়সহৃদয়সংবাদী'। তত্ত্বের পক্ষে আর একটু এগিয়ে গিয়ে আলংকারিকেরা বলেন, কাব্যরসাস্বাদী সহৃদয় লোকের মনের বাহিরে রসের আর কোনো স্বতন্ত্র অস্তিত্ব নেই। অর্থাৎ, ঐ আনন্দই হচ্ছে রস। যখন বলা হয় 'রসের আনন্দ', তখন রস ও স্বাদের মধ্যে একটা কাল্পনিক ভেদ অঙ্গীকার করে কথা বলা হয়।<sup>১</sup> যেমন আমরা কথায় বলি 'ভাত পাক হচ্ছে',<sup>২</sup> যদিও পাকের যা ফল, তাই ভাত। তেমনি, যদিও কথায় বলি 'রসের প্রতীতি বা অনুভূতি', কিন্তু ঐ প্রতীতি বা অনুভূতিই হচ্ছে রস। সহৃদয় লোকের, অর্থাৎ কাব্যানুশীলনের অভ্যাসবশে যাদের দর্পণের মতো নির্মল মন কাব্যের বর্ণনীয় বস্তুর যেন তন্ময়তা প্রাপ্ত হয়,<sup>৩</sup> এমন দরদী লোকের সুকাব্যজনিত চিত্তের অনুভূতিবিশেষের নামই 'রস'। সুতরাং বলা যেতে পারে, কাব্যরসের আধার কাব্যও নয়, কবিও নয়—সহৃদয় কাব্য-পাঠকের মন।

১ রসঃ সাদ্যতে ইতি কাল্পনিকং ভেদমুররীকৃত্য কর্মকর্তরি বা শ্রয়োগঃ।—সাহিত্যদর্পণ, ৩।২ বৃষ্টি।

২ ওদনং পচতীতিবদ্যবহারঃ প্রতীয়মান এব হি রসঃ।—অভিনবগুণ্ড, ২।৪

৩ যেমাং কাব্যানুশীলনাভ্যাসবশাদ্বিশদীভূতে মনোমুকুরে বর্ণনীয়তন্ময়ীভবনযোগ্যতা তে স্বহৃদয়সংবাদভাজঃ সহৃদয়াঃ।—অভিনবগুণ্ড ১।১

কাব্যে রসয়িতা সর্বো ন বোদ্ধা ন নিয়োগভাক্ ।

রস যখন এক-রকমের মানসিক অবস্থা, তখন স্বভাবতই তার পরিচয়ের প্রথম কথা—কী করে মনে এ অবস্থার উদয় হয়। মানুষের জ্ঞানের উৎপত্তি বিশ্লেষণ করে কান্ট দেখিয়েছেন যে, তাতে দু-রকমের উপাদান—মানসিক ও বাহ্যিক। বাইরের উপাদান ইন্দ্রিয়ের পথে মনে প্রবেশ করে, কিন্তু তা জ্ঞান নয়। জ্ঞানের তখনই উদয় হয়, যখন মনের কতকগুলি তত্ত্ব ঐ বাহ্যিক উপাদানের উপর ক্রিয়া করে তাকে এক বিশেষ পরিণতি ও আকার দান করে। এই-সব তত্ত্ব মন বাইরে থেকে পায় না, নিজের ভিতর থেকে এনে বাইরের জিনিসের উপর ছাপ দেয়। রৌদ্রের তাপে যে মাথা গরম হয়, এ জ্ঞানের বাহ্যিক উপাদান রৌদ্র এবং পূর্বের ঠাণ্ডা ও পচাত্ গরম মাথা—ইন্দ্রিয়ের পথ দিয়েই মনে আসে; কিন্তু রৌদ্র ও গরম মাথার সম্বন্ধটি, অর্থাৎ ওদের কার্যকারণসম্বন্ধ মনের নিজের দান। এই কার্যকারণ-তত্ত্বের প্রয়োগেই ঐ বাহ্যিক উপাদান জ্ঞানে পরিণত হয়েছে। অথবা, উল্টো বলাও চলে, ঐ বাহ্যিক উপাদানই মনোগত সাধারণ কার্য-কারণতত্ত্বকে বিশেষ কার্যকারণের জ্ঞানে পরিণত করে। এবং জ্ঞান অর্থই বিশেষ জ্ঞান। বাহ্যিক উপাদান ও মানসিক তত্ত্ব, এ দুয়ের সংযোগ হলে তবেই জ্ঞানের উৎপত্তি হয়। এর দ্বিতীয়টি ছাড়া প্রথমটি অন্ধ, ও প্রথমটি ছাড়া দ্বিতীয়টি কেবল পশু নয়, একেবারে শূন্য।

রসের বিশ্লেষণে আলংকারিকেরাও এই দুই উপাদান পেয়েছেন—মানসিক ও বাহ্যিক। রসের মানসিক উপাদান হল মনের 'ভাব' নামে চিন্তাবৃত্তি বা 'ইমোশন'-গুলি। আর ওর বাহ্যিক উপাদান জ্ঞানের বাহ্যিক উপাদানের মতো, বাইরের লৌকিক জগৎ থেকে আসে না, আসে কবির সৃষ্টি কাব্যের জগৎ থেকে। আলংকারিকেরা বলেন, কাব্যজগতের ঐ বাহ্যিক উপাদানের ক্রিয়ায় মনের 'ভাব' রূপান্তরিত হয়ে রসে পরিণত হয়; সুতরাং আলংকারিকদের মতে রস জিনিসটি লৌকিক বস্তু নয়। মনের যে-সব 'ভাব' রসে রূপান্তরিত হয়, তারা অবশ্য লৌকিক। লৌকিক ঘরকন্নার জগতেই তাদের অস্তিত্ব, এবং সেই জগতের সঙ্গেই তাদের কারবার। কিন্তু এই 'ভাব' বা 'ইমোশন' রস নয়, এবং মানুষের মনে যাতে এই 'ভাব' জাগিয়ে তোলে তাও কাব্য নয়। 'শোক একটি মানসিক 'ভাব' বা 'ইমোশন'। লৌকিক জগতের বাহ্যিক কারণে মনে শোক জেগে মানুষ শোকাক্ত হয়। কিন্তু শোকাক্ত লোকের মনের 'শোক' তার কাছে 'রস' নয়, এবং সে শোকের কারণটিও কাব্য নয়। কবি যখন তাঁর প্রতিভার মায়াবলে এই লৌকিক শোক ও তার লৌকিক কারণের এক অলৌকিক চিত্র কাব্যে ফুটিয়ে তোলেন, তখনই পাঠকের মনে রসের উদয় হয়, যার নাম 'করুণ রস'। এই করুণ রস শোকের 'ইমোশন' নয়। শোক

হচ্ছে দুঃখদায়ক, কিন্তু কবির কাব্যে মনে যে করুণ রসের সঞ্চয় হয়, তা চোখে জল আনলেও মনকে অপূর্ব আনন্দে পূর্ণ করে। এ কথা কাব্যের আনন্দ যার আছে, সেই জানে। যদিও প্রমাণ করে দেখানো কঠিন। কারণ—

করুণাদাবপি রসে জায়তে যৎ পরং সুখম্।

সচেতাসামনুভবঃ প্রমাণং তত্র কেবলম্॥৪

‘করুণ প্রভৃতি রসে যে মনে অপূর্ব সুখ জন্মে, তার একমাত্র প্রমাণ হৃদয়বান লোকের নিজের চিত্তের অনুভূতি।’ তবু এ কথাও আলংকারিকেরা মনে করিয়ে দিয়েছেন যে, করুণ রস যদি দুঃখেরই কারণ হত তবে রামায়ণ প্রভৃতি করুণ রসের কাব্যের দিকেও কেউ যেত না।

কিঞ্চ তেষ্ণু যদা দুঃখং ন কোহপি স্যান্তদনুখঃ।

তথা রামায়ণাদীনাং ভবিতা দুঃখহেতুতা॥৫

কিন্তু করুণ রসের আনন্দ কাব্যরসিক মানুষকে নিয়তই সেদিকে টানছে। Our sweetest songs are those that tell of saddest thought। আলংকারিকেরা বলেন, ‘ঠিক কথা। কিন্তু মনে থাকে যেন, tell of saddest thought। যে বাস্তব ঘটনা মনে সোজাসুজি sad thought আনে, তা sweetও নয়, songও নয়। কবি যখন কাব্যে saddest thought এর কথা বলেন, তখনই তা sweetest song হয়।’

ভাব ও রসের, বস্তুজগৎ ও কাব্যজগতের, এই ভেদকে সুস্পষ্ট প্রকাশের জন্য আলংকারিকেরা বলেন রস ও কাব্যের জগৎ অলৌকিক মায়ার জগৎ। ব্যবহারিক জগতের শোক, হর্ষ প্রভৃতির নানা লৌকিক কারণ মানুষের মনে শোক হর্ষ প্রভৃতি লৌকিক ভাবের জন্ম দেয়। এর কোনোটি সুখের, কোনোটি দুঃখময়। কিন্তু ঐ-সকল লৌকিক ভাব ও তাদের লৌকিক কারণ, কাব্যের জগতে এক অলৌকিক রূপ প্রাপ্ত হয়ে পাঠকের মনে ঐ-সব লৌকিক ভাবের যে বৃত্তি বা ‘বাসনা’ আছে, তাদের এক অলৌকিক বস্তু—‘রস’—এ—পরিণত করে। রসের মানসিক উপাদান যে ‘ভাব’ তা দুঃখময় হলেও তার পরিণাম যে ‘রস’, তা নিত্য আনন্দের হেতু। কারণ, লৌকিক দুঃখের অলৌকিক পরিণতি আনন্দময় হওয়া কিছুই আশ্চর্য নয়।

হেতুত্বং শোকহর্ষাদে-

র্গতেভ্যো লোকসংশ্রয়াৎ।

শোকহর্ষাদয়ো লোকে

জায়ন্তাং নাম লৌকিকাঃ।

অলৌকিকবিভাবত্বং

প্রাণ্ডভ্যঃ কাব্যসংশ্রয়াৎ ।

সুখং সঞ্জায়তে তেভ্যঃ

সর্বোভ্যোহপীতি কা ক্ষতিঃ॥৬

২

কবি যে কাব্যের মায়াজগৎ সৃষ্টি করেন, তার কৌশলটি কী? এ প্রশ্নের যথার্থ উত্তর অবশ্য অসম্ভব। কারণ, এ প্রশ্ন হচ্ছে নিখিল কবিপ্রতিভার নিঃশেষ পরিচয় দাবি করা। কিন্তু প্রতি কবির প্রত্যেক কাব্যের নির্মাণকৌশল অন্য-সকল কাব্য থেকে অল্প-বিস্তর স্বতন্ত্র। কারণ, প্রত্যেক কাব্য একটি বিশেষ সৃষ্টি, কলের তৈরি জিনিস নয়। সুতরাং কাব্যতত্ত্ব সে কৌশলের যে পরিচয় দিতে পারে, সে পরিচয় সকল কাব্যসাধারণ কাব্যকৌশলের কঙ্কালমাত্রের পরিচয়। এ কাজ সম্ভব; কারণ দেহের রূপের ভেদ সত্ত্বেও, কঙ্কালের রূপ প্রায় এক।

আলংকারিকেরা বলেন, কাব্যনির্মাণকৌশলের তিন ভাগ। বিভাব, অনুভাব ও সঙ্গরী।

‘বিভাব’ কি।—

রত্যাধ্যুদ্বোধকী লোকে

বিভাবাঃ কাব্যনাট্যয়োঃ।<sup>৭</sup>

‘লৌকিক জগতে যা রতি প্রভৃতি ভাবের উদ্বোধক, কাব্যে বা নাটকে তাকেই ‘বিভাব’ বলে।’ যেমন—

যে হি লোকে রামাদিগত-রতি-হাসাদীনামুদ্বোধকারণানি সীতাদয় স্ত এব কাব্যে  
নাট্যে চ নিবেশিতাঃ সন্তঃ বিভাব্যন্তে আশ্বাদ্যাকুরপ্রাদুর্ভাব-যোগ্যাঃ ক্রিয়ন্তে  
সামাজিকরত্যাডি-ভাবাঃ এভিঃ ইতি বিভাবা উচ্যন্তে ।

‘লৌকিক জগতে যে সীতা ও তার রূপ, গুণ, চেষ্টা রামের মনে রতি হর্ষ প্রভৃতি ভাবের উদ্বোধকের কারণ, তাই যখন কাব্য ও নাট্যে নিবেশিত হয়, তখন তাকে বিভাব বলে। কারণ, তারা পাঠক ও সামাজিকের মনে রত্যাদি ভাবকে এমন পরিণতি দান করে যে তা থেকে আশ্বাদের অঙ্কুর নির্গত হয়।’

‘অনুভাব’ বলে কাকে—

উদ্বুদ্ধং কারনৈঃ স্বৈঃ স্বৈ-

বহির্ভাবং প্রকাশয়ন্ ।

লোকে যঃ কার্যরূপ সোহ-

নুভাবঃ কাব্যনাট্যয়োঃ॥৮

৬ সাহিত্যদর্পণ, ৩।৬ ৭ সাহিত্যদর্পণ, ৩।৩২ ৮ সাহিত্যদর্পণ, ৩।১৪০

‘মনে ভাব উদ্ভুদ্ধ হলে, যে-সব স্বাভাবিক বিকার ও উপায়ে তা বাইরে প্রকাশ হয়, ভাবরূপ কারণের সেই-সব লৌকিক কার্য কাব্য ও নাটকের অনুভাব।’

দ্বিধায় জড়িত পদে কস্পবক্ষে নম্র নেত্রপাতে  
শ্মিতহাস্যে নাহি চল সলজ্জিত বাসরশয্যাতে  
স্তব্ধ অর্ধরাতে।

“মিলন-মধুর লাজে”র এই কাব্য-ছবিটির উপাদান হচ্ছে কয়েকটি অনুভাব।

### ৩

এইখানে আচার্য অভিনবগুপ্ত যে এক দীর্ঘ সমাসবাক্যে কাব্যরসের সংজ্ঞা দিয়েছেন সেটি উদ্ভূত করা যেতে পারে। বিনা ব্যাখ্যাতে এখন তার অর্থবোধ হবে।

শব্দসমর্প্যমাণহৃদয়সংবাদসুন্দরবিভাবানুভাবসমুদিত-প্রাঙ্কনিবিষ্টরত্যাদি-  
বাসনানুরাগসুকুমার-স্বসংবিদানন্দচর্ষণব্যাপার-রসনীয়-রূপো রসঃ।<sup>৯</sup>

‘রস হচ্ছে নিজের আনন্দময় সঙ্ঘিতির (consciousness) আনন্দরূপ একটি ব্যাপার। মনের পূর্বনিবিষ্ট রতি প্রভৃতি ভাবের বাসনা দ্বারা অনুরঞ্জিত হয়েই সঙ্ঘিৎ আনন্দময় সৌকুমার্য প্রাপ্ত হয়। লৌকিক ‘ভাব’-এর কারণ ও কার্য কবির গ্রথিত শব্দে সমর্পিত হয়ে, সকল হৃদয়ে সম-বাদী যে মনোরম বিভাব ও অনুভাব রূপ প্রাপ্ত হয়, সেই বিভাব ও অনুভাবই কাব্য-পাঠকের অন্তর্নিবিষ্ট ভাবগুলিকে উদ্ভুদ্ধ করে।’

অভিনবগুপ্ত বিভাব ও অনুভাবকে বলেছেন—‘সকল হৃদয়ে সম-বাদী।’ কারণ, যে লৌকিক ভাবের তারা রসমূর্তি, সে লৌকিক ভাব ব্যক্তির হৃদয়ে আবদ্ধ, তা সামাজিক নয়।

পারিমিত্যলৌকিকত্বাৎ

সান্তরায়তয়া তথা।

অনুকার্যস্য রত্যাদে-

রুদ্বোধো ন রসো ভবেৎ।<sup>১০</sup>

‘প্রেমিকের মনে যে প্রেমের উদ্ভোধ, তা রস নয়। কারণ, তা প্রেমিকের নিজ হৃদয়ে আবদ্ধ, সুতরাং পরিমিত; তা লৌকিক, সুতরাং প্রেমের রসবোধের অন্তরায়।’ কবি তাঁর প্রতিভার মায়ায় এই পরিমিত লৌকিক ভাবকে “সকলসহৃদয়হৃদয়সংবাদী” অলৌকিক রসমূর্তিতে রূপান্তর করেন। কাব্যের বিভাব ও অনুভাবের মধ্যে এমন একটি ব্যাপার আছে, যাতে কাব্যচিত্রিত চরিত্র বা ভাব এবং পাঠকের মধ্যে একটি সাধারণ সম্বন্ধের সৃষ্টি হয়—

ব্যাপারোহস্তি বিভাবাদেহ্নান্না সাধারণীকৃতিঃ ১১

যার ফলে—

পরস্য ন পরস্যেতি

মমেতি ন মমেতি চ ।

তদাস্বাদে বিভাবাদেঃ

পরিচ্ছেদো ন বিদ্যতে ১২

‘কাব্য-পাঠকের মনে হয়, কাব্যের চরিত্র ও ভাব পরের, কিন্তু সম্পূর্ণ পরের নয়; আমার নিজের, কিন্তু সম্পূর্ণ নিজেরও নয়। এমনি করেই কাব্যের আশ্বাদ কোনো ব্যক্তিত্বের পরিচ্ছেদে পরিচ্ছিন্ন থাকে না।’

কাব্যের সৃষ্টি যে সকল হৃদয়ে সম-বাদী, তার অর্থ এ নয় যে, বিজ্ঞানের জ্ঞানের মতো তা একটি abstract জিনিস। কবি যে ভাব বা চরিত্র আঁকেন তা বর্ণরূপহীন outline নয়, সম্পূর্ণ concrete ভাব বা চরিত্র। কিন্তু তার মধ্যেই নিখিল সহৃদয় জন নিজেকে প্রতিফলিত দেখে। অর্থাৎ কাব্যের সৃষ্টি concrete universal-এর সৃষ্টি।

এইজন্যই কবি যখন কাব্যের ভাবকে রসের মূর্তিতে রূপান্তর করেন, তখন তিনি ভাবে লৌকিক পরিমিতত্বকে ছাড়িয়ে ওঠেন। লৌকিক ভাবের গভির মধ্যে আবদ্ধ ও অভিত্ত থাকলে যেমন কাব্যরসের আশ্বাদ হয় না, তেমনি কাব্যরসের সৃষ্টিও হয় না। ধন্যালোকের একটি কারিকা আছে—

কাব্যস্যাশ্বা স এবার্থস্তথা চাদিকবেঃ পুরা ।

ক্রৌঞ্চধ্বন্দ্ববিয়োগেখঃ শোকঃ শ্লোকভূমাগতঃ ১৩

‘সেই রসই হচ্ছে কাব্যের আশ্বা। যেমন, পুরাতনী কথায় বলে, আদিকবির ক্রৌঞ্চধ্বন্দ্ব-বিয়োগজনিত শোকই শ্লোকরূপে পরিণত হয়েছিল।’

কারিকাটিতে রঘুবংশের একটি শ্লোকের কাব্যকে তত্ত্বের রূপ দেওয়া হয়েছে।<sup>১৪</sup> এই কারিকার প্রসঙ্গে অভিনবগুপ্ত লিখেছেন—‘এ কথা মানতেই হবে যে, এ শোক মূনির নিজের শোক নয়। যদি তা হত, তবে ক্রৌঞ্চের শোকে মূনি দুঃখিত হয়েই থাকতেন, করুণ রসের শ্লোক রচনার তাঁর অবকাশ হত না। কারণ, কেবল দুঃখ-সন্তপের কাব্যরচনা কখনো দেখা যায় না।’

ন তু মনেঃ শোক ইতি মন্তব্যম্ । এবং হি সতি তদ্গুণেন সোহপি দুঃখিত ইতি কৃত্বা রসস্যাশ্বতেতি নিরবকাশং ভবেৎ । ন তু দুঃখসংতপসেযা দশেতি ।

১১ সাহিত্যদর্পণ, ৩।৯ ১২ সাহিত্যদর্পণ, ৩।১২ ১৩ ধন্যালোক, ১।৫

১৪ নিষাদবিদ্বাঞ্জদর্শনোথঃ

শ্লোকভূমাপদ্যত ষস্য শোকঃ ।—রঘুবংশ, ১৪।৭০

দুনিয়ার পাঠক এক হও! ~ www.amarboi.com ~

অভিনবগুপ্ত বলেন, এখানে যা ঘটেছে তা এই—‘সহচরীবিয়োগকাতর ক্রৌঞ্চের শোক মুনির মনে, লৌকিক শোক থেকে বিভিন্ন, নিজের চিন্তবৃত্তির আত্মদান স্বরূপ করুণ রসের রূপ প্রাপ্ত হয়েছে। এবং যেমন পরিপূর্ণ কুস্ত থেকে জল উচ্ছলিত হয়ে পড়ে, তেমনি ক’রে ঐ রস মুনির মন থেকে ছন্দোবৃত্তিনিয়ন্ত্রিত শ্লোকরূপে নির্গত হয়েছে।’

সহচরীহননোদ্ধুতেন সাহচর্যধ্বংসনেনোথিতো যঃ শোকঃ... স এব ...  
আত্মদ্যমানতাং প্রতিপন্নঃ করুণরসরূপতাংলৌকিকশোকব্যতিরিক্তাং  
স্বচিন্তবৃত্তিদ্রুতিসমাত্মদ্যসারাংপ্রতিপন্নো রসঃ পরিপূর্ণকুস্তোচ্ছলনবৎ...  
সমুচিতচ্ছন্দোবৃত্তাদিনিয়ন্ত্রিতশ্লোকরূপতাং প্রাপ্তঃ ।

আলংকারিকদের আবিষ্কৃত, লৌকিক ভাবকে কাব্যের রসে রূপান্তরের এই তত্ত্বটি, ইতালীয়ান দার্শনিক বেনেডেটো ক্রোচ অনেকটা ধরেছেন। তাঁর ‘কাব্য’ ও ‘অকাব্য’ নামক গ্রন্থ ক্রোচ লিখেছেন—

What should we call the blindness of a poet? The incapacity of seeing particular passions in the light of human passion, aspirations in the fundamental and total aspiration, partial and discordant ideals in the ideal which shall compose them in harmony : what at one time was called incapacity of ‘idealizing.’ For poetic idealization is not a frivolous embellishment, but a profound penetration in virtue of which we pass from troublous emotion to the serenity of contemplation. He who fails to accomplish this passage, but remains immersed in passionate agitation, never succeeds in bestowing pure poetic joy either upon others or upon himself, whatever may be his efforts.<sup>১৫</sup>

১৫. *European Literature in the Nineteenth Century* নামে ইংরেজি অনুবাদ, পৃ. ৫২

ক্রোচের “poetic idealization” আলংকারিকদের ‘ভাব’ ও তার কারণ কার্যের, “সকল হৃদয়সংবাদী” বিভাব অনুভাবে পরিণতি। ক্রোচের “passage from troublous emotion to the serenity of contemplation”, আলংকারিকদের লৌকিক ভাবকে আত্মদ্যমান রসে রূপান্তর। “Serenity of contemplation” হচ্ছে দার্শনিকসুলভ মননবৃত্তির উপর ঝোঁক দিয়ে কথা বলা। আলংকারিকদের ‘রসচর্চণ’ কথাটি মূল সত্যকে অনেক বেশি ফুটিয়ে তুলেছে।

কবি ওয়ার্ডস্‌ওয়ার্থ যে কাব্যতত্ত্বের ব্যাখ্যায় বলেছিলেন, Poetry “takes its origin from emotion recollected in tranquility”, সেটি আলংকারিকদের এই ‘রূপান্তরবাদের’ই অস্পষ্ট অনুভূতি ও অস্ফুট বিবৃতি।

আজকের দিনে লিরিক কাব্যের যুগে, যখন কবির নিজের মনের ভাবই কাব্যের উপাদান, তখন এ ভ্রম সহজেই হয় যে, কবির হৃদয়ের ভাবকে পাঠকের হৃদয়ে সঞ্চারিত করাই বুঝি কাব্যের লক্ষ্য। এবং যে কবির হৃদয়ের ভাব যত তীব্র ও যত আবেগময় তাঁর কাব্যরচনাও তত সার্থক। কিন্তু লিরিক কিছু আলংকারিকদের কাব্যবিশেষণের বাইরে নয়। ভাব যদি কাব্যের মনে রসের মূর্তি পরিগ্রহ করে, তবে কবি কখনও তাকে সে বিভাব ও অনুভাবে প্রকাশ করতে পারেন না, যা পাঠকের মনেও সেই রসের রূপ ফুটিয়ে তোলে। মনে যাতে ভাব উদবুদ্ধ হয়, তাই যদি কাব্য হত, তবে আজ বাংলাদেশে যে-সব হিন্দু মুসলমান খবরের কাগজ মুসলমানের উপর হিন্দুর, ও হিন্দুর উপর মুসলমানের ক্রোধকে জাগিয়ে তোলার চেষ্টা করছে, তারা প্রথম শ্রেণীর কাব্য হত। কারণ অনেক হিন্দু-মুসলমানের ক্রোধই তাতে জাগ্রত হচ্ছে। অভিনবগুণ উদাহরণ দিয়েছেন—‘তোমার পুত্র জন্মেছে’ এই কথা শুনে পিতার যে হর্ষ তা রস নয়, এবং ও-বাক্যটিও কাব্য নয়।

‘পুত্রশ্চে জাত’ ইত্যতো যথা হর্ষো জায়তে তথা; নাপি লক্ষণয়া; অপি তু সহৃদয়স্য হৃদয়সংবাদবলাদবিভাবানুভাবপ্রতীতৌ....সিদ্ধস্বভাবসুখাদি-বিলক্ষণঃ পরিস্কুরতি।—১।৪।

‘কিন্তু কবি সমুচিত বিভাব ও অনুভাবের দ্বারা, সহৃদয় পাঠকের সমবাদী তন্ময়ত্বপ্রাপ্ত মনে ঐ হর্ষকেই, স্বভাবসিদ্ধ সুখ থেকে বিভিন্ন লক্ষণ, আত্মদ্যমান রসের রূপে পরিণত করতে পারেন।’ যেমন কালিদাস রঘুর জন্ম শ্রবণে দিলীপের ‘হর্ষ’কে করেছেন—

জনায় শুদ্ধান্তচরায় শংসতে, কুমারজন্মামৃতসম্মিতাক্ষরম্।

অদেয়মাসীৎ ত্রয়মেব ভূপতেঃ, শশিপ্রভং ছত্রমুভে চ চামরে।

দুনিয়ার পাঠক এক হও! ~ www.amarboi.com ~



নিবাতপদ্বস্তিমিতেন চক্ষুশা, নৃপস্য কান্তং পিবতঃ সুতাননম্ ।

মহোদধেঃ পূর ইবেন্দুদর্শনাদগুরুঃ প্রহর্ষ প্রবভুব নাথনি॥

তবুও যে ভাবোদ্বেল কবির আবেগময় কাব্য কাব্যরস থেকে বঞ্চিত নয়, তার কারণ, ভাব “শব্দে সমর্পিত” হলেই ব্যক্তিগত লৌকিকত্বের গণ্ডি থেকে কতকটা মুক্ত হয়। কেননা ভাষা জিনিসটিই সামাজিক। কিন্তু লিরিক যত ভাব-ঘেষা হয় ততই যে শ্রেষ্ঠ হয় না, তা যে-কোনো শ্রেষ্ঠ কাব্যের উদাহরণ নিলেই দেখা যায়। ধরা যাক রবীন্দ্রনাথের ‘অনন্ত প্রেম’—

তোমারেই যেন ভালোবাসিয়াছি শত রূপে শতবার

জনমে জনমে যুগে যুগে অনিবার ।...

আমরা দুজনে ভাসিয়া এসেছি

যুগল প্রেমের স্রোতে

অনাদিকালের হৃদয়-উৎস হতে ।

আমরা দুজনে করিয়াছি খেলা

কোটি প্রেমিকের ম্মাখে

বিরহবিধুর নয়নসলিলে

মিলনমধুর লাজে ।

পুরাতন প্রেম নিত্যনূতন সাজে ।

এর সঙ্গে যদি হেমচন্দ্রের “আবার গগনে কেন সুধাংশু উদয় রে,” কি নবীনচন্দ্রের “কেন দেখিলাম” তুলনা করা যায়, তবেই কাব্যে রস ও ভাবের উচ্ছ্বাসের প্রভেদ হৃদয়ঙ্গম হবে।

## 8

আলংকারিকেরা বিভাব ও অনুভাব ছাড়া সঞ্চরী নামে কাব্য-কৌশলের যে তৃতীয় কলার উল্লেখ করেছেন, তার পরিচয় দিতে হলে, ভাবের যে মনোবিজ্ঞানের উপর আলংকারিকেরা তাঁদের রসতত্ত্বের ভিত্তি গড়েছেন, তার একটু বিবরণ দিতে হয়।

মানুষের মনের ভাব বা ইমোশন অনন্ত। কারণ ইমোশন শুদ্ধ feeling বা সুখদুঃখানুভূতি নয়। আধুনিক মনোবিদ্যাবিদদের ভাষায় ইমোশন হচ্ছে একটি complete psychosis, সর্বাঙ্গের মানসিক অবস্থা। অর্থাৎ ইমোশন বা ভাবের সুখদুঃখানুভূতি কতকগুলি idea বা বিজ্ঞানকে অবলম্বন করে বিদ্যমান থাকে। এই আইডিয়াপুঞ্জের কোনো অংশের কিছু পরিবর্তন ঘটলেই ইমোশন বা ভাব নামক মানসিক অবস্থাটিরও সঙ্গে সঙ্গে পরিবর্তন ঘটে। আইডিয়ার সংখ্যা অগণ্য এবং

তাদের পরস্পর যোগ-বিয়োগের প্রকার অসংখ্য। সুতরাং ভাব বা ইমোশন সংখ্যাতিত। এবং কোনো ভাব অন্য ভাবের সম্পূর্ণ সদৃশ নয়। কিন্তু তবুও, যেমন মনোবিজ্ঞানবিদ তেমনি আলংকারিক, কাজের সুবিধার জন্য, অগণ্য স্বলক্ষণ ভাবের মধ্যে কয়েক প্রকারের ভাবকে, সাদৃশ্যবশতঃ কয়েকটি সাধারণ নামে নামাঙ্কিত ক'রে পৃথক ক'রে নিয়েছেন। আলংকারিকেরা এইরকম নয়টি প্রধান ভাব স্বীকার করেছেন—রতি, হাস, শোক, ক্রোধ, উৎসাহ, ভয়, জুগুন্সা, বিস্ময় ও শম।

রতির্হাসচ্ শোকচ্ ক্রোধোৎসাহৌ ভয়ং তথা।

জুগুন্সা বিস্ময়শ্চৈত্মষ্টৌ প্রোক্তা শমোহপি চ।

এই নয়টি ভাবকে তাঁরা বলেছেন, 'স্থায়ী ভাব'। কারণ,

বহুনাং চিন্তবৃন্তিরূপাণাং ভাবানাং মধ্যে यस্য বহুলং রূপং

যথোপলভ্যতে স স্থায়ী ভাবঃ।<sup>১৬</sup>

'ভাবরূপ বহু চিন্তবৃন্তির মধ্যে যে ভাব মনে বহুলরূপে প্রতীয়মান হয় সেইটি স্থায়ী ভাব।' আলংকারিকদের মতে এই নয়টি ভাব, কাব্যের বিভাব, অনুভাবের সম্পর্কে, যথাক্রমে নয়টি রসে পরিণত হয়—শৃঙ্গার, হাস্য, করুণ, রৌদ্র, বীর, ভয়ানক, বীভৎস, অদ্ভুত ও শান্ত।

শৃঙ্গারহাস্যকরুণরৌদ্রবীরভয়ানকাঃ।

বীভৎসোহদ্ভুত ইত্যষ্টৌ রসাঃ শান্তস্তথা মতঃ॥

কিন্তু এই নয়টি ছাড়াও অবশ্য মানুষের মনে বহু ভাব আছে, এবং তার মধ্যে অনেক ভাব, কাব্যের বিভাব ও অনুভাবে আলংকারিকদের কথায়, আত্মদাম্যমানতা প্রাপ্ত হয়। আলংকারিকেরা নির্বেদ, লজ্জা, হর্ষ, অসূয়া, বিষাদ প্রভৃতি এরকম তেত্রিশটি ভাবের নাম করেছেন এবং তা ছাড়াও যে আরও অনেক ভাব আছে, তা স্বীকার করেছেন।

ত্রয়ত্রিংশদিতি ন্যূনসংখ্যায়া ব্যবচ্ছেদকং ন ত্ত্বিকসংখ্যায়াঃ।

এই-সব ভাবকে আলংকারিকেরা বলেছেন সঞ্চরী বা ব্যভিচারী ভাব। তাঁদের খিয়োরি হচ্ছে যে, এই-সব ভাব মনে স্বতন্ত্র থাকে না; কোনো-না-কোনো স্থায়ী ভাবের সম্পর্কেই মনে যাতায়াত ক'রে সেই স্থায়ী ভাবের অভিমুখে মনকে চালিত করে। এইজন্য এদের নাম সঞ্চরী বা ব্যভিচারী।<sup>১৭</sup> ভাবের এই খিয়োরি থেকে স্বভাবতই রসের এই খিয়োরি এসেছে যে, কাব্যে সঞ্চরী ভাবের স্বতন্ত্র রসমূর্তি নেই; তাদের আত্মদাম্যমানতা স্থায়ী ভাবের পরিণতি নয়টি রসকেই নানা রকমের

১৬ অভিনবগুপ্ত, ৩।২৪

১৭ স্থিরতয়া বর্তমানে হি রত্যাদৌ নির্বেদাদয়ঃ প্রাদুর্ভাবতিরোভাবাভ্যামভিমুখোন চরণাদ-  
ব্যভিচারিণঃ কথ্যন্তে।—সাহিত্যদর্পণ, ৩।১৪৬, বৃষ্টি

পরিপুষ্ট দান করে মাত্র। সুতরাং যদিও কাব্যের নব রসের রসত্ব অনেক পরিমাণে এই সঞ্চরীর আস্থাদের উপর নির্ভর করে, তবুও অনেক আলংকারিকই স্বাতন্ত্র্যের অভাবে, সঞ্চরী ভাবের পরিণতিকে রস বলতে রাজি নন। অভিনবগুণ্ড বলেছেন—

স চ রসো রসীকরণযোগ্যঃ শেষাত্ত্ব সংচারিণ ইতি ব্যাচক্ষতে ।

ন তু রসানাং স্থায়িসংচারিভাবেনাঙ্গসিতোক্তা!

‘স্থায়ী ভাবের পরিণতিই রস, বাকিগুলিকে বলে সঞ্চরী। রসের মধ্যে আবার স্থায়ী রস ও সঞ্চরী রস এইভাবে অঙ্গী ও অঙ্গের বিভাগ যুক্তিযুক্ত নয়।’ এবং তাঁর মতই অধিকাংশ আলংকারিকের মত। কিন্তু স্থায়ী ও সঞ্চরীর এই প্রভেদ কিছু মূলগত প্রভেদ নয়; এবং সঞ্চরী ভাবের স্বতন্ত্র রসে পরিণতি সম্ভব নয়, এও একটু অতিসাহসের কথা। সেইজন্য আলংকারিকদের মধ্যে এ মতও প্রচলিত ছিল যে, সঞ্চরীও রস, কেবল রসের পরিপুষ্টিসাধক নয়। অভিনবগুণ্ড ভাণ্ডরি নামে এক আলংকারিকের মত তুলেছেন—

তথা চ ভাণ্ডরিরপি কিং রসানামপি স্থায়িসংচারিতান্তি ইত্যাক্ষি-  
প্যাভ্যাপগমেনৈতদবোচৎ বাচুমস্তীতি ।

‘রসেরও কি আবার স্থায়ী ও সঞ্চরী ভেদ আছে? এর উত্তরে ভাণ্ডরিও বলেছেন, অবশ্য আছে।’ এবং সকল আলংকারিককে স্বীকার করতে হয়েছে যে, কাব্যে স্থায়ী ও সঞ্চরী এই ভেদটি আপেক্ষিক। কারণ, এক কাব্যপ্রবন্ধে যখন নানা রস থাকে তখন দেখা যায় যে, তার মধ্যে একটি রস প্রধান, এবং স্থায়ী ভাবের পরিণতি অন্য রস তার পরিপোষক হয়ে সঞ্চরীর কাজ করছে।

রসো রসান্তরস্য ব্যাভিচারী ভবতি ।<sup>১৮</sup>

‘এক রস অন্য রসের ব্যাভিচারীর কাজ করে।’

প্রসিদ্ধেহপি প্রবন্ধানাং নানারসনিবন্ধনে ।

একো রসোহঙ্গীকর্তব্যস্তেষামুৎকর্ষমিচ্ছতা ।<sup>১৯</sup>

‘এক কাব্যপ্রবন্ধে নানা রস একত্র থাকলেও দেখা যায়, কবিরা কাব্যের উৎকর্ষের জন্য তার মধ্যে একটি রসকেই প্রধান করেন।’ এবং বাকি রসগুলি তার পরিপোষক বা সঞ্চরী। এই সঞ্চরী কাব্যের এতটা স্থান জুড়ে থাকে যে, আলংকারিকদের মধ্যে এ মতও চলতি হয়েছিল যে, সঞ্চরী দিয়ে পরিপুষ্ট না হলে রসের রসত্বই হয় না।

পরিপোষরহিতস্য কথং রসত্বম্ ।<sup>২০</sup>

কবিরাজ বিশ্বনাথ যে কারিকায় রসের উৎপত্তির বর্ণনা দিয়েছেন, ‘সাহিত্যদর্পণ’-এর সেই কারিকাটি এখন উদ্ধৃত করা যেতে পারে।

বিভাবেনানুভাবেন

ব্যক্তঃ সঞ্চারিণা তথা ।

রসতামেতি রত্যাদিঃ

স্থায়ী ভাবঃ সচেতসাম্॥

‘চিত্তের রতি প্রভৃতি স্থায়ীভাব, (কাব্যের) বিভাব, অনুভাব ও সঞ্চারীর সংযোগে, রূপান্তর প্রাপ্ত হয়ে, রসে পরিণত হয়।’ আশা করা যায়, এর আর এখন ব্যাখ্যার প্রয়োজন নেই।

৫

আলংকারিকদের রসের তত্ত্ব একটা উদাহরণে বিশদ করা যাক।

পান্ডবদের অজ্ঞাতবাস শেষ হয়েছে। সঞ্জয় এসে যুধিষ্ঠিরকে সংবাদ দিলেন, দুর্যোধন বিনা যুদ্ধে কিছুই ছেড়ে দেবে না। মন্ত্রণাসভায় স্থির হল, শ্রীকৃষ্ণকে দূত করে ধৃতরাষ্ট্র ও দুর্যোধনের কাছে পাঠানো হোক। যুধিষ্ঠিরের প্রশ্নে সকলেই মত দিলেন, যুদ্ধ না করে শান্তিতেই যাতে বিবাদ মীমাংসা হয়, সেই চেষ্টা করা কর্তব্য। ভীম শ্রীকৃষ্ণকে বললেন, ‘যাতে শান্তি স্থাপন হয়, সেই চেষ্টা কোরো; দুর্যোধনকে উগ্র কথা না বলে মিষ্ট কথায় বুঝিয়ে।’ শ্রীকৃষ্ণ হেসে বললেন, ‘ভীমের এই অক্রোধ অভূতপূর্ব। এ যেন ভারহীন পর্বত, তাপহীন অগ্নি।’ কেবল সহদেব ও সাত্যকি সোজাসুজি যুদ্ধের পক্ষে মত দিলেন। তখন—

রাজন্তু বচনং শ্রুত্বা ধর্মার্থসহিতং হিতম্ ।

কৃষ্ণা দাশার্হমাসীনমব্রবীচ্ছোককর্ষিতা॥

সুতা দ্রুপদরাজস্য স্বসিতায়তমুর্ধজা ।

সম্পূজ্য সহদেবঞ্চ সাত্যকিঞ্চ মহারথম্॥

ভীমসেনঞ্চ সংশান্তং দ্রষ্ট্বা পরমদূর্নমাঃ ।

অশ্রুপূর্ণেক্ষণা বাক্যমুবাচেদং যশস্বিনী॥...

কা নু সীমন্তিনী মাদৃক্, পৃথিব্যামস্তি কেশবা॥

সুতা দ্রুপদরাজস্য বেদীমধ্যাৎ সমুখিতা॥

ধৃষ্টদ্যুম্নস্য ভগিনী তব কৃষ্ণ প্রিয়া সখী॥

আজমীঢ়কূলং প্রাপ্তা স্মুবা পাণ্ডোর্মহাত্মনঃ ।

মহিষী পাণ্ডুপুত্রাণাং পঞ্চেন্দ্রসমবর্চসাম্॥...

সাহং কেশহং প্রাণ্ডা পরিক্রিষ্টা সভাং গতা ।  
 পশ্যতাং পাত্তুপুত্রাণাং ত্বয়ি জীবতি কেশবা॥  
 জীবৎসু পাত্তুপুত্রেষু পাঞ্চালেষু বৃষ্ণিসু ।  
 দাসীভূতাস্মি পাপানাং সভামধ্যে ব্যবস্থিতাঃ...১১

ধিক্ পার্থস্য ধনুঋতাং ভীমসেনস্য ধিগ্ বলম্ ।  
 যত্র দুর্যোধনঃ কৃষ্ণ মুহূর্তমপি জীবতি॥  
 যদি তেহহমনুগ্রাহ্যা যদি তেহস্তি কৃপা ময়ি ।  
 ধার্তরাষ্ট্রেষু বৈ কোপঃ সর্বঃ কৃষ্ণ বিধীয়তাম্॥  
 ইত্যুক্তা মুদুসংহারং বৃজিনাং সুদর্শনম্ ।  
 সুনীলমসিতাপাসী সর্বগন্ধাধিবাসিতম্॥  
 সর্বলক্ষণসম্পন্ন মহাভূজগবর্চসম ।  
 কেশপক্ষং বরারোহা গৃহ্য বামেন পাণিনা ।  
 পদ্মাস্কী পুণ্ডরীকাক্ষমুপেত্য গজগামিনী ।  
 অশ্রুপূর্ণেক্ষণা কৃষ্ণা কৃষ্ণং বচনমব্রবীৎ॥  
 অয়ত্ত্ব পুণ্ডরীকাক্ষ দুঃশাসনকরোদ্ধৃতঃ ।  
 স্মর্তব্যঃ সর্বকার্ষেয় পরেযাং সন্ধিমিচ্ছতা॥  
 যদি ভীমাজুনৌ কৃষ্ণ কৃপণৌ সন্ধিকামুকৌ ।  
 পিতা মে যোৎস্যতে বৃদ্ধঃ সহ পুত্রৈরমহারথৈঃ॥  
 পঞ্চ চৈব মহাবীৰ্যাঃ পুত্রা মে মধুসূদন ।  
 অভিমন্যু পুরকৃত্য যোৎস্যন্তে কুরুভিঃ সহ॥  
 দুঃশাসনভূজং শ্যামং সংহিন্নং পাংশুগুপ্তিতম্ ।  
 যদ্যহস্ত্ব ন পশ্যামি কা শান্তিরহদয়স্য মে॥  
 ত্রয়োদশ হি বর্ষাণি প্রতীক্ষন্ত্যা গতানি মে ।  
 নিধায় হৃদয়ে মন্যুং প্রদীপ্তমিব পাবকম্॥  
 বিদীৰ্যতে মে হৃদয়ং ভীমবাক্শল্যপীড়িতম্ ।  
 যোহয়মদ্য মহাবাহুর্ধর্মমেবানুপস্যতি॥  
 ইত্যুক্তা বাস্পরুদ্ধেন কর্ণেণায়তলোচনা ।  
 রুরোদ কৃষ্ণা সোৎকম্পং সম্বরং বাস্পগদগদম্॥২১

‘ঘোরকৃষ্ণ-আয়ত-কেশা, যশস্বিনী দ্রুপদনন্দিনী ধর্মরাজের ধর্মার্থযুক্ত বাক্য শ্রবণ ও ভীমসেনের প্রশান্তভাব অবলোকনে শোকে একান্ত অভিভূত হইয়া সহদেব ও

সাত্যিকিকে পূজা করত অশ্রুপূর্ণলোচনে কৃষ্ণকে কহিতে লাগিলেন, “হে কেশব, এই ভূমন্ডলমধ্যে আমার তুল্য নারী আর কে আছে? আমি দ্রুপদবাজের যজ্ঞবেদীসমুখিতা কন্যা, ধৃষ্টদ্যুম্নের ভগিনী, তোমার প্রিয়সখী, আজমীঢ়কুলসম্ভূত পাণ্ডুরাজের সূচ্যা ও পঞ্চ ইন্দ্রের তুল্য পাণ্ডবগণের মহিষী। সেই আমি, তুমি, এবং পাঞ্চাল ও বৃষ্ণিগণ জীবিত থাকিতেই পান্ডুনন্দনগণের সমক্ষে সভামধ্যে কেশাকর্ষণে পরিক্লিষ্টা হইয়াছি, পাপপরায়ণ ধার্তরাষ্ট্রগণের দাসী হইয়াছি। পার্থের ধনুর্বিদ্যা ও ভীমসেনের বলে ধিক্ যে দুর্যোধন এখনও জীবিত আছে। হে কৃষ্ণ, যদি আমার প্রতি তোমার অনুগ্রহ ও কৃপা থাকে, তাহা হইলে অচিরাৎ ধৃতরাষ্ট্রতনয়গণের উপর ক্রোধাগ্নি নিক্ষেপ কর।”

‘অসিতাপাসী দ্রুপদনন্দিনী এই কথা বলিয়া কুটীলাগ্র, সুদর্শন, ঘোরকৃষ্ণ, সর্বগন্ধাধিবাসিত, সর্বলক্ষণসম্পন্ন, মহাতুঙ্গসদৃশ বেণীবদ্ধ কেশকলাপ বামহস্তে ধারণ করিয়া গজগমনে পুণ্ডরীকাক্ষ কৃষ্ণের নিকটে উপস্থিত হইয়া অশ্রুপূর্ণ লোচনে পুনরায় কহিতে লাগিলেন, “হে পুণ্ডরীকাক্ষ, যদি শক্রগণ সন্ধিস্থাপনের ইচ্ছা প্রকাশ করে, তবে দুঃশাসনকরোদ্ধৃত আমার এই কেশকলাপ স্মরণ করিয়ো। হে কৃষ্ণ, যদি ভীমার্জুন দীনের ন্যায় সন্ধিকামী হয়েন, তবে আমার বৃদ্ধ পিতা মহারথ পুত্রগণ সমভিব্যাহারে শক্রগণের সহিত সংগ্রাম করিবেন। আমার মহাবলপরাক্রান্ত পঞ্চপুত্র অভিমন্যুকে পুরস্কৃত করিয়া কৌরবগণকে সংহার করিবে। দুরাত্মা দুঃশাসনের শ্যামল বাহু ছিন্ন, পাংশু-গুপ্তিত না দেখিলে আমার হৃদয়ে শান্তি কোথায়? আমি হৃদয়ক্ষেত্রে প্রদীপ্ত পাবকের ন্যায় ক্রোধকে স্থাপন করিয়া ত্রয়োদশ বৎসর প্রতীক্ষা করিয়া আছি। আজ ধর্মপথাবলম্বী বৃকোদরের বাক্যশল্যে আমার হৃদয় বিদীর্ণ হইতেছে।” আয়তলোচনা কৃষ্ণা এই কথা বলিয়া বাস্পগদগদস্বরে, কম্পিতকলেবরে ক্রন্দন করিতে লাগিলেন।’

ব্যাসের এই মহাকাব্যখণ্ডের কাব্যত্ব সম্বন্ধে কোনো কাব্যরসিককে সচেতন করতে হবে না। ওর কাব্যের দ্যুতি মধ্যাহ্নের সূর্যের মতো স্বপ্রকাশ; এখন আলংকারিকদের কাব্যবিশ্লেষণ ওতে প্রয়োগ করে দেখা যাক।

আলংকারিকেরা বলবেন, এ কাব্যের আত্মা হচ্ছে কয়েকটি রস; কিন্তু কাব্যটি “নানারসনিবদ্ধ” হলেও কবি একটি রসকেই প্রধান করেছেন। সে রস ‘রৌদ্র’ রস। রৌদ্র রসের লৌকিক ভাব-উপাদান হচ্ছে ক্রোধ। বস্তুব জীবনে ক্রোধ মনোহারী জিনিস নয়। কিন্তু মহাকবির প্রতিভার মায়া দ্রৌপদীর ক্রোধকে অপূর্ব রসমূর্তিতে পরিণত করেছে। রৌদ্র রসের বিভাব হচ্ছে লৌকিক জগতে যাতে ক্রোধ উদ্দীপ্ত হয় তার শব্দে সমর্পিত হৃদয়সংবাদী চিত্র। দুর্যোধন, দুঃশাসন ও তাদের নিদারুণ

অপমানের সেই চিত্র এখানে সামান্য কয়েকটি রেখায় ইঙ্গিত করা হয়েছে মাত্র। কারণ, সভাপর্বে তার অতুষ্ণ, উজ্জ্বল ছবি সহৃদয় পাঠকের চিত্তকে পূর্ব থেকেই ক্রোধের রৌদ্ররাগে রঞ্জিত করে রেখেছে।

কিন্তু রৌদ্র রসই যদি এ কাব্যের একমাত্র রস হত, তবে এর কাব্যত্বের শতাংশও অবশিষ্ট থাকত না। আলংকারিকেরা বলবেন, কয়েকটি সঞ্চরী এর রৌদ্র রসকে আশ্চর্য সরসতা ও পরম উৎকর্ষ দিয়েছে। নব রসের দুটি প্রধান রস, বীর ও করুণ, এবং কয়েকটি ব্যাভিচারী—বিষাদ, গর্ব, দৈন্য—রৌদ্রের রক্তরাগকে অপূর্ব বর্ণচ্ছটায় উদ্ভাসিত করে তুলেছে।

তেজস্বিনী দ্রৌপদীর শোকবর্ষিত, অশ্রলোচন, বিষাদমূর্তিতে কাব্যের আরম্ভ হল। তার পর দ্রৌপদীর পিতৃকুল পতিকুল ও মিত্রসৌভাগ্যের যে গর্ব, তা শোকের করুণ রসকেই গভীর করেছে আর শোকের অন্তরে ক্রোধ তার রৌদ্রের রঞ্জিত দ্যুতি করুণ রসের অশ্রুজলে রক্তের রামধনু ছিটিয়ে দিচ্ছে। কিন্তু আবার মুহূর্তেই রৌদ্রের উদ্ভত রাগ দীনতার পাণ্ডুস্বায়ী মিলিয়ে গেছে।

মহাভারতকার যে দুটি শ্লোকে দ্রৌপদীর মহাভূজঙ্গের মতো দীর্ঘ বেণীর ছবি এঁকেছেন, সেই বেণী, যা অষ্টাদশ অক্ষৌহিণী ক্ষত্রিয়ের রক্তে পৃথিবী রঞ্জিত করবে, আলংকারিকেরা তাকেই বলেন কাব্যের বিভাব। এ কাব্যের সমস্ত রসের অবলম্বন হচ্ছে দ্রৌপদী। সুতরাং সেই-সব রসের অনুগত দ্রৌপদীর ও তার চেষ্টার ছবি—

কেশপক্ষং বরারোহা গৃহ্য বামেন পাণিনা।

পদ্মাক্ষী পুন্ডরীকাক্ষমুপেত্য গজগামিনী॥

এ কাব্যের বিভাব। বলা বাহুল্য, এর মতো বিভাব মহাকবিত্তেই সম্ভব। অন্য কবির হয় এ ছবি কল্পনায় আসত না, না-হয় বেণীর বর্ণনায় শ্লোকের পর শ্লোক চলত।

এর পর দ্রৌপদীর বাক্য করুণ ও রৌদ্রের এক অপরূপ মিশ্রণ নিয়ে আরম্ভ হয়েছে। “হে পুণ্ডরীকাক্ষ, যদি কখনও সন্ধির কথা মনে হয়, দুঃশাসনকরোদ্ধৃত আমার এই বেণীর কথা মনে কোরো।” এবং এই মিশ্র রস বীর-পিতা বীর-ভ্রাতা ও বীর-পুত্র ক্ষত্রিয়নারীর বীর রসের তাপে তপ্ত হয়ে রৌদ্রের বহ্নিরাগে দপ্ ক’রে জ্বলে উঠেছে। এবং অভিমান ও শোকের অশ্রুজলে কাব্য শেষ হলেও, সে করুণ রস মুখ্য রৌদ্র রসকে নির্বাপিত না ক’রে তাকে পরিপুষ্ট ও স্থায়ী করেছে। যে শোকের ছবিতে কাব্য সমাপ্ত, সে ছবি কয়েকটি অনুভাব দিয়ে আঁকা। লৌকিক শোক যা দিয়ে বাইরে প্রকাশ হয়, ও ছবি তারই কাব্যে সমর্পিত রসমূর্তি।

এ কাব্যে রসের বিবরণ এখনও শেষ হয় নি। কারণ, এ রৌদ্র, বীর, করুণ, সমস্ত রসের অন্তরালে আর-একটি রসের মূর্তি উঁকি খুঁকি দিচ্ছে। এ কাব্যের ক্রোধ, বীরত্ব, শোক—সকলই যে তেজস্বিনী সুন্দরী নারীর ক্রোধ, বীর্য ও শোক, কবি এ কথা বিস্মৃত হতে দেন নি। সমস্ত কাব্যের মধ্যেই সে-স্মৃতির উদ্‌বোধ ছড়িয়ে রেখেছেন। মধুর বা শৃঙ্গার রসের বিভাব সুন্দরী নারীর সংস্পর্শ এর রৌদ্র, বীর, করুণ, সমস্ত রসের উপরেই একটা মাধুর্যের রশ্মিপাত করেছে।

এ কাব্যে রৌদ্র ও বীর রস পাশাপাশি রয়েছে। একটু অবাস্তব হলেও এদের প্রভেদটা একটু স্পষ্ট করা বোধ হয় নিরর্থক নয়। রৌদ্র রসের ভাবের উপাদান হল ক্রোধ, কিন্তু বীর রসের ভাবের উপাদান হচ্ছে উৎসাহ। যাত্রার বীর যে হাস্যাস্পদ, তার কারণ যাত্রাওয়ালা রৌদ্র রসকে বীর রস বলে ভুল করে। তার মনে ধারণা যে, বীর রসের উপাদান ক্রোধ। “যদি তোর ডাক শুনে কেউ না আসে, তবে একলা চলো রে”—আলংকারিকদের মতে বীর রসের উৎকৃষ্ট উদাহরণ। আর “স্বাধীনতাহীনতায় কে বাঁচিতে চায় রে, কে বাঁচিতে চায়”—কবি বীর রসের কবিতা মনে করে লিখলেও আলংকারিকেরা ওকে কখনোই বীর রস বলতে রাজি হতেন না। কারণ, ওটি ‘উৎসাহে’র রসমূর্তি নয়।

আলংকারিকদের এই কাব্যবিশ্লেষণ যে আধুনিক constructive criticism, ‘গঠনমূলক’ সমালোচনায় অভ্যস্ত পাঠকের মনে ধরবে না তা বেশ জানি। কিন্তু আলংকারিকেরা কাব্য নিয়ে কবিত্ব করার পক্ষপাতী ছিলেন না। কাব্যের গাঢ় রাগকে সমালোচনার ফিকে রঙে ঐকে কার কী হিত হয়, তা তাঁদের বুদ্ধির অতীত ছিল। অধিকাংশ constructive criticism হয় কাব্যের রসকে রসহীন বাক্যের জল মিশিয়ে পাতলা করে পাঠকদের সামনে ধরা, না-হয় কাব্যের ইমোশনকে সমালোচনার sentimentalism-এর একটা উপলক্ষ করা। আলংকারিকেরা বুঝেছিলেন, কাব্যের তত্ত্ব-বিশ্লেষণ রসজ্ঞের বুদ্ধির ব্যাপার। কাব্যের রস দরকার হলে পাতলা করে পাঠককে গিলিয়ে দেওয়া তার উদ্দেশ্য নয়। কারণ, ও কাজে কেউ কখনও সফলকাম হতে পারবে না। আলংকারিকেরা জানতেন, কাব্যের রস-আস্বাদন লোকে কাব্য পড়েই করবে। সমালোচকের ‘কবিত্ব’ পড়ে কাব্যের রসাস্বাদনের আধুনিক তত্ত্ব তাঁদের জানা ছিল না। সমালোচনার কবিত্ব কাব্যের রস মনে সঞ্চার করতে পারে যদি সমালোচক হন একাধারে সমালোচক ও কবি। এ যোগ দুর্লভ। আলংকারিকেরা জানতেন, তাঁরা কাব্যতত্ত্ববিৎ সহৃদয় মাত্র।



## কথা

তত্ত্বজ্ঞেরা বলেছেন, আত্মাকে জানতে হলে নেতি নেতি করে আরম্ভ করতে হয়। বুঝতে হয়, আত্মা দেহ নয়, প্রাণ নয়, মন নয়, বিজ্ঞান নয়, তবেই আত্মার প্রকৃত স্বরূপের প্রতীতি হয়। কাব্যের আত্মার সন্ধানে আলংকারিকেরাও এই নেতির পথ নিয়েছেন। কাব্যের আত্মা তার শব্দার্থময় কথা-শরীর নয়, তার বাচ্যের বিশিষ্টতা নয়, তার রচনারীতির চমৎকারিত্ব নয়, অলংকারের সৌকুমার্য নয়। কাব্যের আত্মা এ সবার অতিরিক্ত আনন্দস্বরূপ বস্তু, অর্থাৎ রস। কিন্তু এ আত্মা নির্গুণ নিরূপাধিক আত্মা নয়, যেখানে পৌছলে “নান্যৎ পশ্যতি, নান্যৎ শৃণোতি, নান্যৎ বিজানাতি”, দেখার, শোনার, কি জানার আর কিছু থাকে না, দঙ্ককাষ্ঠ আগুনের মতো সব নির্বাণপ্রাপ্ত হয়। কাব্যের রস সেই সগুণ সক্রিয় আত্মা, “সর্বাণি রূপাণি বিচিত্র্য ধীরো, নামানি কৃত্বাভিবদন্ যদাস্তে,” যা নানা রূপের সৃষ্টি করে তাকে নামের গড়নে বেঁধে, নিজের সেই সৃষ্টির মধ্যেই আবিষ্ট হয়ে বিরাজ করে। কবির কাজ পাঠকের চিন্তে রসের উদ্বোধন। কিন্তু রস কবির মন থেকে পাঠকের মনে সোজাসুজি উপায়নিরপেক্ষ সম্বারিত হয় না। শব্দ ও অর্থের, বাচক ও বাচ্যের উপায়কে আশ্রয় করেই কবি এই উদ্দেশ্য সাধন করেন। সুতরাং যদিও কবির চরম-লক্ষ্য পাঠকের মনের ভাবকে রসে রূপান্তর করা, তাঁর কাব্য-সৃষ্টি হচ্ছে এই উপায়ের সৃষ্টি।

আলোকার্থী যথা দীপশিখায়াং যত্বান্ জনঃ।

তদুপায়তয়া তদ্বদর্থে বাচ্যে তদাদৃতঃ॥’

‘লোকে আলো চায়, কিন্তু তাকে জ্বালাতে হয় দীপশিখা। কবির লক্ষ্য রস, কিন্তু তাঁকে সৃষ্টি করতে হয় কাব্যের শব্দার্থময় কথাবস্তু।’ এই কথাবস্তু যদি সহৃদয় পাঠকের মনে অভিপ্রেত রসসম্বন্ধের উপযোগী হয়, তবেই কবির কাজ শেষ হল। এর অতিরিক্ত তাঁর সাধ্যের অতীত। কারণ, কাব্য কোনো পাঠকবিশেষের মনে রসের উদ্বেক করবে কি না, তা কেবল কাব্যের উপর নির্ভর করে না, পাঠকের মনের উপরও নির্ভর করে। কবি যে ভাবকে রসমূর্তি দিতে চান, যদি পাঠকের মন সে ভাব সম্বন্ধে কতকটাও কবির মনের সমধর্মী না হয়, তবে সে পাঠকের কাছে কাব্য ব্যর্থ। এই কারণেই কবি বরফটি অরসিকের কাছে রসনিবেদনের দুঃসহ দুঃখ থেকে ইষ্টদেবতার কাছে মুক্তি চেয়েছেন; আর ভবভূতি অনন্ত কাল ও বিপুল পৃথিবীতে সমানধর্মা পাঠকের কাছে একদিন-না-একদিন কাব্য পৌছবে, এই ভরসায় আশ্বস্ত হয়েছেন। কাব্যে কেন সকল লোকের মনে রসের অভিব্যক্তি হয় না,

আলংকারিকেরা বলেছেন, তার কারণ ভাবের 'বাসনা'র অভাব।—ন জায়তে তদাস্বাদো বিনা রত্যাদিবাসনাম্।<sup>২</sup> বাসনা হচ্ছে অনুভূত ভাব বা জ্ঞানের সংস্কারলেখ, যাকে আশ্রয় করে পূর্বানুভূতির স্মৃতি মনে জাগ্রত হয়। এই বাসনা আছে বলেই কাব্যের ভাবচিত্র মনে রসের সঞ্চারণ করে। আর এ বাসনা নেই বলেই বালকের কাছে চণ্ডীদাসের কাব্য নিষ্ফল। কাব্য যে-ভাবকে রসে পরিণত করতে চায়, যে-পাঠকের মনে তার বাসনা নেই, তার বয়স যতই হোক, সে-কাব্যে সম্পর্কে সে শিশু; অর্থাৎ ও কাব্য তার জন্যে নয়। ভাবের অনুভূতি, সুতরাং বাসনা আছে, কিন্তু তার রসের আনন্দন নেই—এরকম লোক অবশ্য অনেক আছে। আলংকারিকেরা বলেন, তার কারণ 'প্রাক্তন', অর্থাৎ পূর্ব-জন্মের কর্মফল। 'রসাস্বাদনশক্তির স্বাভাবিক অভাব' বললে ভাষাটা আধুনিক শোনায় বটে, কিন্তু কথা একই থেকে যায়।

কাব্যের লক্ষ্য রস; শব্দ, বাচ্য, রীতি, অলংকার, ছন্দ—তার উপায়। কিন্তু এই উদ্দেশ্য ও উপায়ের যে বিশ্লেষণ, সে হচ্ছে বুদ্ধির কাব্যপরীক্ষার বিশ্লেষণ। কবির কাব্যসৃষ্টিতে ও সহৃদয়ের কাব্যের আনন্দে, রস ছাড়া এ-সব উপায়ের স্বতন্ত্র পরিকল্পনা কি আনন্দন নেই। কারণ, কাব্যের বাচ্য, রীতি, ছন্দ, অলংকার—এই-সব ভিন্ন ভিন্ন বস্তু একত্র হয়ে কাব্যের রসকে সৃষ্টি করে না। রসই নিজেই মূর্ত ক'রে তোলার আবেগে কাব্যের এই-সব অঙ্গের সৃষ্টি করে। যেমন নানা অঙ্গপ্রত্যঙ্গের মিলনে জীবশরীরে প্রাণের সৃষ্টি হয় নি, প্রাণশক্তিই অঙ্গপ্রত্যঙ্গের সৃষ্টি ক'রে নিজেই তার মধ্যে প্রকাশ করেছে। সুতরাং কাব্যের এ-সব অঙ্গ তার রসের বহিরঙ্গ নয়, তারা রসেরই অঙ্গ।—তস্মান্ন তেষাং বহিরঙ্গত্বং রসাভিব্যক্তৌ।<sup>৩</sup> অর্থাৎ রসবাদী আলংকারিকেরা হচ্ছেন কাব্যমীমাংসায় অচিন্ত্যভেদাভেদবাদী। চেতনাচেতন এই জগৎ পরমাছা ব্রহ্ম নয়, কিন্তু তা থেকে ভিন্নও নয়। কাব্যের এই-সব অঙ্গ কাব্যের আছা, রস নয়, কিন্তু রস থেকে ভিন্নও নয়। কারণ, কাব্যের রস এই-সব কাব্যঙ্গ থেকে পৃথগ্‌ব্যাপদেশানর্হ, পৃথগ্‌ভাবে নির্দেশের অযোগ্য। এই আপাত-বিরুদ্ধ ভেদাভেদ সম্বন্ধ কী ক'রে সম্ভব হয়, তা তর্ক দিয়ে প্রতিষ্ঠার বিষয় নয়; তত্ত্বদর্শী কাব্য-রসিকের প্রত্যক্ষ অনুভূতির বস্তু।

রসবাদীদের এই সিদ্ধান্ত যে কাব্যের ভূমি ছেড়ে তত্ত্বের আকাশে উধাও হওয়া নয়, তার প্রমাণে তাঁরা বলেন, মহাকবিদের শ্রেষ্ঠ কাব্যমাত্রেরই দেখা যাবে যে, তার ভাষা কি অলংকার অপৃথগ্‌যত্ন নির্বর্ত্য, অর্থাৎ তার জন্যে কবির কোনো পৃথক্‌ যত্ন করতে হয় নি।<sup>৪</sup> কারণ—

২ সাহিত্যদর্পণ, ৩।৮

৩ ধন্যালোক, ২।১৭, বৃত্তি

৪ রসাক্ষিপ্ততয়া যস্য বন্ধঃ শক্যক্রিয়ো ভবেৎ।

অপৃথগ্‌যত্ননির্বর্ত্যঃ সোহলংকারো ধ্বনৌ মতঃ॥

রসবস্তি হি বস্তুনি সালংকারাণি কানিচিৎ ।

একেনৈব প্রযত্নেন নির্বর্ত্যন্তে মহাকবেঃ৫

‘কাব্যের রসবস্তু ও তার অলংকার মহাকবির এক প্রযত্নেই সিদ্ধ হয়’, কেননা যদিও বিশ্লেষণবুদ্ধির কাছে তাদের রচনাভঙ্গি ও অলংকার-প্রয়োগের কৌশল-নিরূপণ দুর্ঘট ও বিশ্ময়াবহ, কিন্তু প্রতিভাবান্ কবির রসসমাহিত চিন্ত থেকে তারা ভিড় ক’রে ঠেলাঠেলি বেরিয়ে আসে :

অলংকারান্তরাণি হি নিরূপ্যমাণদুর্ঘটনান্যপি রসসমাহিতচেতসঃ

প্রতিভানবতঃ কবেরহংপূর্বিকয়া পরাপতন্তি ।৬

Canst thou not minister to a mind diseas'd;  
Pluck from the memory a rooted sorrow;  
Raze out the written troubles of the brain;  
And with some sweet oblivious antidote  
Cleanse the stuff 'd bosom of that perilous stuff  
Which weighs upon the heart?৭

এই কাব্যংশের অদ্ভুত কবিকর্ম, এর পরমাশ্চর্য নৈপুণ্য ও কৌশল, এর ভাষা ও অলংকারের বিশ্ময়কর প্রকাশশক্তি, যা প্রতি ছত্রে দুটি-একটি কথায় উদ্দিষ্ট আইডিয়ার পূর্ণাঙ্গ মূর্তি ফুটিয়ে তুলেছে—রসজ্ঞ সমালোচক এগুলির প্রতি যে বিশ্লেষণবুদ্ধি প্রয়োগ করবেন, কবিকেও যদি তেমনি বিশ্লেষণের উপর নির্ভর করতে হত, তবে এ কাব্যের সৃষ্টিই হত না। কবির দৃষ্টি সমাহিত ছিল তাঁর নাটকের নায়কের হৃদয়শোষী যন্ত্রণা-ক্লিষ্ট চিন্তের নিদারুণ চিত্রের দিকে; আর তাঁর মহাপ্রতিভা তার কাব্যোপকরণ আপনি উপহার এনেছে, বুদ্ধি দিয়ে অন্বেষণ ক’রে তাকে আনতে হয় নি।

আনন্দবর্ধন বলেছেন, এমনটি যে ঘটে, তার কারণ, কবি তাঁর কাব্যের বাচ্য দিয়েই রসকে আকর্ষণ করেন; এবং শ্রেষ্ঠ কাব্যের ভাষা ও অলংকার তার বাচ্য থেকে স্বতন্ত্র বস্তু নয়, তারা বাচ্যেরই অঙ্গ।

যুক্তং চৈতৎ । যতো রসা বাচ্যবিশেষৈরেবাক্ষেপ্তব্যঃ । তৎপ্রতিপাদকৈশ্চ

শব্দৈস্তৎপ্রকাশিনো বাচ্যবিশেষা এব রূপকাদয়োহলংকারাঃ ।৮

কালিদাসের উপমার যে খ্যাতি, তার কারণ এ নয় যে, সেগুলির উপমান ও উপমেয়ের মিলের পরিমাণ ও চমৎকারিত্ব খুব বেশি। তাদের শ্রেষ্ঠত্ব এই যে, সেগুলি কাব্যের বাচ্যকে সাজানোর জন্য কটককুন্ডলের মতো বাইরে থেকে আনা

অলংকার নয়। সেগুলি বাচ্যের শোভা—যৌবন যেমন দেহের শোভা। বাচ্য থেকে তাদের প্রভেদ করা যায় না, কিন্তু কাব্যের বাচ্যকে তারা রস-আকর্ষণের অঙ্কুর ক্ষমতা দেয়।

অবৃষ্টিসংরম্ভমিবানুবাহমপামিবাধারমনুত্তরঙ্গম্।

অন্তচরাণাং মরুতাং নিরোধান্নিবাতনিষ্কম্পমিব প্রদীপম্॥

এর বাচ্য ও উপমার মধ্যে কোনো ভেদরেখা টানা যায় না। এর বাচ্যই উপমা, উপমাই বাচ্য। এবং ফলে শল্পুর চিন্তাতেও যে-অধ্ব্য রূপ, যা দেখে মদনের হাত থেকেও ধনু ও শর খসে পড়েছিল, তার দীপ্তগঞ্জীর রসে পাঠকের চিত্ত ভ'রে যায়।

সব শ্রেষ্ঠ কাব্যের অলংকারের এই এক ধারা। মহাভারতের বিদুলার উপাখ্যানে বিদুলা তাঁর শক্রনির্জিত, দীনচিন্ত, নিরন্দ্যম পুত্রকে উত্তেজিত করছে—

অলাতং তিন্দুকস্যেব মুহূর্তমপি হি জ্বল।

মা তুষাগ্নিরিবানর্চির্ধুমায়স্ব জিজীবিষুঃ॥

মুহূর্তং জ্বলিতং শ্রেয়ো ন তু ধুমায়িতম্-চিরম্।

‘তিন্দুকের অঙ্গারের মতো এক মুহূর্তের জ্বল্যও জ্ব'লে ওঠো; প্রাণের মায়ায় শিখাহীন তুষের আগুনের মতো ধুমায়মান থেকে না। চিরদিন ধুমায়িত থাকার চেয়ে মুহূর্তের জন্য জ্ব'লে ভস্ম হওয়াও শ্রেয়ঃ।’ এর বাচ্য ও অলংকারে ভেদ নেই, সেই অভেদ এই দেড়টি শ্লোককে রসোদ্‌বোধনের আশ্চর্য শক্তি দিয়েছে। রামায়ণে হেমন্তের নিস্প্রভ চন্দ্রের বর্ণনা—

রবিসংক্রান্তসৌভাগ্যন্তুযারাবৃতমন্তলঃ।

নিঃশ্বাসাক্ষ ইবাদর্শচন্দ্রমা ন প্রকাশতে॥

‘তুষারাবৃত আকাশে নিঃশ্বাসাক্ষ দর্পণের মতো চন্দ্র প্রকাশহীন।’—এ উপমা একটা উদাহরণ নয়; হেমন্তের বিলুপ্তজ্যোতি চন্দ্রের সমস্তটা রূপ ফুটিয়ে তুলেছে। রবীন্দ্রনাথের ‘পঁচিশে বৈশাখ’—

আর সে একান্তে আসে

মোর পাশে

পীত উত্তরীয়তলে লয়ে মোর প্রাণদেবতার

স্বহস্তে সজ্জিত উপহার—

নীলকান্ত আকাশের থালা,

তারি 'পরে ভুবনের উচ্ছলিত সুধার পিয়লা।

এর বাচ্য ও অলংকারে প্রভেদ করবে কে? কারণ, এর অলংকার এর বাচ্যের শোভা নয়, রূপ। আর তাতেই এ কবিতার বাচ্যের পেয়ালা থেকে কাব্যের রস উচ্ছলিত হয়ে পড়ছে।

২

আলংকারিকেরা যখন বলেন, কাব্যের 'বাচ্য' তার দেহ, 'রীতি' যেন অবয়বসংস্থান, 'অলংকার' কটককুন্ডলাদির মতো আভরণ<sup>৯</sup>—তখন তাঁরা নিম্ন অধিকারীর জন্য কাব্যের বাহ্যতত্ত্ব বলেন, নিগূঢ় চরমতত্ত্ব নয়। কারণ, কাব্যে তার বাচ্য রীতি অলংকারের কোনো স্বাতন্ত্র্য নেই, তারা একান্ত রসপরতন্ত্র। রীতি অলংকার যদিও বাহ্যতঃ বাচ্যের ভঙ্গি ও আভরণ, বস্তুতঃ তাদের ভঙ্গিত্ব ও আভরণত্ব হচ্ছে কাব্যের রসের সম্পর্কে। যেমন অভিনবগুণ বলেছেন, 'উপমা কাব্যের বাচ্যার্থকেই অলংকৃত করে, কিন্তু বাচ্যার্থের তাই হচ্ছে অলংকার যা তাকে ব্যঙ্গ্যার্থের অভিব্যঞ্জনার সামর্থ্য দেয়। সুতরাং প্রকৃতপক্ষে কাব্যের আত্মা অর্থাৎ জ্ঞার রসধর্মই হচ্ছে অলংকার্য। কটককেয়ুরাদি যে শরীরে পরানো হয়, তাতেও নিজের চিত্তবৃত্তিবিশেষের ঔচিত্যসূচক বলে চেতন আত্মাই অলংকৃত হয়। সেইজন্যই চেতনাহীন শবশরীর কুন্ডলাদির যোগে শোভাপ্রাপ্ত হয় না কারণ, সেখানে অলংকার্য বস্তুর অভাব। গৃহত্যাগী যতির শরীরে কটকাদি অলংকার শোভা নয়, হাস্যাবহ। কারণ সেখানে অলংকরণের ঔচিত্যের অভাব। কিন্তু দেহের তো ঔচিত্য-অনৌচিত্য কিছু নেই, সুতরাং বস্তুতঃই আত্মাই হচ্ছে অলংকার্য।'

উপময়া যদ্যপি বাচ্যোহর্থোহলংক্রিয়তে তথাপি তস্য তদেবালংকরণং যদ্ব্যঙ্গ্যার্থাভি-  
ব্যঞ্জনাসামর্থ্যাধানমিতি। বস্তুতো ধ্বন্যোঐত্মবালংকার্যঃ। কটক-কেয়ুরাদিভিরপি হি  
শরীরসমবায়িভিষেচন আত্মৈব তন্তুচিত্তবৃত্তিবিশেষৌ-চিত্যসূচনত্মত্মালংক্রিয়তে।  
তথাহ্যচেতনং শবশরীরং কুন্ডলাদ্যুপেতমপি ন ভাতি। অলংকার্যস্যাত্মাবাৎ।  
যতিশরীরং কটকাদিয়ুক্তং হাস্যাবহং ভবতি। অলংকার্যস্যানৌচিত্যাৎ। ন চ দেহস্য  
কিংচিদনৌচিত্যমিতি বস্তুত আত্মৈবালংকার্যঃ।<sup>১০</sup>

অর্থাৎ, কাব্যের যা কিছু, তার একমাত্র মাপকাঠি কাব্যের রস। কাব্যের 'গুণ' অর্থে, যা তার রসকে উৎকর্ষ দেয়। কাব্যের 'দোষ' আর কিছু নয়, যা তার রসের লাঘব ঘটায়। কাব্যের ভাষা বাচ্য রীতি ও অলংকারের যে দোষগুণ বলা হয়, সেটা উপচার মাত্র।

৯ অলংকারাঃ কটককুন্ডলাদিবৎ, রীতয়োহবয়বসংস্থানবিশেষবৎ, দেহদ্বারেণেব শব্দার্থদ্বারেণ  
তমেব কাব্যস্যাভূতং রসমুৎকর্ষয়ন্ত্যঃ কাব্যস্যোৎকর্ষকা উচ্যন্তে।—সাহিত্যদর্পণ, ১।৫ বৃত্তি

১০ ধ্বন্যালোকলোচন, ২।৫

অপি ত্বাভূতস্য রসস্যেব পরমার্থতো গুণা মাধুর্যাদয়ঃ, উপচারণে তু শব্দার্থয়োঃ।<sup>১১</sup>  
‘মাধুর্য প্রভৃতি যে গুণ, তা পরমার্থতঃ কাব্যের আত্মস্বরূপ রসেরই গুণ। শুধু  
ব্যবহারিক ভাবে তাদের শব্দ ও অর্থের গুণ বলা হয়।’

সুতরাং কাব্যের ভাষা রীতি বা অলংকারের কোনো বাঁধাবাঁধি নিয়ম অসম্ভব।  
কেননা, রস ছাড়া এদের আর কোনো নিয়ামক নেই। পূর্বতন কবিদের কাব্যপরীক্ষায়  
যদি তাঁদের ব্যবহার থেকে কোনো সাধারণ নিয়ম আবিষ্কারও করা যায়, নবীন কবির  
কাব্যপ্রতিভা হয়তো সম্পূর্ণ ভিন্ন নিয়মে চ’লে সমান রসোদ্বোধক কাব্যের সৃষ্টি  
করবে। কাব্যে বাচ্য বা বিষয় সম্বন্ধেও ঐ এক কথা। কোন্ শ্রেণীর বিষয়কে  
অবলম্বন করে কবি তার কাব্য রচনা করবে, তার গন্ডি একে দেওয়া সম্ভব নয়।  
কবির প্রতিভা, অভিনবগুণ্ড যাকে বলেছেন ‘অপূর্ববস্তুনির্মাণক্ষমা প্রজ্ঞা’, সে যে কোন্  
অপূর্ব কথাবস্তুর সৃষ্টি ক’রে রসকে আকর্ষণ করবে, আগে থেকে কে তা নির্ণয়  
করতে পারে? সেইজন্য আনন্দবর্ধন বলেছেন—

তস্মান্নাস্ত্যেব তদ্বস্তু সৎ সর্বাখানা রসতাৎপর্যবতঃ কবেন্তুদিচ্ছয়া  
তদভিমতরসাস্ততাং ন ধন্তে।<sup>১২</sup>

‘এমন বস্তু নেই যা রসতৎপর কবির ইচ্ছায় তাঁর অভিমত প্রকাশোপযোগী অঙ্গত্ব না  
ধারণ করে।’ কারণ—

অপারে কাব্যসংসারে কবিরেব প্রজ্ঞাপতিঃ।

বস্তুর জগতের মতো কাব্যের জগৎও সীমাহীন, এবং এ জগতের সৃষ্টিকর্তা ব্রহ্মা  
হচ্ছেন কবি। সৃষ্টির কাজে নিজের প্রতিভার নিয়ম ছাড়া আর কোনো নিয়ম তাঁর  
উপর চলে না।

ব্যবহারয়তি যথেষ্ট; সুকবিঃ কাব্যে স্বতন্ত্রতয়া।

কাব্যে কবির ব্যবহার স্বাধীন, কেননা, এখানে তিনি স্বতন্ত্র, বাইরের কোনো কিছুর  
পারতন্ত্র্য তাঁর নেই।

### ৩

কবিকে নিজের প্রতিভার যে নিয়ম মানতে হয়, সুতরাং কাব্যবিচারের যা একমাত্র  
নিয়ম, আলংকারিকেরা তার নাম দিয়েছেন ‘ঐচ্ছিত্য’ অর্থাৎ অভিপ্রেত রসের  
উপযোগিত্ব।

১১ ধন্যালোকলোচন, ২।৮

১২ ধন্যালোক, ৩।৪২-৪৩, বৃষ্টি

বাচ্যানাং বাচকানাং চ যদৌচিত্যেন যোজনম্ ।

রসাদিবিষয়েণৈতৎ কৰ্ম মুখ্যং মহাকবেঃ॥১৩

‘মহাকবির মুখ্য কবিকৰ্ম হচ্ছে রসের অভিব্যঞ্জনার উপযোগী ক’রে কাব্যের বাচ্য ও বাচকের উপনিবন্ধন।’ সুতরাং কাব্যের কথা ও রীতি, ছন্দ ও অলংকার, এদের বিচারের অদ্বিতীয় বিধি হচ্ছে—কাব্যের রসসৃষ্টিতে কার কতটা দান, তার বিচার করা; আলংকারিকদের ভাষায়, এদের রসের ‘অনুগুণত্ব’র পরিমাণ নির্ণয় করা। এ ছাড়া আর কোনো নিষ্কি এখানে অচল ও অপ্রাসঙ্গিক।

অনৌচিত্যাদুতে নানদ্রসভঙ্গস্য কারণম্ ।

প্রসিদ্ধৌচিত্যবন্ধস্তু রসস্যোপনিষৎ পরা॥১৪

‘অনৌচিত্য ছাড়া কাব্যের রসভঙ্গের আর কোনো কারণ নেই। এই ঔচিত্যবন্ধই রসের উপনিষৎ, কাব্যতত্ত্বের পরা বিদ্যা।’

একটা উদাহরণ দেওয়া যাক। সম্প্রতি বাংলাদেশে তর্ক উঠেছে, শ্রীরামচন্দ্রকে রামায়ণ থেকে কতকাংশে ভিন্‌চরিত্রের কল্পনা ক’রে চিত্রিত করবার অধিকার কোনো আধুনিক কবির আছে কি না। একদল পণ্ডিত বলছেন, ও অধিকার নেই; কারণ, শ্রীরামচন্দ্রকে হিন্দুরা দেবতাবোধে পূজা করে; সে চরিত্রের বিকৃত অঙ্কনে হিন্দুর মনে, অর্থাৎ তাদের ধর্মভাবে, আঘাত লাগে। প্রাচীন হিন্দু আলংকারিকেরা বলতেন, কাব্যবিচারে ও-যুক্তি একেবারে অপ্রাসঙ্গিক। কাব্যের কোনো চিত্র বা চরিত্র কারো ধর্মবিশ্বাসে ঘা দেয় কি না, কাব্যতত্ত্বের বিচারে সে প্রশঙ্গের কোনো মূল্য বা প্রসার নেই। হতে পারে সেটা সামাজিক হিসাবে দূষ্য। এবং আঘাতপ্রাপ্ত ধর্মের ধার্মিক লোকের গায়ে জোর যদি বেশি হয়, তবে তারা কবির মুখ বন্ধ করেও দিতে পারে; যেমন রাজনৈতিক হিসাবে দূষ্য বলে রাজা কাব্যবিশেষের প্রচার বন্ধ করে দিতে পারেন। কিন্তু তা দিয়ে কাব্যের কাব্যতত্ত্বের

ভালোমন্দ কিছু বিচার হয় না। এ মতকে প্রাচীন আলংকারিকদের মত বলছি, কেবল তাঁদের কাব্যবিচারের সূত্র থেকে অনুমান ক’রে নয়। কারণ, ঠিক এই প্রশ্নই তাঁরাও তুলেছেন এবং মীমাংসা করেছেন; কেননা, আদিকবির পর বহু সংস্কৃত কবি রামচন্দ্রকে নায়ক ক’রে কাব্য ও নাটক রচনা করেছিলেন। কিন্তু তাঁদের তর্ক ও মীমাংসা, এ দুয়েরই ধারা নবীন বাঙালি হিন্দুর তর্ক ও মীমাংসা থেকে সম্পূর্ণ ভিন্ন। প্রাচীন আলংকারিকদের বিচারের ফল একটি পরিকরশ্লোকে সংক্ষেপে করা আছে—

সন্তি সিদ্ধরসপ্রথ্যা যে চ রামায়ণাদয়ঃ ।

কথাশ্রয়া ন তৈর্যৌজ্যা স্বেচ্ছা রসবিরোধিনী॥ ১৫

‘রামায়ণ প্রভৃতি যে-সব কাব্য সিদ্ধরসতুল্য, তাদের কথাতে এমন কথা যোগ করা চলে না যা তাদের রসের বিরোধী।’ সিদ্ধরস কাব্য কাকে বলে, তা অভিনবগুপ্ত বুঝিয়েছেন—সিদ্ধ আন্বাদমাত্রশেষো ন তু ভাবনীয়ো রসো যেষু—‘যে কাব্যের রস রসসৃষ্টির উপায়কে অতিক্রম করে পাঠকের মনে আন্বাদমাত্রে পরিণত হয়েছে।’ অর্থাৎ যে কাব্য লোকসমাজে এতই প্রচলিত ও পরিচিত যে, তার রসের আন্বাদ যেন তার কথাবস্তুরনিরপেক্ষ পাঠকের মনে লেগে আছে। তার কাব্যকথা পাঠকের মনের রসের তারে যে গভীর ঘা দিয়েছে, তার বিশেষ সুর পাঠকের মনে বেজেই আছে। নূতন কাব্যের কোনো কথায় যদি সে সুরের বেসুর কিছু বাজে, তবে তার রসভঙ্গ অনিবার্য। সুতরাং তেমন কথা ঔচিত্যের ব্যতিক্রম। কিন্তু এ ‘ঔচিত্য’ রসের ঔচিত্য—সমাজ বা ধর্মের ঔচিত্য নয়।

আধুনিক কালের আর-একটা তর্ক—“রিয়ালিজম্” ও ‘আইডিয়ালিজম্’, বস্তুতন্ত্র ভাবতন্ত্রের বিবাদকে, আলংকারিকেরা ঔচিত্যের বিধি দিয়ে বিচার করেছেন। কাব্যের লক্ষ্য রস। রস ভাবের পরিণতি। কিন্তু ভাব নিরালম্ব জিনিস নয়, বস্তুকে আশ্রয় করেই জন্মায় ও বেঁচে থাকে। কবি ভাবের এই বস্তুকে কথাশরীর দিয়েই রসের উদ্‌বোধন করেন। সুতরাং কাব্যের কথাবস্তু যদি ভাবের প্রাকৃত বস্তুর যথাযথ চিত্র না হয়, তবে রসোদ্‌বোধের ব্যর্থ ঘটে। আলংকারিকেরা একে বলেছেন, ‘ভাবৌচিত্য’ বা ‘প্রকৃত্যৌচিত্র’। আনন্দবর্ধন বলেছেন, ‘সেইজন্য লৌকিক মানুষ নিয়ে যে কাব্য, তাতে সপ্তার্ণবলঙ্ঘন প্রভৃতি ব্যাপারের অবতারণা বর্ণনামহিমায় সৌষ্ঠবসম্পন্ন হলেও কাব্যত্ব হিসাবে নীরস। এবং তার হেতু হচ্ছে ‘অনৌচিত্য’।’—

তথা চ কেবলমানুষস্য রাজাদেরবর্ণনে সপ্তার্ণবলঙ্ঘনাদিলক্ষণা ব্যাপারা উপনিবধ্যমানাঃ সৌষ্ঠবভূতোহপি নীরসা এব নিয়মেন ভাস্তি। তত্র ত্বনৌচিত্যমেব হেতুঃ। ১৬  
ব্যাখ্যায় অভিনবগুপ্ত বলেছেন, ‘বর্ণনা এমন হবে, যেন তাতে পাঠকের প্রতীতিখন্ডন না হয়।’

যত্র বিনেয়ানাং প্রতীতিখণ্ডনা ন জায়তে তাদৃগ্ বর্ণনীয়ম্।

কাব্যের জগৎ বস্তুর জগৎ নয়, মায়ার জগৎ—এ কথা সত্য। কিন্তু বস্তুরনিরপেক্ষ ময়া হয় না; সুতরাং সম্পূর্ণ অবাস্তব কাব্য অসম্ভব। এবং কাব্যের কথাবস্তুর বস্তুপন্নতার লাঘব যদি তার রস-আকর্ষণ শক্তির হীনতা ঘটায়, তবে সে লাঘব কাব্যের দোষ। কিন্তু কথাবস্তুর লক্ষ্য বস্তু নয়, রস। কাব্য যে বস্তুকে চিত্রিত করে, সে তার



বাস্তবতার জন্য নয়, রসাভিব্যঞ্জির জন্য। কাজেই উপায় যদি উদ্দেশ্যকে ছাপিয়ে যায়, তবে ঠিক বিপরীত অনৌচিত্যের দোষে কাব্যের রসভঙ্গ হয়। বস্তুর বাস্তবতা অনন্ত। কোনো কবিই তার সবটাকে কাব্যের কথাবস্তুতে স্থান দিতে পারেন না। যদি পারতেন, তবে ফলে যা সৃষ্টি হত, তা আর যাই হোক—কাব্য নয়। সুতরাং ঐ বাস্তবতার কতটা কোন্ কাব্যে স্থান পাবে, তা সম্পূর্ণ নির্ভর করে সেই কাব্যের উদ্দিষ্ট রসের উপর, ও কবির প্রতিভার প্রকৃতির উপর। বস্তুর বাস্তবতার যে অংশ কাব্যের রসকে অভিব্যঞ্জিত বা পরিপুষ্ট না করে, সে অংশ কাব্যের অঙ্গ নয়, কাব্যের বোঝা। আলংকারিকেরা বলেছেন—

যম্বিন্ রসো বা ভাবো বা তাৎপর্ষণে প্রকাশতে

সংব্যুতিহিতৌ বস্তু যত্রালংকার এব বা।<sup>১৭</sup>

‘শ্রেষ্ঠ কাব্যের রসই প্রধান হয়ে ব্যক্ত হয়, তার বস্তু ও অলংকার যেন গোপন থাকে।’ অর্থাৎ, আলংকারিকদের মতে, কাব্যে অলংকারের আতিশয্য ও বাস্তবতার আতিশয্য একই শ্রেণীর দোষ। কারণ, দুই আতিশয্যই উদ্দিষ্ট রসকে প্রধান না ক’রে উপায়কেই প্রধান ক’রে তোলে।

বস্তুতন্ত্র ও ভাবতন্ত্র রসসৃষ্টির দুই ভিন্ন কৌশল। কোন্ কবি কোন্ কাব্যকৌশল অবলম্বন করবেন, তা নির্ভর করে তাঁর প্রতিভার বিশেষত্বের উপর—

কবিস্বভাবভেদনিবন্ধনত্বেন কাব্যপ্রস্থানভেদঃ।<sup>১৮</sup>

‘কবিপ্রতিভার স্বভাবের ভিন্নত্বের ফলেই কাব্যের প্রস্থান বা রীতির ভেদ হয়।’ এই দুই কৌশলের সৃষ্ট রসের মধ্যে আস্থাদের প্রভেদ আছে, কিন্তু রসত্বের প্রভেদ নেই। সুতরাং কেউ কাউকেও কাব্যের জগৎ থেকে নির্বাসন দেবার অধিকারী নয়। এক আস্থাদের রসভোগে অরুচি হলে, হয়তো কিছুদিন কাব্যপাঠকের অন্য আস্থাদের রসে একান্ত রুচি দেখা যায়। এই রুচি-পরিবর্তন দিয়ে কাব্যের কাব্যত্ব বিচার হয় না। শকুন্তলার বিদূষক বলেছিল, পিণ্ডখর্জুরে অরুচি হলে তেঁতুলের দিকে রুচি যায়।

## ফল

হেল্মহোল্ৎস্ আবিষ্কার করেছিলেন যে, মানুষের চক্ষু, যাকে লোকে প্রকৃতির সৃষ্টিকৌশলের একটা চূড়ান্ত উদাহরণ মনে করে, সেটি যন্ত্রহিসাবে দোষ ও ত্রুটিতে ভরপুর। আলোকরশ্মিকে গুছিয়ে এনে রেটিনার পর্দায় ছায়া ফেলার জন্য চোখের যে সামনে-পিছনে উপরে-নীচে ডাইনে-বামে গতি আছে, তার সীমা অতি সামান্য। ফলে একটু বেশি দূরের জিনিসও দৃষ্টির বাইরে থাকে, একটু বেশি কাছের জিনিসও দেখা যায় না। চোখকে তাজা রাখার জন্য যে-সব নাড়ী তাতে রক্ত সরবরাহ করে, তারাই আবার অবিচ্ছিন্ন আলো প্রবেশের বাধা। দু-চোখের দৃষ্টি যাতে দু-মুখো না হয়ে একমুখী হয়, তার যন্ত্রপাতির মধ্যেও নানা গলদ। মোটের উপর এরকম একটা বৈজ্ঞানিক যন্ত্র যদি কেউ হেল্মহোল্ৎস্কে বেচতে আসত, তবে কেনা দূরে থাক, তিনি তাকে বেশ কড়া দু-কথা শুনিতে দিতেন। কিন্তু এ-সব সত্ত্বেও মানুষের চোখ মানুষের অমূল্য সম্পদ। কারণ, তার নিত্য ঘরকন্নার কাজ এতেই বেশ চলে যায়; ও-সব দোষত্রুটিতে কোনো বাধা হয় না। কেননা, সেগুলি ধরা পড়ে বীক্ষণে নয়, অণুবীক্ষণে। চোখের মতো কাব্যকেও সমালোচনার ‘অপথাল্‌মস্কোপ্’ দিয়ে দেখলে, শ্রেষ্ঠ কাব্যেও নানা দোষত্রুটি আবিষ্কার করা যায়। বিশ্বনাথ বলেছেন, ‘নির্দোষ না হলে যদি কাব্য না হত, তবে কাব্যপদার্থটি হত অতি বিরল, এমন-কি, নির্বিষয়; কারণ সর্ব রকমে নির্দোষ কাব্য একান্ত অসম্ভব।’<sup>১</sup>

কিন্তু চোখের কাজ যেমন নির্দোষ বৈজ্ঞানিক যন্ত্র হওয়া নয়, মানুষকে রূপের জ্ঞান দেওয়া, কাব্যের কাজ তেমনি দোষহীন শব্দার্থের রচনা নয়, রসের সৃষ্টি করা। সুতরাং দোষত্রুটি সত্ত্বেও যে প্রবন্ধ রসসৃষ্টিতে সফল, তা কাব্য; আর সেখানে যা নিষ্ফল, তার রচনার দোষগুণ কাব্যের দোষগুণ নয়, কারণ কাব্যতুই সেখানে নেই। আনন্দবর্ধন কাব্যের দোষ দু-ভাগে ভাগ ক’রে কথাটা বিশদ করেছেন। দ্বিবিধো হি দোষঃ—কবেরব্যুৎপত্তিকৃতো- হশক্তিকৃতশ্চ।<sup>২</sup> ‘কাব্যের দোষ দু-রকমের—কবির অব্যুৎপত্তিকৃত ও কবির অশক্তিজনিত।’ ছোটোখাটো অসংগতি ও অনৌচিত্য, ভাষার কাঠিন্য, ছন্দের অলালিত্য— কবির অব্যুৎপত্তিকৃত এ-সব দোষ কাব্যের পক্ষে মারাত্মক নয়। কারণ—

১ এবং কাব্যং প্রবিরলবিষয়ং নির্বিষয়ং বা স্যাৎ। সর্বথা নির্দোষস্যেকান্তমসম্ভবাৎ।

—সাহিত্যদর্পণ, ১।২, বৃত্তি

অব্যুৎপত্তিকৃতো দোষঃ শক্ত্যা সংব্রিয়তে কবেঃ ।

যন্তশক্তিকৃতস্তস্য স ঋটিত্যবভাসতোঃ<sup>৩</sup>

‘অব্যুৎপত্তিকৃত যে দোষ, কবির রসসৃষ্টির শক্তি তাদের সংবরণ করে রাখে। অর্থাৎ শক্তিতিরস্কৃত হয়ে তারা এক-রকম অলক্ষ্যই থেকে যায়।<sup>৪</sup> কিন্তু কাব্যের দোষের মূল হচ্ছে কবির রসসৃষ্টিশক্তির লাঘব, সহৃদয় পাঠকের চিত্তে সে দোষ মুহূর্তেই প্রতিভাত হয়।’ এবং এই দোষই কাব্যের যথার্থ দোষ। নইলে ‘ব্যুৎপত্তি’র—অভিনবগুণ যাকে বলেছেন তদুপযোগিসমস্তবস্তুপৌর্বাপর্যপরামর্শকৌশলম্, কাব্যের সমস্ত বস্তু উর্দ্বিষ্ট রসের উপযোগী কি না তার পৌর্ব্যাপর্যবিচার করে প্রয়োগ-কৌশল—তার অভাব মহাকবিদের কাব্যপ্রবন্ধেও মাঝে-মাঝে দেখা যায়; কিন্তু, যেমন অভিনবগুণ বলেছেন, ‘এমনি তাঁদের কবিপ্রতিভা যে তাঁদের কাব্যের প্রতি বর্ণিত বিষয় চিত্তকে সেখানেই বন্দী করে রাখে, পৌর্ব্যাপর্য বিচারের অবসর দেয় না। কেমন, যেমন অতিপরাক্রমশালী পুরুষের অনুচিত বিষয়েও যুদ্ধের বিক্রম দেখে সাধুবাদ দিতে হয়, পৌর্ব্যাপর্যবিচারের দিকে মন থাকে না।’<sup>৫</sup> বিপুল-রসনিস্যন্দী, এবং প্রতি কাব্যায় সে রসকে উপচিত ও প্রগাঢ় করছে, এমন কাব্য খুব বেশি সৃষ্টি হয় নি। সেইজন্য আনন্দবর্ধন বলেছেন, ‘কাব্যের সংসার অতি বিচিত্র কবিপরম্পরাবাহী বটে; কিন্তু মহাকবি বলতে কালিদাস প্রভৃতি দু তিন পাঁচ জনকেই গণনা করা চলে।’<sup>৬</sup> সংস্কৃত কাব্যসাহিত্যের গন্ডি ছাড়িয়ে বিশ্বসাহিত্যের দিকে তাকালেও আনন্দবর্ধনের কথা বেশি বদল করতে হয় না। কালিদাস যখন বিশ্বস্রষ্টার সৃষ্টি প্রবৃত্তিকে সমগ্রবিধ গুণের পরাজুখী বলেছিলেন, তখন কবি প্রতিভার সৃষ্টির কথাও নিশ্চয় তাঁর মনে ছিল। কাব্যের সঙ্গে কাব্যের বড়ো-ছোটোর যে ভেদ, সে ভেদ রসের তারতম্য নিয়ে। কাব্য ও অকাব্যের প্রভেদ সম্পূর্ণ আলাদা জিনিস। কাব্যের রসসৃষ্টির যা-সব উপকরণ—কথা, ভাষা, অলংকার, ছন্দ—সেই মালমসলা দিয়ে যে রচনা, অথচ কাব্যের আত্মা ‘রস’ যাতে নেই, তাই হচ্ছে ‘অকাব্য’। আলংকারিকেরা এ শ্রেণীর রচনার নাম দিয়েছেন ‘চিত্রকাব্য’। চিত্র যেমন বস্তুর

৩ ধন্যালোক, ৩।৬, বৃত্তি

৪ তদ্র্যাব্যুৎপত্তিকৃতো দোষঃ শক্তিতিরস্কৃতত্বাৎ কদাচিন্ন লক্ষ্যতে ।—ধন্যালোক, ৩।৬

৫ .... অসৌ বর্ণিতস্তথা প্রতিভানবতা কবিনা যথা তত্রৈব বিশ্রান্তং হৃদয়ং পৌর্বাপর্যপরামর্শং কর্তৃত্বং ন দদাতি যথা নির্যাজপরাক্রমস্য পুরুষস্যবিষয়েহপি মুধ্যমানস্য তাবস্তম্বিন্নরসরে সাধুবাদো বিতীর্ণ্যতে ন তু পৌর্বাপর্যপরামর্শো তথাত্রাপীতি ভাবঃ—অভিনবগুণ, ধন্যালোকালোচন, ৩।৫

৬ অম্বিন্নতিবিচিত্রকবিপরম্পরাবাহিনি সংসারে কালিদাসপ্রভৃতয়ো দ্বিত্রাঃ পঞ্চমা বা মহাকবয় ইতি গন্যন্তে ।—ধন্যালোক, ১।৬

অনুকরণ, কিন্তু বস্তু নয়, এও তেমনি কাব্যের অনুকরণ, কিন্তু কাব্য নয়।<sup>৭</sup> এ-রকম অকাব্য বা চিত্রকাব্যের যে রচনা হয়, তার নাম কারণ। প্রধান কারণ, রসসৃষ্টির প্রতিভা যার নেই, তার কাব্যরচনার ইচ্ছা। এই ইচ্ছার বেগে যা রচনা করা চলে, তা স্বভাবতঃই কাব্য হয় না, হয় কাব্যের বাহ্যিক মূর্তি মাত্র। এইজন্যই প্রতিভাশালী কবির অকবি সম-সাময়িক কবিশৃঙ্খলগণ প্রার্থীরা তাঁর ভাষা ছন্দ ও ভঙ্গির যথাসাধ্য অনুকরণ করে থাকে। কারণ কাব্যরসের ঐ মূর্তিই তখন তাদের চোখের সামনে সব চেয়ে দেদীপ্যমান। এবং তাদের মনের ভরসা এই যে, কতকটা ঐ-রকমের মূর্তি গড়তে পারলেই, তার মধ্যে প্রাণ আপনি এসে যাবে। আনন্দবর্ধন লিখেছেন যে, রসতৎপরতালুশ্য বিশৃঙ্খলবাক্ লেখকদের কাব্যরচনার প্রবৃত্তি দেখে তিনি 'চিত্রকাব্য' নামটির পরিকল্পনা করেছেন।<sup>৮</sup> কিন্তু আনন্দবর্ধন এ শ্রেণীর লেখকদের উপর অবিচার করেন নি। সূক্ষ্ম বিচার করে এদের যেটুকু পাওনা, তা তাদের দিয়েছেন। এদের রচনাকে যে নীরস বলা হয়, তার অর্থ এ নয় যে, রস তাতে একেবারেই নেই, কারণ, বস্তুসংস্পর্শহীন রচনা হয় না। এবং জগতের সব বস্তুই কোনো-না-কোনো রসের অঙ্গত্ব ধারণ করতে পারে। রস হচ্ছে বিভাবজনিত চিত্তবৃত্তিবিশেষ। এমন কোনো বস্তু নেই যা কাব্যের আকারে গ্রথিত হলে কিছু-না-কিছু এ-রকম চিত্তবৃত্তির জন্ম দেয় না। যদি থাকে, তবে সে বস্তুকে চিত্রকাব্যের লেখকেরাও তাদের রচনার বিষয় করে না।<sup>৯</sup> কিন্তু অকবির কাব্যাকার বাচ্যসামর্থ্যবশে যে রসের সৃষ্টি হয়, তার প্রতীতি অতি দুর্বল। এবং এই দুর্বল রস-রচনাকেই নীরস চিত্রকাব্য বলা হয়।

বাচ্যসামর্থ্যবশেন....তথাবিধে বিষয়ে রসাদিপ্রতীতিরভবন্তী পরিদুর্বলা ভবতীত্যেনোপি প্রকারণে নীরসত্বং পরিকল্প্য চিত্রবিষয়ো ব্যবস্থাপ্যতে

অর্থাৎ যে-কোনো রস যা-কিছু পরিমাণে থাকলেই কাব্য হয় না। সহৃদয় কাব্যরসিকের চিন্তের রসপ্রতীতির প্রথম ধাপেও যা না পৌঁছে, তা কাব্য নয়, চিত্রকাব্য।

শক্তিহীন লেখকের রসসৃষ্টির প্রয়াস চিত্রকাব্য-রচনার একমাত্র কারণ নয়। অনেক নিবন্ধ কাব্যের আকার দিয়ে লেখা হয়, রস-সৃষ্টি যাদের লক্ষ্যই নয়। যাদের

৭ কেবলবাচ্যবাচকবৈচিত্র্যমাত্রাশ্রয়ণোপনিবন্ধমালেখ্যপ্রখ্যং যদাভাসতে তচ্চিত্রম্। ন তন্মুখ্যং কাব্যম্। কাব্যানুকরো হাসৌ।—ধন্যালোক, ৩।৪২, ৪৩

৮ এতচ্চ চিত্রং কবীনাং বিশৃঙ্খলগিরাং রসাদিতাৎপর্যমনপেক্ষ্যৈব কাব্যপ্রবৃত্তিদর্শনাদম্মাভিঃ পরিকল্পিতম্।—ধন্যালোক, ৩।৪১, ৪২

৯ যস্মাদবস্তুসংস্পর্শিতা কাব্যস্য নোপপদ্যতে। বস্তু চ সর্বমেব জগদ্ভাষ্যং কস্যচিদ্রসস্য চাস্তৎ প্রতিপদ্যতে। বিভাবত্বেন চিত্তবৃত্তিবিশেষা হি রসাদয়ঃ; ন চ তদন্তি বস্তু কিঞ্চিৎ যল্প চিত্তবৃত্তিবিশেষমুপজনয়তি, তদমুৎপাদনে বা কবিবিষয়ভেব তস্য ন স্যাৎ।—ধন্যালোক, ৩।৪১, ৪২

উদ্দেশ্য উপদেশ দেওয়া, প্রচার করা, মানুষের বুদ্ধির কাছে কোনো সত্যকে প্রকাশ করা। যেমন পোপের 'এসে অন্ ম্যান' কি কৃষ্ণচন্দ্র মজুমদারের 'সম্ভাবশতক'। এ-সব রচনাকে কাব্যের আকারে গড়াতে এদের মধ্যে যে দুর্বল রসাতাসের সৃষ্টি হয়, তার উদ্দেশ্য বাচ্য বা বক্তব্যকে কিঞ্চিৎ সরস করা মাত্র। রস এখানে উপায়, বক্তব্যই লক্ষ্য। মহাকবিরাও খেলাচ্ছলে মাঝে মাঝে এ-রকম চিত্রকাব্য রচনা করেন, যেমন রবীন্দ্রনাথের 'কণিকা'।

কানাকড়ি পিঠ তুলি কহে টাকাটিকে,  
 'তুমি ষোলো আনা মাত্র, নহ পাঁচ সিকে।'  
 টাক কয়, আমি তাই, মূল্য মোর যথা—  
 তোমার যা মূল্য তার ডের বেশি কথা।'

এর যা আবেদন, তা মানুষের চিন্তের কাছে নয়, মানুষের বুদ্ধির কাছে। কেবল বক্তব্যের চমৎকারিত্বে ও বাক্যের নিপুণতায় একে কাব্য বলে ভ্রম হয়। কিন্তু কবি যখন লিখলেন—

প্রাচীরের ছিদ্রে এক নামগোত্রহীন  
 ফুটিয়াছে ছোটো ফুল অতিশয় দীন—  
 ধিক্ ধিক্ করে তারে কাননে সর্বাই—  
 সূর্য উঠি বলে তারে, 'ভালো আছ ভাই?'

তখন বাচ্য স্পষ্টই বুদ্ধিকে ছাড়িয়ে রসের ধনিত্যে চিত্তকে ঘা দিলে। অকবির কাব্যসৃষ্টির প্রয়াস চিত্রকাব্যের রচনা করে। মহাকবির চিত্রকাব্য নিয়ে খেলাও কাব্য হয়ে ওঠে।

## ২

রসের যোগান যথেষ্ট না থাকলে কাব্য হয় না, সে কথা ঠিক, কিন্তু রস কি কাব্যের চরম লক্ষ্য? অনেক লোকের মন এ কথায় সায় দেয় না। তাঁরা বলেন শ্রেষ্ঠ কাব্যের শ্রেষ্ঠত্ব কেবল তার রসের ব্যাপকতা ও গভীরতায় নয়; ঐ রসসৃষ্টির ভিতর দিয়ে কবি যে মহত্তর ও বৃহত্তর জিনিস মানুষকে দান করেন, তারই মধ্যে। সে জিনিস কী, সে সম্বন্ধে মতের ঠিক ঐক্য নেই। কেউ বলেন, কবি রসের তুলিতে মঙ্গলকে মানুষের চিত্তে এঁকে দেন; কেউ বলেন, কবি সত্যকে রসের মূর্তিতে প্রকাশ করেন। তবে এ-সব মতেরই মনের কথা এই যে, রসবস্তুটির নিজের ওজন খুব বেশি নয়। এবং ঐ হালকা জিনিসই যদি কাব্যের চরম বস্তু হত, তবে কাব্য হত ছেলেখেলা, জ্ঞানীর উপাদেয় নয়। অর্থাৎ কাব্যের সুন্দরের আড়ালে সত্য ও শিব আছে বলেই কাব্যের শ্রেষ্ঠত্ব।

সভ্যতার সকল সৃষ্টিই সম্ভব হয়েছে, সমাজবন্ধন মানুষকে পশুত্ব থেকে যে মুক্তি দিয়েছে সেই মুক্তির জোরে। মানুষের কতকগুলি চিন্তবৃত্তির বিশেষ-বিশেষ প্রবণতার উপর সমাজের স্থিতি ও সমৃদ্ধি নির্ভর করে। কাব্যরসের মধ্য দিয়ে যারা মঙ্গলকে চান, একটু পরীক্ষা করলেই দেখা যাবে, তাঁরা চান যেন কাব্য এই-সব সামাজিক চিন্তবৃত্তিগুলির দিকে পাঠকের মনকে অনুকূল করে। কাব্যের কাছে সভ্যতার মূল ভিত্তির এই দাবি আলংকারিকেরা একেবারে উপেক্ষা করতে পারেন নি। তাঁরা কাব্যরসকে 'লোকান্তর' বলেছেন সত্য, কিন্তু এই অলৌকিক বস্তু লৌকিক জগতের কোনো হিতেই লাগে না, সমাজের বুকে থেকে এত বড়ো অসামাজিক কথা সোজাসুজি প্রচার করা তাঁরা যুক্তিযুক্ত মনে করেন নি। সুতরাং তাঁদের গ্রন্থারম্ভে অনেক আলংকারিক প্রমাণ করেছেন যে, কাব্য থেকে ধর্ম, অর্থ, কাম, মোক্ষ—চতুর্ভঙ্গফল প্রাপ্তি হয়।<sup>১০</sup> কাব্য কবিকে যশ ও অর্থ, সুতরাং সকল কাম্যবস্তু দান করে। কাব্যে যে-সব দেবতাস্তুতি থাকে, তারা ধর্মের সহায়, আর ধর্মের শেষ ফল মোক্ষ। কাব্য লোককে কৃত্যে প্রবৃত্তি ও অকৃত্যে নিবৃত্তি দেয়। কাব্য পাঠককে উপদেশ করে—রামাদিবৎ প্রবর্তিতব্যং ন রাবণাদিবৎ, রামের মতো পিতৃসত্য পালনের জন্য বনে যাওয়া উচিত, রাবণের মতো পরদারহরণ অনুচিত।<sup>১১</sup> তবে এ উপদেশ নীরস শাস্ত্রবাক্যের উপদেশ নয়, কান্তাসম্মিতয়োপদেশযুজে<sup>১২</sup>—কান্তার উপদেশের মতো সরস, অর্থাৎ অল্পমধুর উপদেশ।

কাব্যরসের এই ফলশ্রুতি যে আলংকারিকদের মনের কথা নয়, সমাজ ও সামাজিক লোকের সঙ্গে মুখের আপসের কথা, তার প্রমাণ, ও-সব কথা তাঁদের গ্রন্থারম্ভেই আছে, গ্রন্থের আলোচনার মধ্যে তাদের লেশমাত্রেরও খোঁজ পাওয়া যায় না। সেখানে তাঁরা বলেন—

বাঞ্ছনুরদুঃ একং হি রসং যল্লাভতৃষ্ণয়া

তেন নাস্য সমঃ স স্যাদদুহ্যতে যোগিভির্হি যঃ<sup>১৩</sup>

'কাব্যের বাঞ্ছনু থেকে যে রসদুঃ ক্ষরিত হয়, যোগীরা যে তত্ত্বরস দোহন করেন সেও তার সমান নয়।' অভিনবগুপ্ত রসের আস্থাদকে বলেছেন, পরব্রহ্মা-স্বাদসচিবঃ<sup>১৪</sup>—'পরব্রহ্মের আস্থাদের তুল্য আস্থাদ।' রসের স্বরূপ বলতে গিয়ে আলংকারিকেরা বলেছেন—

১০ চতুর্ভঙ্গফলপ্রাপ্তিঃ সুখাদল্লধিয়ামপি । কাব্যাদেব যতস্তেন তৎস্বরূপং নিরূপ্যতে ।

সাহিত্যদর্পণ, ১।২

১১ চতুর্ভঙ্গফলপ্রাপ্তিহি কাব্যতো রামাদিবৎ প্রবর্তিতব্যং ন রাবণাদিব দত্যাদি-কৃত্যাকৃত্য-প্রবৃত্তিনিবৃত্ত্যপদেশাধায়েণ সুপ্রতীতৈব ।—সাহিত্যদর্পণ, ১।২

১২ কাব্যপ্রকাশ ১৩ ভট্টনায়ক ১৪ ধন্যালোকলোচন, ২।৪

সত্ত্বোদ্বেকাদখণ্ডস্বপ্রকাশনন্দচিন্ময় ।

বেদান্তরম্পর্শশূন্যো ব্রহ্মাস্বাদসহোদরঃ॥১৫

‘রস এক ঘন-আনন্দ-স্বরূপ চেতনা; কোনো বিষয়ান্তরের সংস্পর্শে এর প্রবাহ বিচ্ছিন্ন নয়; যে রজঃ মানুষের কামনা ও কর্মপ্রবৃত্তির মূল, যে তমঃ তার চিন্তকে লোভ ও মোহে বদ্ধ ও আবৃত রাখে—তাদের সম্পূর্ণ অভিভূত করে সত্ত্বরূপে এর আবির্ভাব হয়। সুতরাং এর আস্থাদ ব্রহ্মের আস্থাদের সহোদর।’

বলা বাহুল্য, উপনিষদের ব্রহ্মসাক্ষাৎকারের বর্ণনার অনুকরণে আলংকারিকেরা রসের আস্থাদের এই বর্ণনা করেছেন। তাঁরা যে কাব্যরসিকের রসের আস্থাদকে যোগীর পরব্রহ্মসাক্ষাৎকারের তুল্য বলেছেন, তার অর্থ শুধু এই নয় যে, রস অতি শ্রেষ্ঠ বস্তু। ব্রহ্ম-সাক্ষাৎকারের আর কোনো অন্য ফল নেই। ব্রহ্মসাক্ষাৎলাভে কী লাভ হয়—এটা প্রশ্ন নয়, প্রলাপ। কারণ, আত্মলাভান্ন পরং বিদ্যতে—আত্মলাভের পর আর কিছু নেই। পুরুষান্ন পরং কিঞ্চিৎ সা কাষ্ঠা সা পরা গতিঃ—পরমপুরুষের সাক্ষাৎকারের পর কিছুই নেই; সীমার সেখানে শেষ, গতির সেখানে নিবৃত্তি। এই ব্রহ্মসাক্ষাৎকারের সঙ্গে রসের আস্থাদের তুলনা করে আলংকারিকেরা এই কথাই প্রকাশ করেছেন যে, রসের শ্রেষ্ঠত্ব বিষয়ান্তরনিরপেক্ষ। আর কোনো কিছুর উপায় হিসাবে রসের মূল্য নয়। যেমন ব্রহ্ম-সম্বন্ধে তেমনি রসের সম্বন্ধে ‘ততঃ কিম্’ এ প্রশ্ন অর্থহীন। ব্রহ্ম সাক্ষাৎলাভে মানুষের সামাজিক জীবনের উপকার কী হয় এ অনুসন্ধানও যেমন, কাব্য সংসার ও সমাজের কতটা কাজে লাগে এ জিজ্ঞাসাও তেমনি। কাব্যকে উপদেষ্টার পদে দাঁড় না করিয়ে যাঁরা তার মূল্য দেখতে পান না, ‘দশরূপক’-এর সাহসী লেখক তাঁদের বলেছেন ‘অল্পবুদ্ধি সাধুলোক’।

আনন্দনিস্যন্দিয়ু রূপকেষু

ব্যুৎপত্তিমাত্রং ফলমল্পবুদ্ধিঃ ।

যোহপীতিহাসাদিবদাহ সাধুঃ ।

তস্মৈ নমঃ স্বাদপরাভুমুখায়॥১৬

‘আনন্দনিস্যন্দী নাট্যের ফলও যাঁরা ইতিহাস প্রভৃতির মতো সাংসারিক জ্ঞানের ব্যুৎপত্তি মাত্র বলেন, সেই-সব অল্পবুদ্ধি সাধুদের নমস্কার। রসের আস্থাদ কী, তা তাঁরা জানেন না।’

## ৩

আজকের দিনের মানুষের কাছে সমাজবন্ধন ও সমাজব্যবস্থা খুব বড়ো হয়ে উঠেছে। এত বড়ো, যেন মনে হয়, মানুষের সমস্ত চেষ্টা ও সব সৃষ্টির ঐ হচ্ছে চরম লক্ষ্য। যে সৃষ্টি ঐ বন্ধন ও ব্যবস্থার প্রত্যক্ষ বা পরোক্ষ কোনো কাজে লাগে না, তার যে কোনো মূল্য আছে সে কথা ভাবা অনেকের পক্ষে কঠিন হয়েছে। এ মনোভাব খুব প্রাচীন নয়। গত শ-দেড়েক বছর হল পশ্চিম ইউরোপের লোকেরা কতকগুলি কল-কৌশলকে আয়ত্ত করে মানুষের নিত্য ঘরকন্না ও সমাজব্যবস্থার যে দ্রুত পরিবর্তন ঘটিয়েছে—তাতেই এ মনোভাবের জন্ম। এর আশ্চর্য সফলতায় সমাজ ও জীবনযাত্রার কাম্য থেকে কাম্যতর পরিবর্তনের এক অবাধ ও সীমাহীন আদর্শের ছবি মানুষের চোখের সামনে ফুটে উঠেছে। লোকের ভরসা হয়েছে এই পরিবর্তনশীল সমাজব্যবস্থা একদিন, এবং সেদিন খুব দূর নয়, সমস্ত মানুষকে দুঃখলেশহীন সকল রকম সুখসৌভাগ্যের অধিকারী করে দেবে। এবং সংসার ও সমাজ থেকে মানুষের প্রাপ্তির আশা যত বেড়েছে, মানুষের 'তনু মন ধন'-এর উপর এদের দাবিও তত বেড়েছে। কবির রসসৃষ্টির শক্তি এই সংসার ও সমাজের মঙ্গলে নিজেকে ব্যয় করেই সার্থক হয়, এ কথা আর অসংগত মনে হয় না।

প্রাচীন আলংকারিকদের সামনে আশার এই মরীচিকা ছিল না। তখনকার জ্ঞানী লোকেরা জন্মজরামৃত্যুগ্রস্ত সংসারকে মোটের উপর দুঃখময় বলেই জানতেন। একে মছন করে যে দু-এক পাত্র অমৃত উঠেছে, তার অমৃতত্ব যে আবার ঐ সংসারের মঙ্গলসাধনে—এ কথা তাঁরা মানতে চান নি। কাব্যের রসকে তাঁরা সংসারবিষবৃক্ষের অমৃত ফল বলেই জানতেন। আজ যদি আমরা সংসারকে দুঃখময় বলতে মনে দুঃখ পাই, তবুও এ কথা অস্বীকার করা যায় যে, গাছের ফলের কাজ তার মূলকে পরিপুষ্ট করা নয়। কাব্য মানুষের যে সত্যতাবৃক্ষের ফল, তার মূল মাটি থেকে রস টানে বলেই ও-গাছ অবশ্য বেঁচে থাকে। এবং মূল যদি রস টানা বন্ধ করে, তবে ফল ধরাও নিশ্চয় বন্ধ হবে। কিন্তু নিতান্ত বুদ্ধিবিপর্যয় না ঘটলে, মূলের কাজে ফলের কতটা সহায়তা তা দিয়ে তার দাম যাচাইয়ের কথা কেউ মনে ভাবে না। সেই ফলই কেবল গাছের পুষ্টিসাধন করে যা মুকুলেই ঝরে যায়।

লৌকিক জীবনের উপর যে কাব্যরসের ফল নেই, তা নয়। কিন্তু সে ফল ঐ জীবনের পুষ্টিতে নয়, তা থেকে মানুষের মুক্তিতে। লৌকিক জীবনের লৌকিকত্বকে কাব্যরসের অলৌকিক ধারায় অভিসিদ্ধিগত করে।



অন্তর হতে আহরি বচন  
 আনন্দলোক করি বিরচন,  
 গীতরসধারা করি সিঞ্চন  
 সংসারধুলিজালে ।....  
 ধরণীর তলে, গগনের গায়,  
 সাগরের জলে, অরণ্যছায়,  
 আরেকটুখানি নবীন আভায়  
 রঙিন করিয়া দিব ।  
 সংসারমাঝে দু-একটি সুর  
 রেখে দিয়ে যাব করিয়া মধুর,  
 দু-একটি কাঁটা কবি দিব দূর—  
 তার পরে ছুটি নিব ।

‘পুরস্কার’-এর কবির এই কবি-কথা আলংকারিকদের মনের কথা ।

কিন্তু কবি তো কেবল কাব্যস্রষ্টা নন, তিনিও সামাজিক মানুষ । মানুষের যে সুখ-দুঃখ আশা-নিরাশা প্রণয়-হিংসা তাঁর কাব্যের বিষয়, তাদের কেবল রসসৃষ্টির উপাদানরূপে দেখা সব সময়ে তাঁর পক্ষেও সম্ভব হয় না । কবির মধ্যে যে সামাজিক মানুষ আছে, সে মানুষের সামাজিক ভালোমন্দ আশানিরাশার বিচার থেকে কাব্যকে একেবারে নিরপেক্ষ থাকতে দেয় না । রসসৃষ্টির যেখানে চরম অভিব্যক্তি সেখানে কবির এই সামাজিকতা ঢাকা পড়ে যায়, যেমন শেক্সপীয়রের নাটকে । যেখানে কবির সামাজিকতা প্রবল, কিন্তু রসসৃষ্টির প্রাচুর্যকে ব্যাহত করে না, সেখানে ঐ সামাজিকতাকে একটা উপরি-পাওনা হিসাবে গণ্য করা চলে, যেমন টলস্টয়ের ‘বিগ্রহ ও শান্তি’ । যেখানে উৎকট সামাজিকতাকে রসসৃষ্টির শক্তি সংবরণ করে রাখতে পারে না, সেখানে তা রসের প্রবাহকে বিচ্ছিন্ন করে কাব্যত্বের লাঘব ঘটায়, যেমন রম্যা রলার ‘জ্যা ক্রিস্‌তফ’ ।

কাব্যের কাজ যে সত্যকে সুন্দরের মূর্তি দেওয়া—এটা ঊনবিংশ শতাব্দীর আবিষ্কার এবং ঐ শতাব্দীর বৈজ্ঞানিক আবিষ্কারগুলির একটা গৌণ ফল । বিজ্ঞান তখন নানা দিকে যে-সব বিচিত্র সত্যের আবিষ্কার করেছে ও তার কতকগুলিকে ঘরকন্নার কাজে লাগিয়ে জীবনযাত্রার যে নূতন ভঙ্গি দিয়েছে, তাতে সত্য ও সত্যানুসন্ধানের উপর মানুষের অসীম শ্রদ্ধা জন্মেছে । সত্যের এই ‘প্রেষ্টিজ’ দিয়ে সকল রকম দুনিয়ার পাঠক এক হও! ~ www.amarboi.com ~

মানসিক সৃষ্টির 'শ্রেষ্টিজ' বাড়ানোর ইচ্ছা খুব স্বাভাবিক এবং ঐ ইচ্ছা কাব্যরসিকদের মগ্ন—সুতরাং মূল—চৈতন্যের মধ্যে কাজ ক'রে এই মতটির সৃষ্টি করেছে। কবি কীটস্ সত্য ও সুন্দরের যে অদ্বৈতবাদ প্রতিষ্ঠা করেছেন, সে এই বৈজ্ঞানিকযুগের কবি-প্রতিনিধি হিসাবে। নইলে শুদ্ধ কবির চোখ থেকে এ সত্য কিছুতেই গোপন থাকে না যে, সত্য কাব্যের লক্ষ্য নয়, কাব্যের উপাদান। বস্তুনিরপেক্ষ রস নেই, এবং বস্তুকে সত্যদৃষ্টিতে দেখার উপর রসের সৃষ্টি অনেকটা নির্ভর করে। রস ও সত্যের এই সত্যসম্বন্ধে লোকের দৃষ্টি বিভ্রম ঘটে বৈজ্ঞানিক মায়ায়। কবি রসের ছলে উপদেশ দেন এ কথা যেমন অযথার্থ, কাব্য রসের সাজে সত্যকে প্রকাশ করে এও তেমনি অসত্য। শিল্পী তার মূর্তির মধ্য দিয়ে পাথরকে প্রকাশ করে, এ কথা কেউ বলে না। কিন্তু কবি কাব্যের মধ্য দিয়ে সত্যের বিকাশ করেন, এ কথা যে কাব্যরসিকেও বলে তার কারণ—এই বৈজ্ঞানিক যুগে সত্যের আইডিয়াকে ঘিরে মানুষের মনের 'ভাবে'র সৃষ্টি হয়েছে। এবং এই 'ভাব'কেই রসমূর্তি দিয়ে অনেক কবি কাব্য রচনা করেছেন। এ ভাব ও রস নূতন। এবং নূতনের প্রথম আবির্ভাবে তাকে মন জুড়ে বসতে দেওয়া মানুষের স্বাভাবিক মনোধর্ম।

৫

যুগে যুগে মানুষের এই মনে যে-সব নূতন ভাবসৃষ্টি, কবিরা তাঁদের কাব্যে সেই-সব যুগভাবকে রসে রূপান্তর করেন। মানবমনের যেগুলি চিরন্তন 'স্থায়ী' ভাব, সকল যুগের কাব্যের তারাই প্রধান অবলম্বন। কিন্তু যে-সব 'সঞ্চারী' কাব্যের রসকে গাঢ় করে, মানুষের বিচিত্র জীবন-প্রবাহ তাদের নব নব সৃষ্টি করে চলেছে। যুগে যুগে যে-সব 'সঞ্চারী ভাব' জন্মালাভ করে, প্রতি যুগের কাব্যরসিকের মন তাদের রসমূর্তির জন্য উন্মুখ থাকে। যে কবির কাব্যে এই নবীন ভাব নূতন রসে পরিণত হয়, তিনিই সে যুগের 'আধুনিক' কবি। পুরাতন রসও এই নূতন অনুপানে নবত্ব লাভ করে।

কাব্যের বাণী তাতেই প্রাচীন হয়েও পুরাতন হয় না। যুগের পর যুগ রসের নূতন সৃষ্টি চলতে থাকে।

অতো হন্যতমেনাপি প্রকারেণ বিভূষিতা।

বাণী নবত্বমায়াতি পূর্বার্থান্বয়বত্যাপি।<sup>১৭</sup>

'পূর্বতন কবিদের প্রাচীন বাণীও নূতন ভঙ্গিমার আভরণে নবীনত্ব লাভ করে।' জীবন যে-সব নূতন 'ভাবে'র জন্ম দিচ্ছে, তাদের রসের মূর্তি গড়ার শিল্পীর যদি অভাব না হয় তবে নূতন কাব্যসৃষ্টিরও বিরামের আশঙ্কা নেই।

ন কাব্যার্থবিরামোহন্তি যদি স্যাৎ প্রতিভাশুভঃ ।<sup>১৮</sup>

কারণ—

বাচস্পতিসহস্রাণাং সহস্রৈরপি যত্নতঃ ।

নিবন্ধাপি ক্ষয়ং নৈতি প্রকৃতির্জগতামিবা<sup>১৯</sup>

‘যেমন জগৎপ্রকৃতি কল্পকল্পান্তর বিচিত্র বস্তুপ্রপঞ্চের সৃষ্টি ক’রে চলেছে, তবুও তার নূতন সৃষ্টির শেষ নেই, তেমনি সহস্র সহস্র বাণীসম্রাট কবির রসসৃষ্টিতেও রসের নূতন সৃষ্টি শেষ হয় না, কেননা, মানবমনের ‘ভাবে’র সৃষ্টির শেষ নেই।’

কিন্তু জীবন যেমন নূতন ‘সঞ্চরী ভাবে’র সৃষ্টি করে, পুরাতন ‘সঞ্চরী ভাবে’র তেমন ধ্বংসও করে। যে-সব মনের মৌলিক উপাদান নয়, জটিল যৌগিক সৃষ্টি— জীবনের বিশেষ পারিপার্শ্বিকের মধ্যে তাদের জন্ম হয় এবং তার পরিবর্তনে এদের বিলোপ ঘটে। এরা হচ্ছে মনের ‘আনস্টেব্ল্ কম্পাউন্ড’। সেইজন্য প্রাচীন কবিদের কাব্যের অনেক অংশ আমাদের মনের রসের তারে ঠিক তেমন ঘা দেয় না, যা তা প্রাচীনদের মনে নিশ্চয় দিত। যে ভাবের উপর সে রসের প্রতিষ্ঠা ছিল, আমাদের মন থেকে সে ভাব একেবারে লোপ না হলেও ঠিক তেমনটি নেই। এ কথা কি অস্বীকার করা চলে যে, মধ্যযুগের খ্রীষ্টান কাব্যরসিক দান্তের ‘ডিভাইন কমিডি’তে যে রস পেতেন এ যুগের খ্রীষ্টান অখ্রীষ্টান কোনো কাব্যরসিক ঠিক সে রস পান না। ও কাব্যে যেটুকু ‘স্থায়ী ভাবে’র রসে রূপান্তর, মাত্র সেইটুকুর আনন্দই আমরা পাই। ওর যে ‘সঞ্চরী’র আনন্দ মধ্যযুগের কাব্যপাঠকেরা পেত, তা থেকে আমরা বঞ্চিত।

যেমন প্রাচীন যুগের অনেক কাব্য আমাদের মনে আর রস জোগায় না, তেমনি আমাদের নবীন যুগের অনেক কাব্যও আমাদের যে রস দেয়, ভবিষ্যদ্বংশীয়েরা তা থেকে ঠিক সে রস পাবে না। কারণ তাদের ভাবজগৎ ঠিক আমাদের থাকবে না। একটা চরম দৃষ্টান্ত নেওয়া যাক—

মনে হল, এ পাখার বাণী

দিল আনি

শুধু পলকের তরে

পুলকিত নিশ্চলের অন্তরে অন্তরে

বেগের আবেগ।

পর্বত চাহিল হতে বৈশাখের নিরুদ্দেশ মেঘ;

তরুশ্রেণী চাহে পাখা মেলি  
মাটির বন্ধন ফেলি  
ওই শব্দরেখা ধ'রে চকিতে হইতে দিশাহারা,  
আকাশের খুঁজিতে কিনারা।

...  
শুনিতেছি আমি এই নিঃশব্দের তলে  
শূন্যে জলে স্থলে  
অমনি পাখার শব্দ উদ্দাম চঞ্চল।  
তৎদল  
মাটির আকাশ-পরে ঝাপটিছে ডানা,  
মাটির আঁধার-নীচে কে জানে ঠিকানা—  
মেলিতেছে অঙ্কুরের পাখা  
লক্ষ লক্ষ বীজের বলাকা।

এই অদ্ভুত কাব্য আধুনিক-কাব্যরসিকের চিন্তের প্রতি অণুকে যে রসের আবেশে আবিষ্ট করে, তার একটা প্রধান উপাদান—‘গতি’ ও ‘বেগ’ এ যুগের লোকের মনে যে ‘ভাবের’ আবেগের সৃষ্টি করেছে। ‘অলক্ষিত চরণের অকারণ অবারণ চলা’ যে আজ কবিকে ‘উতলা’ করেছে—তার মূলে আছে এ যুগের মানুষের মনে বিশ্বপ্রকৃতির একটা বিশেষ রূপকল্পনা। এ ভাব ও কল্পনা যে মানুষের মনে চিরস্থায়ী হবে, তা মনে করার কারণ নেই। বিশ্বপ্রকৃতিকে আজ মানুষ যে চোখে দেখছে, সে দেখার যখন বদল হবে তখন এ ভাব ও কল্পনারও বদল হবে। ‘বলাকা’র ‘ঋগ্গমদরসে মত্ত’ পাখার ধ্বনিতে আমাদের চিন্তে যে রসের বিশ্বয় জাগছে, সেদিনের কাব্যরসিকেরা তার অর্ধেকেরও আনন্দ জানবে না। আমাদের অনাস্বাদিত কোন্ কাব্যরসের আনন্দ তারা পাবে, তা নিয়ে তাদের হিংসা করব না। এ কাব্যের পূর্ণ আনন্দ থেকে বঞ্চিত হওয়ার ক্ষতি তাদের পূরণ হবে কি না, কে জানে।

প রি শি ষ্ট

## সাহিত্য

সভাপতির অভিভাষণ : রংপুর সারস্বত সম্মেলন : ফাল্গুন ১৩৪৭

উপনিষদদের গল্পে আছে, ব্রহ্মনিষ্ঠ ঋষি গৃহস্থশ্রম ছেড়ে পবজ্যা নেবার ইচ্ছায় নিজের ধনসম্পত্তি তাঁর দুই পত্নীকে ভাগ করে দেবার সংকল্প জানালে এক পত্নী জিজ্ঞাসা করলেন, বিত্তপূর্ণ সমস্ত পৃথিবী যদি আমি পাই, তাতে কি অমৃতলাভ করব? ঋষি উত্তর দিলেন—না, অন্য সম্পত্তিশালী লোকের মতো সুখে জীবন কাটাবে, বিত্ত দিয়ে তা কখনো অমৃতত্ব পাওয়া যায় না। মৈত্রেয়ীর বিখ্যাত প্রত্ন্যুত্তর সকলের জানা আছে—যেনাহং নাম্তা স্যাং কিমহং তেন কুর্যাম্—যা দিয়ে অমৃতত্ব না পাব, তাতে আমার কী প্রয়োজন। ঋষির অন্য পত্নী কাত্যায়নী স্বামীর প্রস্তাবে কী বলেছিলেন না-বলেছিলেন, উপনিষদে তার খবর নেই। নিশ্চয় অমৃতত্ব পাওয়া যায় না বলে ধনসম্পত্তি তুচ্ছ, এ কথা তিনি মনে করেন নি।

যাজ্ঞবল্ক্যের দুই স্ত্রী কাত্যায়নী ও মৈত্রেয়ী মানুষের সভ্যতার দুই মূর্তির প্রতীক। পৃথিবীর অন্য-সব জীবজন্তুর মতো শরীর ও মন নিয়ে মানুষ। এবং তাদের মতোই মানুষের মনের বড়ো অংশ ব্যয় হয় শরীরের প্রয়োজনে। আমরা যাকে সভ্যতা বলি তার বেশির ভাগ এবং অনেক সভ্যতার প্রায় সমস্তটা শরীরের প্রয়োজন ও বিলাসের দাবি মেটাবার কৌশল। ঘরবাড়ি, পোশাক পরিচ্ছদ, অস্ত্রশস্ত্র, রেলস্টিমার, মোটর-এরোপ্লেন, টেলিফোন-রেডিয়ো, কলকজা, কৃষি-বাণিজ্য—মুখ্যত এই কৌশল ছাড়া কিছু নয়। এদের আবিষ্কারে মানুষের যে বুদ্ধি অর্থাৎ মন কাজ করেছে, তার শক্তি ও জটিলতা বিস্ময়কর। কিন্তু তার লক্ষ্য সেই-সব প্রেরণার লক্ষ্য থেকে ভিন্ন নয়, যাতে পাখিরা বাসা বাঁধে, মাকড়সা শিকার ধরার আশ্চর্য কৌশল দেখায়, হাঁসের দল প্রতি শীতে উত্তর-ইউরোপ থেকে বাংলার পদ্মার চরে পথ না ভুলে পৌঁছে যায়। কিন্তু সভ্যতার এই কাত্যায়নী-মূর্তি তার সমগ্র চেহারা নয়। পৃথিবীতে প্রাণের আবির্ভাব আজও অজ্ঞাত রহস্য। তার চেয়ে গূঢ় রহস্য প্রাণীর শরীরে মনের বিকাশ। প্রাণের রক্ষা ও পুষ্টিতে মন যে পরম সহায় এবং সে কাজে তার চেষ্টি যে ব্যাপক ও বিচিত্র—এ অতি স্পষ্ট। এবং মনকে প্রাণের যন্ত্রমাত্র কল্পনা ক'রে জটিলকে সহজবোধ্য করার প্রলোভনও স্বাভাবিক। কিন্তু এ তথ্যও স্পষ্ট যে, প্রাণের কাজে ব্যয় হয়েই মন নিঃশেষ হয় না। মানুষের এই অবশেষ মন শরীর ও প্রাণের প্রয়োজনে নয়, অন্য এক প্রেরণায় এক শ্রেণীর সৃষ্টি ক'রে চলেছে, যার লক্ষ্য মনের নিজের তৃপ্তির ও আনন্দ ছাড়া আর কিছু নয়। প্রাণ ও শরীরের যা প্রয়োজনে লাগে

তাই যদি হয় লৌকিক, মনের এ সৃষ্টি অলৌকিক। সে প্রয়োজন মেটাবার যে চেষ্টা তাই যদি হয় কাজ, মনের এ সৃষ্টি খেলা মাত্র। লীলা নাম দিলে হয়তো ভদ্র ও গভীর শোনায়, কিন্তু স্বরূপের বদল হয় না।

খেলাই হোক আর লীলাই হোক, সভ্যতার এই মৈত্রেয়ী-মূর্তি তার অন্য মূর্তির মতোই স্বাভাবিক। শরীর ও প্রাণের প্রয়োজনে মানুষের মনের যে প্রকাণ্ড সৃষ্টি, তাকে যদি বিনা প্রশ্নে স্বাভাবিক বলে মেনে নেওয়া চলে, তবে মনের নিজের তৃপ্তি ও আনন্দের প্রয়োজনে তার যে সৃষ্টি, তাকেও সমান স্বাভাবিক বলে মেনে নিতে কোনো বাধা নেই। মনের এই খেলার বীজ পশুপক্ষীর মধ্যেও আছে। আধুনিক প্রাণীবিজ্ঞানীদের চোখে ধরা পড়েছে পশুপক্ষীদের গতিবিধি সবই তাদের শরীরের প্রয়োজনে নয়। তাদের এমন-সব চেষ্টা আছে, যার ফল কেবল মনের তৃপ্তি ও আনন্দ। পশুপক্ষীর মনের তুলনায় মানুষের মন বিরাট; সুতরাং সে মনের লৌকিক সৃষ্টিও যেমন বিশাল, অলৌকিক সৃষ্টিও তেমনি বিচিত্র।

২

আমরা যাকে সাহিত্য বলি, তা সভ্যতার এই মৈত্রেয়ী-মূর্তির এক দিক। যেমন তার অন্য নানা দিক—ছবি, ভাস্কর্য, সংগীত, কর্ম-গন্ধহীন শুদ্ধ জ্ঞানের চর্চা। সাহিত্যের এই জন্মকথা স্মরণে রাখলে তার স্বরূপ ও আদর্শ নিয়ে যে-সব বিচারবিতর্ক, তার আলোচনা ও সমাধানের সুবিধা হয়। আধুনিক কালে নানা আকারে এ প্রশ্ন উঠেছে যে, সাহিত্যের কী লক্ষ্য। সামাজিক জীবনের পুষ্টি ও মঙ্গল কি তার লক্ষ্য, না তার কাজ কেবল মনকে একরকম আনন্দ দেওয়া, যার নাম সাহিত্যিক আনন্দ? আর, যদি তাই হয় তবে সে বস্তুর মূল্য কী। প্রাচীন কালেও যে এ তর্ক ওঠে নি তা নয়। আমাদের দেশের আলংকারিকদের এক দল বলেছেন যে, কাব্যের উদ্দেশ্য লোককে কর্তব্য-অকর্তব্যের উপদেশ দেওয়া, যেমন রামায়ণ উপদেশ দেয় যে, রামের মতো হবে, রাবণের মতো নয়। কিন্তু কাব্যের উপদেশ গুরুমহাশয়ের শুষ্ক উপদেশ নয়, কান্তার উপদেশের মতো মধুর উপদেশ। আশা করা যায় এই সৌভাগ্যবান আলংকারিকদের প্রিয়বাদিনী কান্তারা সব সময় মধুর বাক্যই উপদেশ দিতেন। যা হোক, এঁদের কথা এই যে, কাব্য সৃতিশাস্ত্রের মতো উচিত-অনুচিত জানিয়ে দেয় না, এমন চিত্র ও চরিত্রের সৃষ্টি করে যাতে পাঠকের মন মঙ্গলের দিকেই উন্মুখ ও অমঙ্গলের দিকে বিমুখ হয়। এবং সেই কাজই কাব্যের লক্ষ্য। এ মতকে উপহাস করে অন্য-দল আলংকারিক, যেমন দশরূপকের লেখক ধনঞ্জয় বলেছেন যে, যাঁরা অমৃতনিস্যন্দী কাব্যেও উপদেশ খোঁজেন তাঁরা সাধুলোক, কিন্তু অল্পবুদ্ধি। অর্থাৎ

কাব্যের লক্ষ্য—পাঠককে কাব্যপাঠের যে বিশেষ আনন্দ সেই আনন্দ দেওয়া, আর কিছু নয়।

এই মতবিরোধের আলোচনায় প্রথমেই একটি কথা মনে রাখা দরকার, যা স্বতঃসিদ্ধ, কিন্তু এ প্রসঙ্গে যা সব সময় মনে থাকে না। সাহিত্য কি কাব্য, মতবাদীদের কল্লিত কোনো বস্তু নয়। সাহিত্যিক ও কবির প্রতিভা যা সৃষ্টি করে এবং সাহিত্য ও কাব্য বলে বিদগ্ধসমাজে যা গ্রাহ্য হয়, সেই বস্তুর প্রকৃতি ও লক্ষ্য নিয়েই আলোচনা। এ কথা মনে রেখে বিচার করলে সহজেই দেখা যায়, শ্রেষ্ঠ সাহিত্য ও কাব্য বলে যা স্বীকৃত, তাদের মধ্যে এমন অনেক আছে, সামাজিক মঙ্গলের লক্ষ্য যার মধ্যে কিছুতেই খুঁজে পাওয়া যাবে না। রামায়ণ কি মহাভারতের কবির লক্ষ্য ছিল সমাজের মঙ্গল, এ তর্ক তোলা কঠিন নয়। রঘুবংশ কি শকুন্তলায় এ লক্ষ্য আবিষ্কার করাও হয়তো অসম্ভব নয়। কিন্তু ঋতুসংহার ও মেঘদূতও তো কাব্য। ভরসা করা যায়, এ কথা কেউ বলবে না যে, যক্ষের বিরহবর্ণনায় কালিদাসের উদ্দেশ্য ছিল উপরওয়ালার সঙ্গে উদ্ধত ব্যবহার থেকে লোকদের নিবৃত্ত করা, এবং মেঘদূত-পাঠের ফল সেই উপদেশ-লাভ। কাদম্বরী কি Alice in Wonderland-এর কী উপদেশ। 'My heart aches, and a drowsy numbness pains my sense', 'হৃদয় আমার নাচে রে আজিকে ময়ূরের মতো নাচে রে'—কোন উপদেশ বা মঙ্গল এদের লক্ষ্য? মোট কথা, সাহিত্য ও কাব্যের লক্ষ্য সমাজহিত, তবে খুব মনোরম ছলে, এ মত সত্যিকারের কাব্যপরীক্ষার ফল নয়; তথ্য থেকে চোখ ফিরিয়ে একটি মনগড়া তত্ত্ব।

এর উত্তরে বলা চলে যে, এগুলি ব্যতিক্রম। হিতকে মনোহারী করাই কাব্য ও সাহিত্যের লক্ষ্য। কিন্তু মনোহরণের কৌশলটা খুব সার্থক হলে তার জোরেই রচনা কাব্য ও সাহিত্য বলে চলে যায়; মধুর আধিক্যে ভিতরে যে ঔষধ নেই, সে দিকে লক্ষ্য থাকে না। এই হিতবাদ, যাদের বলে প্রাচীনপন্থী তাঁদের মধ্যেই আবদ্ধ নয়। হিতবাদী যদি সামাজিক ব্যাপারে হন স্থিতির পক্ষপাতী, তাঁর আদর্শ সাহিত্যের নাম সৎ-সাহিত্য; আর তিনি যদি হন পরিবর্তন বা গতির পক্ষে, তাঁর আদর্শ সাহিত্যের নাম প্রগতি-সাহিত্য। কিন্তু স্থিতিবাদী ও গতিবাদী সাহিত্য বিচারে দু-জনার দৃষ্টিভঙ্গি এক—'যার লক্ষ্য ও ফল সামাজিক মঙ্গল নয়, তা যথার্থ শ্রেষ্ঠ সাহিত্য নয়'।

সুতরাং এ প্রশ্ন তুলতেই হয়, মানুষের মনের সমস্ত চেষ্টার লক্ষ্য কেন হবে সমাজের মঙ্গলসাধন। পরীক্ষা করলে দেখা যাবে যে, সামাজিক মঙ্গল প্রত্যক্ষে বা পরোক্ষে শেষ পর্যন্ত মানুষের শরীর ও প্রাণের রক্ষা ও পুষ্টি। শরীর ও প্রাণের প্রতি দুনিয়ার পাঠক এক হও! ~ www.amarboi.com ~

যে মায়া, আমাদের মীমাংসকদের ভাষায়, তা রাগপ্রাপ্ত—অর্থাৎ তা স্বভাবতই আছে, কোনো যুক্তি ও উপদেশের তা ফল নয়। পশুপক্ষী ও মানুষে তা সমান। এই মায়ার প্রেরণায় মানুষের মনের যা-সব সৃষ্টি, তার চরম মূল্য-স্বীকারে আমাদের কোনো দ্বিধা নেই। কারণ, সেই সৃষ্টিতেই মানুষের সভ্যজীবনযাপন সম্ভব হয়েছে। মনের অন্য কোনো সৃষ্টির যদি মূল্যও থাকে, এ সৃষ্টির ভিত্তি ছাড়া তা অসম্ভব। মৈত্রেয়ীকে নিয়ে বনে যাওয়া চলে, কিন্তু কাত্যায়নীকে ছেড়ে ঘরকন্যা চলে না। কিন্তু মানুষের মন যে কেবল মনের তৃপ্তি ও আনন্দের জন্যই সৃষ্টি করে, এও তো স্বাভাবিক; কারণ, এ-রকম সৃষ্টি মানুষ করেছে ও করছে। তবে বলতে হয়, যেমন সভ্য সমাজের মঙ্গলের জন্য মানুষের অনেক স্বাভাবিক প্রবৃত্তিকে দমন করতে বা তাদের মুখ ঘোরাতে হয়েছে, সেই মঙ্গলের জন্যই এই আত্মতুষ্ট সাহিত্যিক প্রবৃত্তির মুখ ঘুরিয়ে শরীর ও প্রাণের হিতে তার নিয়োগ হওয়া উচিত।

এই মতকে প্রচ্ছন্ন জড়বাদ কি দেহসর্বস্ববাদ নাম দিয়ে হেয় করার চেষ্টায় লাভ নেই। কিন্তু প্রাণের উপর স্বাভাবিক মায়ায় তার মঙ্গলের উপায়ের নিঃসংশয় মূল্যবোধ ছাড়া এ মতের অন্য কোনো ভিত্তিও নেই। সামাজিক মঙ্গল কেন কাম্য সে প্রশ্ন এ তোলে না, মেনে নেয়। তাই কেন একমাত্র কাম্য সে প্রশ্নও তোলে না, মেনে নেয়। অর্থাৎ উপায় নিয়ে তর্ক চলে, উদ্দেশ্য নিয়ে চলে না। কোনো কিছু অন্য-কিছুর সদুপায় কি না এটা তর্কের কথা; কারণ, প্রমাণের বিষয়। কিন্তু কোনো জিনিস তার নিজেদের জন্যই কাম্য কি না এটা প্রমাণের বিষয় নয়, রুচির কথা। অন্য উদ্দেশ্য-নিরপেক্ষ সাহিত্যিক আনন্দ কাম্য কি না, তা মন কাম্য বলে জেনেছে, তার কাছেই কাম্য—যমৈবেষ বৃগুতে তেন লভ্যঃ। সে বোধ যার মনে নেই, তার কাছে প্রমাণ করা বাবে না। সাহিত্যিক আনন্দ যে সেই আনন্দে শেষ হয়েই অমূল্য, আলংকারিকদের ভাষায়, মনের অনুভূতি ছাড়া তার অন্য প্রমাণ সম্ভব নয়—সচেতসামনুভবঃ প্রমাণং তত্র কেবলম্।

৩

এ আলোচনায় তর্কের মুখ যদি বন্ধ হয়, মনের সংশয় কিন্তু ঘোচে না। তার কারণ, সাহিত্যিক সৃষ্টি ও সামাজিক জীবন, সব সময়ে এদের ভেদ মনে রাখা কঠিন। লৌকিক ও সামাজিক জীবনই সাহিত্যের সৃষ্টির উপকরণ। সুতরাং সাহিত্যিক সৃষ্টি চলে লৌকিক মন ও সামাজিক জীবনের পাশাপাশি। এবং সে সৃষ্টির প্রভাব যে মন ও জীবনের উপর মাঝে মাঝে পড়বে তা স্বাভাবিক। ভারতবর্ষের



হিন্দুর সামাজিক মনের উপর রামায়ণের কাহিনী ও চরিত্রের প্রভাব অস্বীকার করা চলে না। এ যুগের শিক্ষিত বাঙালি নরনারীর মন ও সমাজের উপর রবীন্দ্রনাথের কাব্যের প্রভাব স্বীকার করতে হয়। এবং সাহিত্যিকেরা কেবল সাহিত্যিক নন, তাঁরাও সামাজিক মানুষ। সমাজের সুখদুঃখ আশানিরাশা উপকরণরূপে তাঁদের সাহিত্যিক মনকেই কেবল উদ্বুদ্ধ করে না, তাদের সামাজিক মনকেও নাড়া দেয় এবং এই সামাজিক মনের প্রভাব অনেক সাহিত্যে ও কাব্যে তার ছাপ রেখে যায়। যাদের মনের সাহিত্যবোধ প্রখর নয়, এবং যাদের মনের সামাজিকতা অত্যন্ত প্রখর, তারা সাহিত্যের এইসব গৌণ ফলকেই তার মূল লক্ষ্য মনে করে; যে সাহিত্য থেকে এই সামাজিক ফল লাভের সম্ভাবনা নেই, অবসর-বিনোদনের সাহিত্য নাম দিয়ে প্রমাণ করে জিনিসটা হালকা। অবসর বস্তুটা কেন খারাপ, আর তার বিনোদন কেন দোষের, কাজের লোকের সে প্রশ্ন মনে আসে না। মার্কস্পন্থীরা হয়তো বলবে, নিচু শ্রেণী যাতে অসূয়া না করে উঁচু শ্রেণীর জন্য ভূতের বেগার খেটে যায়, তার অনুকূলেই এ মনোভাবের সৃষ্টি।

সমাজ ও সাহিত্যের এই যোগাযোগের সাহিত্যবিচারে অনেক বিপত্তির সৃষ্টি করে। আধুনিক কালে সাহিত্যসমালোচনায় একটা কথা চলতি হয়েছে— escapism, যার বাংলা অনুবাদ হয়েছে ‘পলায়নী বৃত্তি’। বর্তমান সমাজের দুঃখ দৈন্য অসংগতিতে পীড়িত হয়ে এবং তার প্রতিকারে হতাশ হয়ে অনেক কবি ও সাহিত্যিক নাকি এমন সাহিত্য তৈরি করেছেন, মানুষের সামাজিক মন ও জীবনের সঙ্গে যার সম্পর্ক নেই, যার উপকরণ সম্পূর্ণ তাঁদের কল্পনা। সামাজিক জীবনের মাটি তাঁরা ছুঁচ্ছেন না, আশ্রয় নিয়েছেন কল্পনার হস্তিদন্তসৌধে, অর্থাৎ ‘আইভরি টাওয়ার’-এ। এ রকম পলায়ণ যে ভীকৃত্য, ‘এস্কেপিজ্‌ম’ নামের মধ্যে আছে সেই বিচার। কিন্তু এ বিচার কবির সামাজিক মন ও কর্তব্যবুদ্ধির বিচার, না, তাঁর কাব্যের বিচার, সব সময় বোঝা যায় না। বর্তমান কালে ভাবী সমাজের বিজয়দুন্দুভি বাজানো কি তার তালে পা ফেলা যদি সকলের কর্তব্য হয়, তবে সেটা সামাজিক কর্তব্য, সাহিত্যিক নয়। যদিও যে বিজ্ঞানী ‘রিলেটিভিটি কি’ ‘কোয়ান্টাম’ নিয়ে দিনরাত মেতে আছে সে কেন কৃষির ফলন ত্রিগুণের চেষ্টা করে না, এ দোষারোপ করি নে। কারণ, প্রতিভার সৃষ্টি যা মানুষের সভ্যতাকে গড়ে তোলে, অনেক সময়েই তা নগদবিদায় নয়। ‘এস্কেপিজ্‌ম’ যদি সাহিত্যিক দোষ হয় তবে তার কারণও সাহিত্যিক, সামাজিক নয়। লৌকিক মন ও জীবন থেকে যে সাহিত্য বিচ্ছিন্ন, তার ধারা হয় ক্ষীণ। সাহিত্যের ভাগীরথী মানুষের লৌকিক সুখদুঃখের খাত ছাড়া বয় না। এইজন্য পৃথিবীর যা বড়ো সাহিত্য, মানুষের লৌকিক মন ও জীবন তার উপকরণ।

এবং খুব বড়ো যে সাহিত্যিক সৃষ্টি, এই মন ও জীবনের বহু দিক ও বহু মূর্তি তার বিচিত্র উপকরণ—যেমন মহাভারতে, গ্রীক ট্রাজিডিতে, শেক্সপীয়রের নাটকে, টলস্টয়ের উপন্যাসে। শ্রেষ্ঠ সাহিত্যে সামাজিক জীবনের এই বিচিত্র উপকরণসম্ভার বিভিন্ন জন্মায় যে, সাহিত্যের লক্ষ্য সমাজে ও জীবনে প্রভাববিস্তার। সামাজিক জীবন সাহিত্যের উপকরণ—সামাজিক প্রেরণায় নয়, সাহিত্যিক প্রয়োজনে। যে কবির কাব্য 'এক্সেপিস্ট', তার মূল কারণ নয় বর্তমান সমাজব্যবস্থায় কবির বিতৃষ্ণা ও হতাশা। তার কারণ, এর বিশাল ও জটিল উপকরণে সাহিত্যসৃষ্টি-প্রতিভার অভাব, অথবা অন্য রকম সৃষ্টির দিকে প্রতিভার ঝোঁক। শক্তিতে যে কুলোয় না তার চেপ্টা না করা ভীর্ণতা নয়, সুবুদ্ধি—কি জীবনে কি সাহিত্যে। 'এক্সেপিস্ট' কাব্য যদি 'আইভরি টাওয়ার'-এ উঠেও কাব্য হয়, তবে তা সার্থক, হোক-না তার ধারা শীর্ণ। বড়ো চেপ্টার ব্যর্থতা যে ছোটো সাফল্যের চেয়ে বড়ো, সাহিত্যে সে কথা বলা চলে না। আর সাহিত্যের চেহারা তো এক নয়, সে বহুরূপী। লক্ষ্মী কেন দশভুজা হল না এ আপসোস বৃথা।

বিদেশে ও দেশে অনেক আধুনিক কবি সমাজে ও জীবনে ও সৃষ্টিতে যে অসংগতি ও কুশ্রীতা, তার তিক্ততাকে কাব্যের উপচার করছেন। এ অসংগতি ও কুশ্রীতা, যখন সৃষ্টির অংশ, তখন একে কাব্যের রূপ দিতে পারলে সে কাব্য যে হবে সার্থক কাব্য তাতে সন্দেহ নেই কিন্তু যে-সব সমালোচক সাহিত্যের শ্রেণীভাগ ও নামকারণের ব্যবসা করেন, তাঁদের বলতেই হবে যে, এ কাব্যও এক্সেপিস্ট কাব্য; আর এ কাব্য চরম রিয়ালিজম নয়, পরম সেন্টিমেন্টাল। জীবনে ও সৃষ্টিতে সবই কুশ্রী নয়, সৌন্দর্যও আছে। এ কাব্য তা থেকে পলায়ন। দোষের কিছু নয়, বিশেষ মুডের কাব্য রচনায় এ-রকম থেকে পলায়ন কবিকে করতেই হয়। কিন্তু এ কাব্যের সুরে আছে জীবন ও সৃষ্টি যে-রকম সে-রকম কেন হল, তাই নিয়ে নালিশ। শরীরের সুখমা যে কঙ্কালকে ঢেকে রেখেছে, নর-নারীর প্রেমের মূলে যে কাম, তার পীড়া এ কাব্যের ধ্বনি। কুশ্রী ও সুন্দর, বীভৎস ও মধুর, নিষ্ঠুর ও মৈত্র—সৃষ্টির এই বিষামৃতির বিস্ময় এ কাব্যে নেই। সমস্ত সৃষ্টি কেন প্রেমিকের স্বপ্ন নয়, এ কাব্যে সেই অভিযোগ।

একদিন ছিল, যখন মানুষ মনে করত তার এ পৃথিবী সৃষ্টির মধ্যমণি। সূর্য চন্দ্র তারা তাকেই ঘিরে রয়েছে। বিশ্বের সকল গতিবিধি হচ্ছে পৃথিবীর রাজা মানুষের মঙ্গল-অমঙ্গলের মন্ত্রণা। সে দিন এ অভিমানের হয়তো অর্থ ছিল—বিশ্বসৃষ্টি মানুষের মনের মতো নয় কেন? আজ মানুষ জেনেছে তার এ পৃথিবী ব্রহ্মাণ্ডের একান্ত শূন্যে

সমুদ্রের বালুতীরের এক কণা, পুরো বালুও নয়। তার চেয়ে হাজার হাজার গুণ বড়ো শতলক্ষ পৃথিবীর এক কোণে সে রয়েছে; সেখান থেকে মুছে গেলে ব্রহ্মাণ্ডের শূন্যতা যে কিছু বাড়ল, তা লক্ষ্যও হবে না। এই পৃথিবীতে মানুষ এসেছে অল্পদিন। থাকবেও না চিরদিন। যেদিন তাপহীন ও বায়ুশূন্য হয়ে তার গতিপথে পৃথিবী ঘুরবে, তার অনেক আগে এখান থেকে মানুষ লোপ হবে। সৃষ্টি কেন মানুষের মনোমত নয় এ অভিযোগ আজ নিদারুণ পরিহাস। সৃষ্টি যা আছে তাই। কেন এ-রকম সে প্রশ্নের অর্থ নেই। এর সবই যে নিষ্ঠুর ও বীভৎস নয় সে আমাদের সৌভাগ্য। কঙ্কালকে ঘিরেও যে থাকে শরীরের সুসমা, কামের পাকেও যে প্রেমের পদম ফোটে, কৃতজ্ঞ মনে তাই স্মরণ করতে হবে—কাব্যে না হোক, জীবনে।

AMARBOI.COM